



ANTH SANDERUS

DVOS CONTINENS

DIALOGOS NON ITA PRI-

DEM INTER VROS

quosdam doctos *Venesijs* ha-
bitos:

In quibus varia Nicholaj Sanderi,

aliorumque *Romanensium* calumniae in hac

Anglorum ab excusso Pontifice tem-

pora vaferrimè confictæ, licet

obiter & fortuito, verè ta-

men candidèque re-
felluntur.



Psal. 5. *Quoniam non est in ore eorum veritas, cor eorum vanum
sepulchrum patens guttur eorum, linguis suis dolose age-
bant, Indica illos Deus.*



EXCVSVM CANTABRIGIAE

cum consensu Primariorum hominum quo-

rum autoritas chartâ Regiâ

ad hoc requiritur.

M.D. XCIII.

DVOS CONTINENS

DIABLO OS NOTATA PRA

EXCIVAM CANTABRIGIAE

EXCIVAM CANTABRIGIAE

EXCIVAM CANTABRIGIAE

EXCIVAM CANTABRIGIAE

EXCIVAM CANTABRIGIAE

EXCIVAM CANTABRIGIAE



VIRO ILLVSTRIS-

simo, honorificoq; Domino suo

THOMAE SACVILE Baroni

Buckhurstia, splendidissimi Garterij or-

dinis Equiti, Reginaeq; Majestatis

consiliario dignissimo, perpe-

tuum optat felicitatem,

A. L.



INCIDI nupèr (*Illustrissime*
SACVILE) in Dialogum,
meo judicio, non inveniſtum, quem
Italicè Venetijs habitum Catholi-
cus quidam Anglus (ſic enim Pa-
pistæ ſe nominari volunt) illic de-
gens fecit latinum, & ad amicum aliquem ſuum
Rhemas miſit. Mirarer certè hominem in re cunètis
Rhemenſibus tam ingratà & odioſà tantoperè deſu-
dare voluiſſe, niſi hâc mente ſe feciſſe prodiſſet, ut
certiores illi redderentur eorum, quæ diſciplinam ſu-
am oppugnant, atq; ità in quamcunq; decertandi oc-
caſionem tantò diligentius ſe componerent.

Illi igitur tam provido conſilio, tantâq; opportunitate
fruantur: ego interim, (quòd ad manus meas quodam
fortune beneficio hic dialogus ſic delatus fuerit) vel
Regina noſtra ſereniſſima, vel patriæ dulciſſima
nihil

EPISTOLA

nihil gratius me facturum existimavi, quàm si exemplum ejus describendum, & in Angliam ad amicum quendam meum celerrimè mittendum curarem, qui (si publica auctoritas patiatur,) eundem typis donare, & in lucem meridianam emittere possit. Hoc ille si fecerit, summis ab honore tuo precibus contendendo, ut tam ejus quàm meam operam favore tuo protegas, & defendas. Perpulchram candidissimæ, mitissimæ, innocentissimæ ELIZABETHÆ nostræ defensionem continet contra impurissimorum eorum perfugarum calumnias, qui Pontificiâ religione se nunquam satis immerfos putant, donec impietatis suæ adversus nostram Rempub. & Reginam insigne aliquod publicumq. dederint testimonium. Tu verò cum sis Regina nostræ consanguineus, officij tamen pietate, quàm sanguinis conjunctione multò propius eam accedis: & illâ meritò es apud omnes eruditionis sapientiæq. existimatione, ut unicum judicium tuum hoc opus tam nostris, quàm exteris universis commendare cumulatè sufficiat.

Theses certè, quæ istic tractantur, non solum luce dignæ sunt, sed eam summopere flagitant. Nam in his transmarinis partibus libri multi impudentissimi quotidie excuduntur, omniumq. manibus teruntur, (nescio etiam an aliqui Britanniam ipsam irrepant) qui splendidissimæ Reginae nostræ famam & existimationem sic contumelijs afficiunt, ut etiam aliquo modo eam conficere, & apud externos principes despicatam reddere videantur. Atq. igitur ut nullos alios fructus hoc nostrum officium procreet: nostratibus tamen suū desidiâ in mentē fortè rediget, & eos faciet deinceps æq. promptos ad dignitatē Reip. & principis propugnandâ, atq.

DEDICATORIA.

atq; inimici se hæcenus præbuerunt ad eandem con-
uellendam. Laudem hanc, cum intellegant quàm exi-
mia sit, tam exteris quàm Anglis etiam peregrinanti-
bus invidebunt, nec sibi tanto ocio domi diffluentibus
præripi patientur. Sic autem non solum hominum isto-
rum pessimorum audacia in posterum cohibebitur, sed
etiam exteri amici nostri, qui hæcenus libros tanto su-
percilio editos omni veritate carere non posse fortè sus-
picantur, habebunt unde & sibi ipsis satisfaciant, &
malitiosis obtrektoribus aliquid respondeant.

Nonnulli apud nos, & illi quidem viri prudentissimi,
hoc errore implicantur, ut impurissimis horum men-
dacijs silentio respondendum existiment, sati scq; esse, si
talibus libris tantum aditus in Angliam præcludatur.
Sed ij si hic essent, (quemadmodum est apud comicum) a-
loter sentient. Nam qui eos conscribunt magnâ sunt
hic apud omnes autoritate, suamq; nequitiam tam spe-
cioso sanctitatis fucò colorant, ut nihil unquam loqui,
multò minùs literis mandare putentur, quod locupletis-
simis testimonijs consignatum non habent. Cum ergò à
nemine coarguantur, necessum est, ut hæc tempora res
nostras condemnent, & multò magis quæ futura sunt
secula earum memoriam infestissimo odio prosequan-
tur. Frigidum hoc & insulsum stratagemâ est eorum
hominum, quorum neq; dogmata nec actiones lucem fe-
runt, quiq; tormentis & equuleis omnes ad suas opinio-
nes pertrahunt, non rationum momentis ducunt.

Nos ergò, nisi nostræ innocentie diffidere videri eti-
am cupiamus, non tam excludere tales libros, quàm au-
de circumspicere debemus, & refutatos celerimè remit-
tere.

Imò verò cum Cerberi isti multicipites univèrsum

terrarum orbem fœdissimis suis latratibus oppleant,
ut Amazones ad nuptias non admittebantur, nisi hoste
aliquo prius interempto: sic ego nec nostros Academi-
cos ad dignitatem aliquam promovendos iudicarem,
donec horum gladiatorum aliquem in arenâ supinum
consternerent. Sic enim fieret, ut adversarijs licet im-
pudentissimis ipse pudor silentium tandem imponeret,
ut doctorum hominum ingenia, quæ nunc desidiâ apud
nos torpent, quotidiè magis exacuerentur, ut indocti ca-
thedarum earum aspectum exhorrescerent, quas nunc
aliqui indignissimè tantum fastu possident.

Sed eni Phormionem delirum, nec tamen senem, co-
ràm Hannibale! Quin potius ipsorum iudicijs hæc re-
linquam consideranda, qui nostræ Reipub. clarum te-
nent. Reprimam ergò me. Tu, si quid deliquerim, pro
summâ tuâ clementiâ, mihi obsecro ignoscas, volunta-
tem equi consulas, & patrociniū mearum fortuna-
rum dudum honorificè susceptum pari benignitate
tuare. Dignitatem tuam Deus Opt. Max. tibi inte-
gram & illibatam, &c. suæ Ecclesiæ, nostræq; Reipub.
incolumem diutissimè conservet. Aureliæ octavo ca-
len. Maij. Anno. 1593.

Honoris tui observantissimus

A. L.



TYPOGRAPHVS LECTORI.



N opus (amice lector) sum-
mâ curâ diligentiaque elab-
oratum ; quod gratum ti-
bi fore speramus , gratum
Reipublicæ , iucundum om-
nibus , qui aut curant scire
res nostras præteritas aut fa-
vent præsentibus . Sed ne
mireris *Cantabrigie* editum sermonem illum , qui
Venetijs sit habitus , aut vnde ad nos delatum fu-
erit , quod tam longè sit actum : huiusce rei casus ,
epistola præcedens te certiore fecit . Ille verò
nobis , vti ipse etiam testatur , ne nos finxisse videamur ,
exemplum Aureliâ transmisit , & pro nostra
necessitudine , atque amicitia , summopere tradidit
& commendavit . Nos qui quidvis libentè amici
gratiâ , quod æquum bonumque esset , non solum
rogati , sed etiam nostra sponte faceremus , conti-
nuò (obvijs quod aiunt ulnis) vt par erat , amplexi
sumus tantum munus ab amico profectum . Per-
lecto autem libro , & cognitâ rei dignitate , animus
accessit , vt inquit Comicus , quo magis (id quod il-
le voluit) edere liberet : Præsertim cum eum crede-
rem ideò magis commendasse , quòd sciret , pro fide
mihi non ita pridem cum alio cõmissa , nihile esse cū
officio nostro conjunctius , nihil ad famam atq; ad
existimationem præclarius , quàm rem tantam tam-
que insignem , primo quoq; tempore in lucem emit

tere . Negotium itaq; suscepi non solum amici ro-
gatu, cuius voluntas atq; autoritas plurimum apud
me valuit, neq; privato officio ductus, sed Reipub.
causam magis, & communi patriæ charitate, quæ pe-
nitens hæret in omnium sensibus infixæ . Idq; à me
deberi illis à quibus hoc munus acceperam, deberi
bonis omnibus existimabam, quibus huiusce causæ
tractationem satis certò scimus fore gratissimam.
Ceteri qui in hoc genere quotidie eduntur libri,
pro religione pugnant feliciter propagata, mul-
tisq; jam Annis corroborata : Quæ hic differuntur,
primordia instauratæ religionis adeunt, incunabu-
la tutantur, Parentem defendunt . Nutricem ejus
serenissimam, lumen orbis terrarum, à perditissi-
morum hominum maledictis vindicant . Hoc ta-
men tam magnum tamq; præclarum opus non sta-
tim divulgare ausi sumus, nisi prius viris aliquot
principibus factis auctoribus, & nostrum consilium
approbantibus . Sed cum proles hæc quasi Parente
suo orbatæ ἀνύμω Ⓞ esset : non eam (amice lector)
quo visum est, & quem vides, titulo ornavimus . Hoc
etiam tibi probatum iri confidimus . Vale.



DIALOGVS. I.



PRISCAM humanitatem tuam (amantissime B.) novis officijs quotidie cumulas. Cum igitur facultates nostrae meritis tuis multum sint impares, ad evitandam ingrati animi labem, cogor voluntatem meam quam possum optime testatam tibi reddere. Ex illo *Sanderi* libro de *schismate Anglicano*, quem nuntius tuus mihi non ita pridem attulit, fructum percepi jucundissimum, neque tamen tam ipsum legendo, quam cum alijs communicando. Est quidam hujus civitatis vir magnificus, non tamen tam generis nobilitate splendidus, quam virtute ornatus, omniq; doctrinarum varietate politus, qui propter operam suam praecipuam antiquitatis & civilis prudentiae studio impensam, non solum in suae Reipublicae cognitione omnes facile superat, sed exterarum etiam quarumcunque nationum disciplinas atque mores perfecte tenet. Ita ut non unius civitatis, sed (ut olim *Socrates* ille) totius terrarum orbis civis esse videatur. Hujus summae bonitati quod senserim me à primo meo in hunc locum appulsi fuisse devinctissimum, non existimavi me gratiorem tanto amoris mercedem unquam persoluturum, quam librum istum impertiendo, qui nostrorum ab *Henrico* septimo temporum absolutam ferè & accuratam historiam pollicetur. Hâc autem occasione contigit, ut ego

non solum discerem opinionem hominum aliquot disertissimorum, de illis *Henrici octavi cum Katharinâ Ferdinandi Hispani* filiâ nuptijs, sed etiam intelligerem, nostrates **E L I Z A B E T H A E** suæ (in quam quarta pars ejus libri paulò asperius invehitur) mores & res gestas quàm strenuè propugnant. Hic eorum sermo vel tuo vel reliquorum apud vos Catholicorum palato non ità suaviter forsan arridebit, quia suspectior est: cum officio tamen nostro conjunctissimum putavi vobis eum repetere, ut justa atque matura tantarum rerum deliberatio possit vobis opportunitatem præbere non solum vos ipsos contra inimicorum aculeos fortius muniendi, sed *receptulas* vestros (quos multos habetis) contra astutas clandestinorum seductorum illecebras tantò diligentius confirmandi. Quò melius ergò consequar quod institui, singula sic referam, quemadmodum ab ipsis prolata sunt, tantum nomina eorum reticebo, nè forsan compotorem nimis memorem se habuisse conquerantur, & singulos solâ professionis suæ notâ designabo. De nostro nihil addidimus, tantum quæ illi benè suâ linguâ, nos latinâ non ità forsan benè depinximus. Sed cum tu hunc librum multis tum *Anglis* tum *Gallis* ostensurus fortè sis, eam linguam illi aptissimam judicavi, quæ hominibus cujuscunque nationis literatis est usitatissima. Testimonia etiam, quæ tam integrè inter differendum allegari non potuerunt, partim ab ipsis postea accepta, partim à fontibus undè hauserunt derivata, plenius perfectiusq; descripsi. Quædam prolixiora, quàm ut dialogo commodè interferi potuerint, in finem operis tibi pro arbitrio tuo conspicienda reservavi.

servavi. Quæ nostra opera, maximoperè cupio, ut tibi grata esse possit, siquidem nihil mihi sit antiquius, quàm ab illis, quibus aliquid debeo, vel optimè promereri.

Non ante multos dies igitur in duos *Anglos* hîc incidi, quos è patriâ nostrâ non conscientiæ ardor, quod mallet, sed quod sæpius fit, terrenæ prudentiæ desiderium ad has oras attulerat. Quod autem alter eorum literis humanioribus landabilitèr videbatur instructus, alter non leves in jure civili progressus fecisse, volui utrumque ad nobilem illum perducere, neq; tamen ut his tam gratificarer, quàm illi præberem occasionem ab eis perquirendi quod vellet, tùm de *Britannia* nostræ præsentis statu, tùm de rebus illis, quas inter tam longè lateq; peregrinandum observassent. Non citiùs ad ædes pervenimus, foresq; pulsavimus, quàm venit stator quidam ejus, qui me satis familiaritèr cognitum salutavit, sequiq; rogavit in porticum quandam augustiorem, ubi herum cum duobus viris habitu gravissimis videmus colloquentem, quorum alterum juris pontificij, alterum Theologiæ doctorem esse postea intelleximus. Ille statim atq; nos aspexit, comitèr accedit, cumq; intelligeret illos, qui me comitabantur, esse peregrinos atq; *Anglos*, solenniùs eos ad morem hujus civitatis amplexus, peropportunè inquit Jadesitis viri charissimi. Nam librum de schismate *Anglicano* jam habemus in manibus, & ego his viris spectatissimis receperam, me ostensurum quasdam in illo laves, præsertim illam, quæ religionis in *Anglia* mutationem *Henrico* ejus nominis octavo affingit, cum ego potiùs *Romanis* Pontificibus ascribendam esse judicem. Sed vos quia jam adestis, me hoc onere, ni fallar, liberabitis. Nam uti quondam

Vlyffes à *Cyrce* detentus, multa de *Ithacâ* suâ, non sine summâ animi recreatione narravit : sic non dubito vobis ab *Angliâ* vestrâ tam longè disjunctis cordi futuram esse tam piâ, tamq; officiosam de illâ sermocinationem. Vtunque enim Rex vester præcipuam culpam illius defectionis apud exteros fert : reliquis tamen populus reprehensione carere non potest, quod ad ejus ductum tam temerarium, tamq; impium se applicauerit. Quapropter crimen hoc non ab illo tantum, sed à reliquis suis subditis depellendo, nescio an etiam aliquos parentes vestros tam funesto è scelere exemeritis.

Illam decessionem (respondit eorum alter) *Henrico* nostro tribuere non multum recusamus, sed hîc eum deliquisse constanter diffitemur. Pontifex aliquis suis præstigijs oculos illi perstringere cupiens, si aditum in pristinam Regum libertatem, quam Papæ recentiores illis intercluserant, proprio cum dispendio patefecerit, nos hoc illi acceptum libentissimè ferimus. Et nisi successores ejus haberemus, multò nobis, quàm par est, hâc de re infensiores, autorem hujus disidij deprehendere non ità multum cuperemus, eis potius investigandum relinqueremus, qui hînc damnum sibi illatum conqueruntur. Sed hoc quicquid est (vir illustrissime) quod istis promisisti, nos vehementer à te contendimus, ut non solum persolvas, sed nos etiam hujus rei testes admittas. Nam si te in nostris historijs versatum fuisse intellexerimus, summo quidem beneficio nos afficies, & docebis aliquâ in existimatione apud vos esse nostram patriam, nec inter barbaras & contemptas illas reputari.

Hanc

Hanc tam expeditam responsionem virum illustrem (quem non ab imposito, sed à se suscepto munere *historiographum* mihi nominare libet) multum oblectare videbamus. At (inquit) quia ego vobis obligari non possum, præstabo his quod sum pollicitus, vos etiam spectatores admittam. Quia tamen *Athenienses* ne in suâ quidem civitate, nisi precio soluto, Liban. in arg. ελυνθ. α. ad spectacula publica non ingrediebantur: vos in alienâ Republicâ constituti non potestis recusare, quò minus in hanc privatam arenam à nobis tam humaniter excepti vel pecunias numeretis, vel saltem similem voluntatem emetiamini. Hæc locutus, post modicam respirationem interpositam, sic exordiebatur.

HENRICVM ergò vestrum hîc omni culpa libero. Rem Christianam tam foedè miscuisse, vel confudisse potius illi mihi visi sunt, à quibus religio fideiq; puritas præcipuum solamen expectare, solertissimèq; recreari debuit. Nam in excubijs qui jacent, si hostem in castra recipiant, quid mirum est reliquum exercitum consterni illicò, seu saltè profligari? Papæ, papæ recentiores (quia non solum ciuitas nostra, sed & hic amicissimorum hominum confessus libertatem orationis elargitur) autoritate suâ pastorali tantum abusi sunt, veteremq; officij sui sanctitatem humanis sordibus sic contaminârunt, ut non solum clerum universum in divini cultus incuriam, & apertam luxuriam post se traxerint, sed laicis in nequitiam suâ naturâ nimium propensis impietatis καὶ τῆς ἀθείας quasi signum aliquod sustulerint. Sic enim res est, ut nullum tam tetrum flagitium à quoquam admitti possit, cujus Historiog.

Iliad. 7

exemplum insigne aliquod & luculentum ab ipso *Vaticano* non petieris. Sed omnium reliquorum facinora, quæ vel experientia vel lectio mihi suppeditavit, *Julius* secundus multum superavit, cum *Katherinam* illam impetu bullæ suæ, tanquam æstro percitam in *Henrici* leviri sui thalamum impulerit. Quoties illam tragediam animus meus pervolvit (rei autem atrocitas sæpius pervolvere facit) quoties contemplor, quàm turpi, quàm lutulento dedecore Petri cathedram scelus illud consperferit, quàm denique atrocem mortiferamque plagam ecclesiæ Romanæ inflixerit, cogor certè dicere *Julio* illi, quod *Hæctor Paridi* apud *Homerum*: ἀλλ' ὄφρα εἴς τ' ἀργονοστήσειεν αἱ: Optavissem etiā *Henricum* quantumcunq; innocentem (nisi *Elizabetham* auspicatoribus longè è nuptijs postea suscepisset) ἀγαμὼν ἀπολεσθαι.

ELIZABETHA nunc *Anglorum* est Regina, jamq; triginta (plus) annos illam *Rempub.* tam insigni prudentiâ, tamq; constanti æquabilitate temperavit, ut licet Romano dogmati in re fidei se non astringeret, imperij tamen sui pietate ac moderatione summos omnium gravissimosque, qui fuerunt vel sunt, Imperatores facillè vicerit. Sed hujus laudes à vobis statui reposcere, ipse quod institui pergam explicare.

Acerrimæ Ducum *Eboracensium*, *Lancastrensiūq;* de Diademate Britannico concertationes populum illum diu multumque fatigârunt. Tandem summâ misereris Dei bonitate factum est, ut *Henricus* quidam familiæ *Lancastrensis* summus ac præcipuus, fuso *Richardo* truculentissimo tyranno, sceptrum ejus regni consecutus sit, & ad evitandam omnem juris sui disceptationem, ex ordinum consensu

sensu sibi conjugem asciverit *Elizabetham*, virginem, ad quam factio *Eboracensis* jus regni pertinere constanter affirmabat. Hæc, an illæ partes justiores essent, non disputamus, quia à proposito nostro est alienum. Sed *Henricus* sive suo, sive uxoris titulo Regnum legitimè affecutus, illud viginti tres annos, plus minus, foeliciter atque piè procuravit. Quo temporis spacio genuit ex *Elizabetha* liberos octo, mares quatuor totidemque foeminas. Horum natu maximus *Arthurus* fuit, quem, quòd ad certissimam minimèque controversam tam splendidi imperij successiorem destinatum esse omnes viderent, non mirum, si multi principes filiabus suis maritum vel adhuc adolescentulum expetiverint. Anno igitur ætatis suæ 11^o cum *Katharinâ Ferdinandi Hispanorum* Regis filiâ sponsalia contraxit, nec citius decimum quintum annum compleverat, quam cum illâ conjugium etiam iniret. Celebratis multâ cum festivitate nuptijs, *Arthurus* in *Cambriam*, principatum Regis primogenito jampridem ab *Henrico* tertio designatum (unde *Londinum* nuptiarum causâ concesserat) cum uxore revertitur. Hujus rei recordatio mihi in mentem redigit *Socratem* illum apud *Platonem*, qui mane ejus diei, quo mors illi oppetenda fuit, compedibus solutus, lectuloq; insidens, inter fricandum crus, quod ex dolore compedum superato jam prurire coeperat, se mirari dicit, *Aesopum* fabulâ aliquâ voluptatis dolorisque mutuam conjunctionem non expressisse. Siquidem uterque, licet simul homini adesse non possint, sic tamen verticibus quasi connectatur, ut ubi illa adsit, hîc statim sit adfuturus.

Polyd. Virg.
in Henrico

3.

Phædo.

Hujus lepidi commenti veritatem comprobavit illi pruritus dolorem compedum subsequutus, sed Anglis nihil unquam magis, quàm tristissimus ille eventus, qui lætissimam illam nuptiarum solennitatem tanquàm à tergo comitabatur. Nam vix jam quinque menses uxore sua gauisus fuerat *Arthurus*, cum mors illum suauissimis ejus amplexibus non sine mœstissimo totius *Angliæ* luctu & squalore surriperet. Hujus autem interitus parentibus tanto molestior esse debuit, quòd ex acutâ feбри ceciderit, quam præmaturus coitus contraxisse putabatur. Et certè illos quantumcunque torisit, cruciasset tamen multò vehementiùs, nisi dolorem eorum spes noua ad tempus subleuasset. *Katharinam* ab *Arthur*o grauidam esse factam cogitabant : sed illud cum aliter se habere post paucos menses intelligerent, *Henricus* filius secundus *Princeps Walliæ* pronuntiatur. *Katharinam* parentes cum dote repetunt : sed cum dos uberiori videretur, quam sine summo rerum *Anglicarum* periculo illinc vel in *Galliam* vel in *Scotiam* ad alium aliquem maritum exportari posset; *Henricus* pater *Ferdinandi* sensus explorat, nùm *Katharinam* etiam huic secundo filio suo nubere pateretur. Res *Hispano* saltem deliberatione digna videbatur, licet per jus diuinum hoc minimè posse fieri suspicatus sit. Atque igitur cum *Anglo* conuenit, ut hâc de difficultate *Romanus Pontifex* confu-leretur. Aliquot anni decurrunt, & *Anglus* hanc vitam cum aliâ commutauit.

Succedit illi in regno filius, quem unicum superstitem reliquit, *Henricus* ejus nominis octauus. Hunc, cum jam decimum octauum annum ageret, essetque
non

non solum vultu, staturâ, figurâq; corporis eximius, sed etiam summis animi virtutibus ornatus & excultus, concinnum filia suæ virum existimabat *Ferdinandus*, nisi quod mandatum diuinum tales nuptias propter affinitatem jam antea contractâ impedire crederet. *Henricus* etiâ ex consilio procerum suorum *Katharinam* fratris *Arthur*i viduam satis idoneam sibi sceminam iudicauit, sed de voluntate numinis oraculum prius implorandum esse censuit. Neque enim Regibus utilitas tanti momenti esse videbatur, quin illam honestate præponderarent. Per legatos igitur suos *Iulium* secundum adeunt, qui tum *Rome* sedebat, interrogantq; , num inter clauis sibi à *Petro* relictas, unam aliquam inueniret, quæ hanc tam firmam affinitatis seram aperire possit. *Iulius* siue quæstu pellectus, siue stupido temporum illorum torpore ad nimiam potestatem suam abusus, hanc affinitatis quasi plumbaturam se facile dissoluere posse profiteretur, arctiusq; longè vinculum inter *Henricum* & *Katharinam* plumbo quodam suo connectere. Nam *Arthurus* quod nullos ex eâ liberos suscepisset, legem *Mosaicam* non pati modò, sed etiam jubere prædicat *Henricum* fratrem, ut illam sibi conjugem assummat. Non citius illi manum legati perfricuerant, quàm in senilem memoriam illi redigerent ipsa verba, quæ hoc probant, *Quando* (inquit) *habita verint* Deut. 25. 5, 6. *fratres simul, & unus ex ijs absq; liberis mortuus fuerit, uxor defuncti non nubet alteri, sed accipiet eam frater ejus, & suscitabit semen fratris sui & primogenitum ex eâ filium nomine illius appellabit, ut non deleatur nomen ejus ex Israel*. Fatetur ex instituto Christianæ Ecclesiæ prohiberi conjugium leuiri

Cap. fina. extr.
de divor.

leviri cum suâ fratriâ, sed cum hoc potius ad publicam honestatem, quam juris divini & naturalis præscriptum interdicator, non dubitat suam dispensationem quicquid hic sit incommodi facile posse dispellere. Imò verò cum Regis intercessoribus, ad faciliorem tam inusitatâ privilegij adeptionem, coitum *Arthuri* cum *Katharinâ* dissimulandum utilitas suaderet, existimantibus procul dubio se ignominiosè nec sine repulsa petituos harum nuptiarum indulgentiam, si ipsi *Katharinam* ab *Arthuro* cognitam esse faterentur: *Iulius* tamen ardore quodam clandestino accensus, *Katharine* precibus tantum tribuebat, ut etiam coitus impedimentum, si quod intercessisset, tollere non dedignaretur. Illa enim, utcumque Deum timens, atque ob vitæ sanctimoniam multum jure laudata, tantum authoritati Pontificis ascripsit, ut cum quod atrum esset, candidum efficere, diemque in noctem pro arbirrio suo convertere posse firmissimè crederet. Quapropter veritatem, quam penitus noverat, licet in vulgus exire nollet, tamen omninò dissimulari passâ non est: atque igitur re tandem Pontifici declarât, diploma eousq; ampliari petiit, ut etiam ad coitum, (si quis fortè fuerat) extenderetur. Quid multa? Bullam undique capacissimam *Iulius* elargitur, ut vel montes credo, si qui tantæ suæ bonitati obstarent, obsorbere ac devorare posset.

Hujus exemplum habes in fine libri.

Hanc libertatem à Pontifice datam *Henricus* cum intelligeret, nihil ultra dubitat adolescens, *Katharinam* uxorem ducit, dat operam liberis, viginti annos cum illâ versatur, tres filios duasque filias ex eâ procreat. Quorum
tamen

tamen nullus diu vixit, si unicam *Mariam* excepero, cujus nuptias multi externi principes avidè consecrati sunt. Inter reliquos *Charolus Cæsar* primus fuit, sed ille, natalitiis *Mariæ* in dubium vocatis, citò deferbuit. Deinceps *Franciscus* Gallorum Rex eam *Delphino* filio suo natu maximo, post secundo Duci scilicet Aurelianensi, denique cum illorum ætas nimis immatura Anglo videretur, sibi ipsi conjugem flagitavit. Hic non sine aliquâ propensitate deliberat *Henricus*: verum *Volsæus* quidam erat, Cardinalis certè, sed vafer, sed audax, sed superbus, qui licet ex his nuptiis satis firmum foedus inter *Anglum* & *Gallum* coiturum esse non diffideret contra *Charolum* Imperatorem, qui tum cum *Francisco* capitales inimicitias exercebat: non tamen de *Charolo* ultionem quærere satis putabat, à quo primùm in *Tolosani* Episcopatus, deinceps etiam in papatus ambitu se gravitèr lulum suboluerat, nisi etiam *Katharinam*, *Charoli* materteram nimirum, eodem ictu vulneraret, quam foeminam quidem sanctissimam impuritatis suæ vitæque libidinosa semper habebat infensio-rem. Ille igitur ad subvertendam hanc nuptiarum spem, nonnullis clanculùm insusurravit, nunc *Gallum* in dubium vocare nuptias *Henrici*, quemadmodum antea *Cæsar* vocaverat, nec satis exploratum habere, an *Maria* ex illis nuptiis genita justè nasceretur. Sic enim se effecturum sperabat, ut *Henricus Katharinam* brevi repudiaret, & *Margaritam* Galli sororem Ducis *Alansonij* viduam matrimonio sibi copularet. Foedus inter duos Reges si siciceretur, & firmius futurum esse putat, & longè tum *Charolo*,
tum

tum *Katharine* perniciosius, quàm si Rex Christianissimus *Mariam* puellam duxisset. Nam cum virgo *Charoli* consanguinea esset, ejus cum *Francisco* nuptias discordiam licet acerbissimam, quæ illis intercesserat, tandem fortè componere posse suspicabatur, quòd ille (pacificus scilicet Cardinalis & homo Dei) nullo modo patiebatur. Cum è contra, si *Henricus* *Margaritam* acciperet, & *Franciscus* *Mariam* tanquam ex concubinato quæsitam respueret, non dubitauerat *Charolum* duobus potentissimis hostibus simul junctis perpetuò affligendum, *Katharinam* aliquandò rejiciendam, *Mariam* non solum principatu *Cambrie*, quem jam possedit, sed etiam omni spe *Britannici* imperij deturbandam. Quis crederet malitiam vehementiùs nos ad officium præstandum impellere posse, quàm pietatem? At vitium istarum nuptiarum, quod *Volsæus* plurimiq; alij multò antè deprehenderant, nemo adduci potuit, ut regi proderet, priusquam livor illud huic bono theologo expressisset. Qui tamen quantumcunq; in *Charolum* & *Katharinam* inflammatus, vel apud *Henricum* gratiofus: (nam res Anglicanæ jamdiu ab ejus solo nutu dependerant) non audebat hoc temerè Regi significare. Nam non solum conjugem, sed & filiam multum amare illum nouerat, sic ut perspiceret vel ab illâ divelli, vel hanc spuriam agnoscere sine summo animi cruciatu nunquam posse. Quapropter *Longlandum* quendam reverendum Episcopum *Henrici* confessorem primò contrectat, quid de leviri cum fratriâ conjugio sentit, generaliter expiscatur: & postquam eum hujusmodi coniunctionem non tam coniugium, quàm coitum incestuosum judicare persentiscerat, propius

propius hominem accedit, dicitque, quid exteri de Regis cum *Katharina* matrimonio cogitant. Illum igitur hortatur, *Henricum* hâc de re moneat: hoc muneri suo accommodatissimum maximeq; idoneum prædicat. Antistes sive modestiæ suæ non ita congruum arbitraretur, summi Pontificis auctoritatem in dubium vocare, sive potius hinc sibi quicquam pertimesceret, nihil tale ausus est, sed negotium potius in Cardinalem retorisit, quem & auctoritate & gratiâ non minus apud Regem valere rectè dixit, quam ut facillimè omnium animum ejus quo vellet flectere, vel undè vellet, reflectere posset.

Dum hæc aguntur, non existimandum est insignem hunc artificem tam imperitè dolos suos nexuisse, quin susurros quosdam & rumores de nuptiarum labe, deque tum *Germanorum*, tum *Gallorum* hâc de re sententiis in vulgus per asseclas suos spargi procuraverit. Hinc enim consecuturum videbat, ut res non solum ad aures *Henrici* tandem perveniret, sed illum etiam valdè torqueret, cum *Mariam* primùm à *Charalo*, deinceps à *Francisco* propter suspectam natalitiorum labem desertam fuisse intelligeret. Neque certè eum sua fefellit opinio. Quippe hæc cum ad Regem primò delata essent, quàm ærumnosis cogitationibus animum suum oppleverint, difficile est dicere.

Si pictor ille *Agamemnoni* mortem *Iphigeniæ* suæ Cicero lib. de Orat. lamentanti caput chlamide obvolvendum esse duxerit, quòd summum illum luctum penicillo se imitari posse diffideret: quis oratione dolores illos internos adumbrare potest, quibus discruciabatur magnanimus *Henricus* tùm, cum non sine turpissimâ suâ contumeliâ castissimam foeminam, unicamq; quam habebat,

habebat, filiam, & florentissimi regni sui hæredem, eodem momento se amisisse conspiceret : Quid ageret? Pontificem harum rerum Iudicem solum agnovit, eum igitur solum adeundum esse censuit : *Romam* ergò legatos denuò mittit, ut inde tot maiorum remedium quàm possent saluberrimum sibi peterent. Illi causam ad Pontificem deferunt, nihil in ducendâ *Katharinâ* fecisse Regem suum asserunt sine consilio *Iulij*, tamen apud Christianos Principes nuptias istas periculosè ventilari, longum esse iter ad *Romam*, subditorum animos harum molestiarum cogitatione graviter laborare, ab hac controversiâ non solum opulentissimi regni successionem, sed & animarum non leve præjudicium dependere, festinationem deniquè omnia flagitare.

Cathedram tum possidebat *Clemens* septimus, qui negotium hoc, post aliquam Pontificiorum altercationem, commisit *Volsæo* in *Angliâ* jam degenti, & *Campeio* Cardinali rerum Anglicarum non insolenti, quòd illuc jam antea à *Leone* decimo legationem obivisset, causamque quantâ possent tum celeritate, tum æquitate dirimere illos jubet. *Campeius* in *Angliam* affert diploma, quo controversia hæc sibi & *Volsæo* delegatur. *Henricus* & *Katharina* in diversa vota rapiuntur; illo non conjugem repellere, sed divortium potius, quàm imperij sui vastitatem (quam hæc tragiæc ininitantur) optante : hæc ejus qualiscunque connubij confirmationem continuationemque plurimum omnibus modis affectante. Rex enim tum justam sobolem ad successionem imperij procreandam, tum animam ad perpetuam in
cœlis

coelis beatitatem præparandam esse duxit: *Katharina* foemina quidem integerrima, sive tamen viri & filiolæ suæ amore nimis occæcata, sive gentis suæ vitio & superstitione tincta, Pontificis decreto tantum tribuit, ut vel res iniquissimas præstare posse putet.

Hoc tempore Christianum orbem infestissima bella vexabant, multumq; lacerabant, præcipuè verò illud, quod *Charolus* Imperator, & *Franciscus* Gallorum Rex de regno Neapolitano invicem gesserunt. Cuius victoriam Pontifex *Francisco* optavit, ne *Charolus* illam affecutus, universæ Italiæ nimium immineret. Vt igitur hujus partes debiliores redderet, foedus movet inter *Anglum* atque *Gallum*, ad quod, ut *Henricum* facilius pelliceret, contentus fuit hujus causæ matrimonialis cognitionem ad dictos delegatos non solum referre, sed etiam non rogatus, causâ cognitâ quidem, tamen non adhuc in judicio disceptatâ, meroque motu suo (ut in foro loquuntur) decreti cuiusdam tabulas *Campeio* jam profecturo dedit, quo connubium *Henrici* cum *Katharinâ* nullum, irritumque pronunciaverat. Eum tamen vetuit cuiquam illas ostendere, præter quam Regi & *Volsio*, donec expressum ab ipso mandatum ad hoc accepisset. Causam licet celeritè expediri palam jussisset, in aurem tamen legatum suum pro formâ ventilare monuit ad tempus, & quam posset artificiosè protrahere, se ipsum verò decreti promulgandi occasionem observaturum pollicetur. Tabulæ illæ tantâ solertiâ custodiebantur, ut non in multorum manus exiverint, nostras tamen (uti fit) non evaserunt.

Delegati (inquam) juxta præscriptum Domini papæ, bullam

Guiccard.
li. 19. suæ hist.

Hujus bullæ
exemplum ha-
bet in fine o-
peris.

bullam hanc imā taciturnitate continent, & ad causæ cognitionem sese accingunt. Rex atque Regina vocati apud ipsorum tribunal se sistunt: Atque ille cum omnia sic parata essent, ut sibi præfandi opportunitatem oblatam videret, assurgit, & adductâ ad pectus manu palam & clarâ voce testatur, se *Katharinam* illo amore complecti, quo vir conjugem deberet, eamq; tam integræ uitæ esse foeminam, ut vel augustissimo omnium principe digna esset: verum nescio quo modo, inquit, quia prius fratri meo nupserat, hoc nostrum connubium utcumque à *Julio* permissum, multis tam exteris quàm *Anglis* suspectum esse, sobolemq; quam hinc procreauit, vix ab omnibus legitimam duci percipio. Non solum ergo terristris imperij, sed & cœlestis uitæ sollicitudo me monet, ut veritatem hujus rei perquiram. Vos obsecro (viri præstantissimi) ut illud agatis, quod uestrum est, ego vestræ sententiæ me acquieturum esse profiteor. Res eò perducta est, ut tam à Regis quàm Reginæ aduocatis copiosè disceptaretur, sed ita tamen, ut disquirerent potius, quid *Julius* suo diplomate concessisset, quàm quid per verbum diuinum concedere potuisset, ut ipse *Sanderus* in hoc libro testatur. Nemo enim de papæ potestate dubitavit, tantum quid bulla suo plexu comprehenderet, discutiunt.

Legati præter justas dilationes, multas etiam friuolas & ineptas prætexunt, ut negotium tantò diutius procrastinarent. Interim quia *Henricus* per oblatam diuortij spem ad Galli partes pertrahi non poterat, sed factum tectum conseruauit foedus illud quod majores sui cum familiâ *Burgundica* jam

jam antea percusserant: Pontifex longè alium quàm speraverat belli Neapolitani eventum deprehendit, & cum *Galli* partes tandem vacillare cerneret, *Franciscum* quendam *Campanam* in *Angliam* subito mittit, qui *Campeium* juberet decretum illud igni tradere, quo priùs *Henrici* cum *Katharinâ* conjugium dissolvisset. Nam *Charolum* jam antea illi satis offensum noverat, quòd in *Gallum* propendisset: nunc igitur ob tantam contumeliam materteræ suæ inustam multò vehementius illum concitari debere suspicatur. Huic mandato licet *Campeius* tardè paruerit, quòd Pontificem in gravio rem morbum incidisse intelligeret, quàm ut curationem speraret: tandem tamen eum audiens convaluisse, religiosè satisfecit. Hoc metu cum *se Clemens* expeditivisset, controversiam hanc de matrimonio satis, ut videbatur, in *Angliâ* subactam, ad consistorium *Romanum* definiendam accersit.

Iam *Henricus Charoli* gratiam subvereri cepit, & ut illam, quantum posset, elevaret, non solum Theologos ac Jurisconsultos (quos *Anglia* tùm habebat & multos & peritissimos) de hoc conjugio consuluit, sed utramque etiam conflavit Academiam suam, *Cantabrigiensem* scilicet & *Oxoniensem*, eisque hanc thesin publicè disputandam proposuit, *An leviri cum fratriâ conjunctio jure divino sic interdicta esset, ut nullo privilegio tolerari posset.* Omnes hunc congressum improbant, damnant, detestantur. Suorum tamen sententijs non acquievit; nuncios in transmarinas nationes magnis suis sumptibus mittit, ut non solum doctissimorum hominum, quos illic invenirent, sensus hac

Has censuras
habebis in
fine operis.

Exemplum
hujus senten-
tiæ habes in
fine operis,

de re perquirerent, sed etiam Academiæ quæ-
cunque iudicia explorarent. Aliquot fuerunt, qui
pertinaciter tam in *Pontificis* quam *Charoli* grati-
am steterunt à matrimonio, sed plurimi idem op-
pugnabant. Ità ut non pauci libros eâ de contro-
versia laudatissimos composuerint: Academiæ eti-
am, pro more suo, thesin accuratissimè discusse-
runt, & deinceps scitum suum graphicè descriptum,
communiqué, quod habebant, sigillo munitum,
singulæ remiserint. Hæc iudicia quamprimum ad
Henricum perlata sunt, licet anxium illum redde-
rent, tamen, quæ sunt, *Romam* mittit & Pontifici
narranda curat. *Clementem* tamen neque doctissi-
morum hominum libri, nec Academiæ scita,
neque multi, qui rem coram illo disceptare cupie-
bant, neque vires proprii decreti, quo matrimoni-
um hoc jam antea enervasset, quicquam impedi-
unt, quò minus sententiam nunc à *Katharinâ*
ferret.

Hæc nova quamprimum in *Angliam* perfe-
runtur, quid ni Rex tam magnanimus excan-
desce-
ret? quid ni eludi se suboleret? quid ni Pontifices
verbum divinum tanquam regulam *Lesbiam* incon-
stantiæ rerum humanarum, atque adeò suis designa-
tionibus inflectere perspiceret? *Iulius* primò con-
jugium permisit, quod & præstantissimi omnium,
qui tunc vixerunt, impium, incestuosum, & exe-
crabile judicaverunt, & etiam ipse *Clemens* suo di-
plomate penitus diremit. Et tandem idem *Clemens*
nec iudicium totius quasi orbis Christiani, nec de-
cretum suum tanti fecit, quin ad *Iulij* partes facillè
relaberetur. Doleo certè Pontifices nostros homi-
nibus

nibus prophanis & irreligiosis tantum sui deridendi occasionem præbuisse: sed tam ridiculis eorum præstigijs, & imposturis Christianæ disciplinæ repagula convulsa esse atq; perrupta boni omnes lugent multò vehementius.

Cum *Henricus* eos ecclesiæ ductores, quos ad Salvatoris nostri normam omnia metiri atq; componere prius crediderat, temporibus & occasionibus Theologiam suam accommodare deprehenderet, ad calculos statim revocavit illam potestatem, quam in omnes Christianos principes jam diù exercuerant, & post consultos regni ordines illinc exterminandam planè censuit. Primitias ecclesiasticas, necnon censum illum annuum (quem *Petri denarios* vulgus appellabat) sedi Apostolicæ statim detraxit, seipsum *omnium causarum tam spiritualium, quam civilium supremum Iudicem* intra regni sui *septa* pronunciavit, contemptâ deniq; autoritate Pontificis, post *Katharinam* repudiatam, novas nuptias cum *Annâ Bolenâ* contrahit, quam *Sanderus* in isto suo libro pluribus maledictis, quàm decuit hominem Theologum, configit: quàm veris tamen, vos melius dixeritis, quibus res vestræ perspectiores esse debent. Religio Christiana summam reverentiam nos docet erga omnes, quicumq; cum magistratu & imperio sunt præsertim eos quorum ditioni subijcimur: eos ergo convitijs proscindere nemo potest sine tetriciori malitiæ notâ, quàm homo ab omni modestiâ non derelictus libenter sustinere velit. Sed nos historiam ad exitum jam propè deductam concludemus.

Henricus paulò postquàm jugum hoc, quod tam graviter & suas & majorum suorum cervices pressisse videbatur,

videbatur, excussisset, plurimos in suo regno monachos invenit, qui malè hoc tulerunt, quique nullo modo adduci potuerunt, ut in ejus verba jurarent. Quà re multum concitatus, non solum de reis ipsis supplicium sumpsit, sed etiam monasteria omnia, quæ tum in *Angliâ* fuerunt, & plurima & locupletissima dijecit & complanavit: eorum mobilia diripuit, terras, quæ tertiam regni partem superare credebantur, fisco vindicavit. Papam enim omni spe relictus privari non existimavit, dum aliqui reperirentur, qui causam ejus tam strenuè defenderent.

Hoc modo non solum *Anglia* & *Hibernia* Pontificem ejecerunt, sed reliqui etiam principes Christiani, ad hoc exemplum, ejus potestatem vel protinus abdicarunt, vel saltem sic retinent, ut eam non multi faciant. Atq; ergò hæc mala jure videmur non tam hæreticorum pervicaciæ tribuere, quàm hæreticorum multitudinem ipsis Pontificibus, qui jam diu tam dissolutè vixerunt, ut quid quisq; de se sentiret, prorsus eos neglexisse judicaveris.

Nunc apostatam *Henricum*, *Annam* non pellicem tantum *Katharina*, sed & ipsius *Henrici* ex coitu furtivo filiam, ipsam verò scortum omnibus prostitutum dicunt: ELIZABETHAM etiam (quam *Henricus* ex eâ suscepit, *Angli* verò nunc suam Reginam agnoscunt) spuriam, hæreticam, meretricem esse clamitant. Eam denique liberos spurios, quos tres habet, ex ordinum consensu ad ejus regni successionem designasse, quod non solum sedi Apostolicæ stipendiarium, sed etiam acceptum referri solere prætexunt. Tormenta, infernum, diabolum tum ipsi, tum suis subditis qui obsequium aliquod illi

Bozius in libr.
12. de sign.
ecclésiæ cap.

illi præstant, minitantur atque vibrant. Sed stulti aucupes mihi videntur esse, qui strepitu volucres abigunt, & eas quòd avolaverint, maledictis insectantur. Integritas atque sanctitas *Christi* imperium tam latè propagavit: falluntur ergò, qui idem sordibus & fraude sustentari putant. Non est hìc avaritiæ, non est ambitioni locus: omnia ad verbum divinum, tanquàm ad Lydium lapidem, examinanda sunt: hujus tactum quæ refugiunt, quantumcunque specimen emolumenti præ se ferunt, tristem & funestum exitum semper habent.

Hic cùm subsisteret *Historiographus*, sermonem ejus *Pontificius* risu excipiens leviori, tam perspectam (inquit) habemus tuam & diligentiam & fidem, ut veritatem nec ignorare te, nec dissimulare velle suspicemur. Vtunque igitur hanc rem alij alitèr referunt, tua me movet autoritas, ut hæc quæ dixisti, tibi credam singula, quem semper novi temporum & solertissimum observatorem & integerrimum relatorem. Si tamen hoc nostrum oci-um tam seriam disputationem pateretur, facilè putarem me posse ostendere, quantâ cum injuriâ hodiernos ecclesiæ Catholicæ luctus ab illo *Iulij* diplomate derivaveris.

Henrici cum *Katharinâ* fratriâ suâ nuptias Pontifex ille toleravit: sed quod jure tum humano, tum divino fecit, nobis tot calamitatum causas putare, summa esset inscitia, nisi tu diceres. Certè *Deus Opt. Max.* nec tam rarò ab hominibus provocatur, nec tam leves iracundiæ anfas arripit, ut velit tam diuturno populi sui mœrore factum illud Pon-

tificis vindicare, quod ipse in lege suâ si non jubeat, tolerat tamen ac permittit. Sed nos colligendi causâ hûc venimus, non contendendi. Imò verò (dicit *Historiographus*) res seriæ, quas cùm delectatione agimus, vel plurimum recreant. Tibi igitur si sit animus aliquid afferre contra hanc nostram opinionem, ut idem pro viris istis amicissimis pollicear, nè dubites, quin oratio tua summam nobis voluptatem allatura sit. Consulo tamen interim te circumspicias. Adest enim peritissimus *Theologus*, qui pro amicitia sua, nec capi me tuis argutiis, nec pro pietate, veritatem opprimi patietur.

Cap. 18. vers.
16.

AD meliorem ergo (inquit *Pontificius*) tam longi itineris preparationem, primum removenda mihi videntur illa impedimenta, quæ cursum nostrum aliquo modo retardare possunt. In ipso autem limine se offert illud *Levitici*: *Turpitudinem uxoris fratris tui non revelabis, quia turpitudine fratris tui est.* Hoc enim est, quod te, ut multos alios, in hunc opinionis errorem induxisse, & quod ferè solum molestiam aliquam nobis in hoc negotio allaturum videtur. Varia atque multiplex est ejus legis interpretatio. Ut enim de illis nihil dicamus, qui præceptum hoc scriptorum vitio irrepsisse, nec *Mosis* esse putant: aliqui illud sic restringunt, ut de uxore fratris viventis tantum intelligi velint. Sed talis conjunctio non tam conjugij, quàm adulterij nomine condemnaretur. Cùm ergò adulterium morte plectatur, copulatio autem leviri cum fratria sterilitatem tantum infligat, hoc commentum somnij similis est, quàm ut possit diù consistere.

Sed

Sed hos alij corrigunt, dicendo nimirum illum contextum loqui de uxore fratris adhuc viventis, sed tamen repudiata: quæ eorum sententia licet à nobis sit, quod dat tamen non accipimus. Dissimulare enim non possumus, quin reliquæ *Mosis* prohibitiones in eodem capite promulgatæ non æquè debeant intelligi de viventium uxoribus repudiatis, atque hæc de ducenda fratria. Cum ergò illæ de noverca, vel amita accipienda, non tantum repudiatis astringendæ sunt, sed etiam ad patris & patrui viduas extendendæ, certè non possum hanc interpretationem ineptam & futilem non fateri, & favorem quemcunque nostris partibus prætendunt, non aperte rejicere.

Sanctus *Augustinus* legem illam de uxore fratris defuncti loqui vult, sed tamen alia *Deuteronomica* restringi tanquam genus specie. Nam illic & idem *Moses* fratrem jubet accipere uxorem fratris defuncti sine liberis. In hoc vir ille beatus Iurisperitorum sententiam sequi videtur, qui omnem definitionem in jure civili periculosam esse profitentur, rarò enim esse, ut non subverti possit. Atque igitur utcumque verbis universalibus decreta sua proponunt legislatores, singulis tamen tacitam *emendationem* adhibent, quæ illorum austeritatem, ratione hoc suadente, lenit atque temperat. Quapropter si tam præclarum ducem sequi statuamus, est quidem illa *Levitica* prohibitio universalis, sed per speciem à *Mose* in *Deuteronomio* propositam coarctata atque repressa. Vix adduci possum, ut ab *Augustini* latere vel tantillum alicubi discedam: sed hîc tamen autoritas Ecclesiæ Catholicæ ab illius

Quæst. 61.
super Levit.
Deut. 25.
vers. 5.

L. 202. c. de
reg. juris.

Bellar. cap.
23. de matri-
monij Sacr.

opinionem me pellit. Nam si illud *Deuteronomij* moderatio quædam fuisset legis *Levitica*, tum procul dubio Ecclesia legem illam cum exceptione hac Christianis etiam imposuisset, quemadmodum *Moses* *Iudeis*. Sed cum hujusmodi conjugium sine speciali summi Pontificis dispensatione nemo ineat Christianus: ignoscat mihi vir ille sanctissimus, si illud prius τὸ νόμιμον hoc posterius τὸ ἐμπικρὸν esse non concedam. Neque verisimile est *Deum* dictam legem solitariè primò figere, deinceps post quadraginta fere annos, ejus exceptionem emittere voluisse: ut cuncti enim homines dormire possint aliquandò, *Deus* omnibus horis sapit, nec tempore ad consilium emendandum opus habet. Neque tamen ab *Augustino* dissentire me existimetis, quòd ex illius interpretatione mali quicquam nostris partibus extimescam. Nam si demus posteriorem legem prioris exceptionem esse, sive limitationem (ut nostri loquuntur) prior naturali jure consistere non potest, quin posterior eodem è fonte necessariò dimanet. Hanc ergò qui tollunt ut judicialè, Hebræisq; tantum impositam, illius perpetuitate Christianos onustos malè tenent: utramq; abrogent vel neutram, & nobis nihil nocent.

Bellar. cap.
cod.

Item Bellar.
ubi supra ex
Caictan.

Nos autem in illorum potiùs opinionem discendimus, qui hujus conjugij defensionem in se susceperunt, tum cum *Henricus* ille divortium primum meditari putaretur. Illi legem *Deuteronomicum* *Levitica* tantum explicationem esse prædicant. Quemadmodum præcepto (*non occides*) nihil obstante, multæ leges sunt particulares, quæ nihilominus latronem vel violentum grassatorem occidi non solum patiuntur, sed etiam sic imperant, ut talibus parci sine scelere

non

non possit: ut ergo non negemus illud Levitici universaliter esse iustum, nihil tamen impedit, quo minus circumstantiæ *Mosen* ad contrariam planè iussuionem potuerint impellere.

Secundæ difficultati, quam nobis obijciunt adversarij, Divi *Iohannis* autoritas prætenditur. Illum enim *Herodem* increpasse dicunt, quod fratris uxorem conjugio sibi copulasset: Non inficiamur virum illum sanctissimum tetrarcham hujus criminis redarguisse. Sed qui *Iosephum* legit, inveniet *Herodem* fratris non defuncti conjugem accepisse, sed vivi rapuisse. Autor enim ille *Herodiadem* post *Salomen* filiam marito suo *Herodi* eductam in contemptum legis patriæ germano mariti sui adhuc superstitis nupsisse refert. Hoc *Iosephi* testimonium alij multi corroborant, sed priorem *Herodiadis* virum, quem ille *Herodem* nominat, *Philippum* potius appellari volunt. Illum autem sive *Herodem*, sive *Philippum* in vitâ tum fuisse, cum *Iohannes* Tetrarcham hæc de re coargueret, *Aegesippus*, *Origenes*, *Hieronymus* constanter affirmant. *Tertullianus* & *Chrysostomus* contrariam habent opinionem: sed plura testimonia (factâ saltem personarum æqualitate) paucioribus præferuntur. *Eusebius* non solum *Philippum* tum vixisse asserit, cum *Herodes* illi conjugem abriperet, sed etiam *Herodem* ipsum harum nuptiarum causâ foeminam suam abdicasse. Sed adversariis concedamus *Philippum* fuisse mortuum. Tamen, propter liberos ab uxore procreatos, *Herodem* illi in thoro succedere leges vetuerunt. Videtis igitur quomodò nec vivi nec mortui partibus illorum quicquam prosint.

Pergunt nobis opponere *Paulum* Apostolum
Corynthios

Mar. 14.

Lib. 18. ant.
Iud. cap. 7.

In frag. super
Mar.

1. Cor. 5. 1. &c.

Corynthios objurgantem propter lenitatem suam in quendam, qui novercam suam uxorem sibi sumpserat, jubentemque illum Sathanæ tradi, quia nimirum ipsas gentes tam execrabilis stupri, vel nomen semper exhorruisse prædicat. Sed miseri quàm toto errant cælo? Tam Sanctus *Thomas* quàm Sanctus *Anselmus* putant, Apostolum illic loqui de aliquo, qui novercam suam, vivente adhuc patre, loco concubinæ tenuit: hancque suam conjecturam sustinent illis verbis, *Scripti vobis non propter illum qui fecit injuriam, nec propter eum qui passus est, sed ad manifestandam sollicitudinem vestram*. Nam illum qui injuriam fecit, filium incestuosum, eum qui pertulit, patrem esse volunt cujus uxorem filius corruperat. Hanc etiam illorum opinionem locus ipse mihi videtur valdè comprobare. Nam cum dicat Apostolus *talem inter illos audiri fornicationem, qualis nec inter gentes*, certè plusquàm verisimile est, patrem tum vixisse, cum impurus ille filius novercam suam in tam fœdam societatem pellexisset: præsertim cum *Paulo*, qui tanta eruditionis varietate instructus, perpolitusq; esset, ethnicorum consuetudines tam ignotæ esse non potuissent, quin sciret & *Persis*, & aliis etiam nationibus celebratissima fuisse, tum cum novercis, tum viribus suis conjugia. Istis tamen nihil optantibus, demus (quod postulant) patrem illius obscæni filij mortuum fuisse. Quid hinc efficient? Num non licere fratriam ducere, quia novercam non licet? Dialecticis hercè parùm imbutos esse oportet illos, qui sic rationum instituunt. Quasi pater arctiori vinculo nobiscum non constringatur quàm frater? quasi

longè

2. Cor. cap. 7.

longè honorificentiorē observantiā jure naturali non exposcat? Sed hoc non urgebimus.

Isti, ut nullum lapidem non moveant, non desinunt illum *Abrahæ* versutiā nobis inculcare, quā primum *Pharaonem* Egyptiorum, deinceps *Abimelechum* Palæstinorum regem illudit. Huic enim Gen. 12. 15.
Gen. 20. 2. ipsum naturæ lumen satis semper fuisse clamitant ad prodendam turpitudinem illorum conjugiorum, quæ inimis cum nostris consanguineis. Nam si fratrum sororumq; connubia (inquiunt isti) aliquo in usu fuissent, reges illi adhuc *Abrahamum* interrogassent, num etiam *Saram* uxorem habuisset. Illi autem quod tale conjugium à naturali jure prorsus abhorre intelligerent, nihil ultrà percontati sunt, sed quā primum sororem esse scirent *Abrahæ*, sibi in conjugium expectere nunquā dubitarunt. Næ magnā argumentorum penuriā laborant ij, qui illa è tantis angustis coguntur eruere. Quid dixerunt reges illi, cum *Saram* & sororem & uxorem esse *Abrahæ* cognoscerent? Multum absuit, ut illum stupri redarguerent. Nam utcumque *Saræ* pulchritudine deprehensi & irretiti illam viro suo demiserunt: ipsumque *Abrahamum* non ut adulterum & scortatorem vel plexerunt, vel exegerunt, sed ut hominem Deo charum & peramatū multis cum muneribus ablegarunt. Sed nos quorsum *Aegyptij*, quorsum *Palæstini* judicium expectamus? nobis certè hoc unicum multorum argumentorum instar esse debet, quòd tantus vir sororem suam uxorem sibi fecerit. Hic enim pater omnium fidelium nihil procul dubio nisi cū Deo faceret. At *Saram* jam duxerat tenebris illis *Mesopotamiæ* obvolutus, nec in cultū divini adhuc ab ethnicorum colluvie defæcatus. Sic disputant.

adver-

adversarij non intelligentes, aut saltem dissimulantes, *Deum* tam ab uxore, quàm terrâ suâ virum illum segregare voluisse, si conjugium æquè atque domicilium illi displicuisset.

L. 5, 8, 9. cap.
de incest. nup.

Deinde, principum urgent constitutiones etiam civiles, quibus leviri cum fratriis copulari prohibentur: unam scilicet *Valentiniani*, alteram *Zenonis*, tertiam *Anastasij*. Harum prima fratriæ ducendæ licentiam omnem summovet. Secunda vetat mores sequi *Aegyptiorum*, qui fratrum mortuorum conjuges sibi in matrimonium sumpserunt, si illas virgines permansisse crederent: reprehenditque illos legum conditores, quibus nuptiæ non videntur, ubi conjuges corpore non convenerunt. Tertia turpissimum consortium interdicat, cum ea, quæ cum fratre nuptiali jure prius havitavit, & nuptiarum jure carere pronunciat. Sed verbo respondeamus, constitutiones istas à naturæ fonte minimè dimanasse, tantùm civiles & (ut loquuntur) positivæ esse, atque igitur ab arbitrio nutuque principum dependere. Nam cum princeps legibus sit superior, ille leges, quas ipse posuit, saltem nec divinum jus nec naturale tangentes, potest vel omninò tollere, vel etiam ex æquitate, per privilegium alicui singularitèr indultum coarctare atq; comprimere. *Romani* legibus suis vetuerunt *tutorem vel pupillam suam uxorem ducere, vel filio suo in matrimonium dare*. Item eum qui in provinciâ officium aliquod ageret, consentire *filio suo illic uxorem ducenti*: deniq; *homines patricos conjugia cum plebe exercere*. Sed quòd *Romanorū* politeumati hujusmodi scita cōcinna atq; accommodata viderètur, non tamen hinc sequitur quèlibet ubiq; populū eisdem

L. 30. c. de th.
& s. c.

L. 15. 59. r. de
rit. nupt.

L. 57. cod.

L. 6. 23. cod.

eisdem etiam obligari. Imò verò de Senatorum plebisque conjugis ne *Roma* quidem ipsa semper sibi constitit. Nam subsequētia tempora tantum de antiquā illa severitate remiserunt, ut etiam patricios mulierculas non plebeias tantum, sed etiam libertinas, modò honestas, matrimonio sibi jungere permiserint. Videtis igitur leges istas civilem tantum parere obligationem, nec diutius observandas esse, quàm ipsis latoribus visum fuerit. Longè diversa est ratio juris naturalis, id est, ejus quod humanæ naturæ communis ratio inter homines constituit & in forum traducit. Hoc enim, quia semper bonum & æquum est, nullis imperij terminis definitur, sed ab omnibus gentibus peræquè custodiri debet. Nam *naturalia jura divinā quādam providentiā constituta, semper firma atque immutabilia permanent*: ut scitè *Iustinianus* in Institutionibus.

Novel. 117.
cap. 4.

Parag. 11. de
jur. nat. gent.
& civ.

Quocum etiam pulchrè consentit *Aristoteles*, qui *ius* quo utimur in civitatibus, aliud *naturale*, aliud *legitimum* faciens, *naturale* dicit τὸ κατὰ φύσιν καὶ ἀπὸ φύσεως, καὶ τὸ δὲ κατὰ νόμον ἢ μὴ. Civile quidem, καὶ τὸ κατὰ νόμον καὶ τὸ κατὰ νόμον διαφέρει τὸ κατὰ φύσιν ὅτι τὸ κατὰ φύσιν διαφέρει τὸ κατὰ νόμον ὅτι τὸ κατὰ φύσιν διαφέρει τὸ κατὰ νόμον.

Ethic. 5. cap. 7.

Sed expectare vos video ut ostendam illud *Mosis* de fratria non ducendā scitum legitimum esse tantum, minimeq; à naturā profluere. Certè hoc non dubito, paucis sic vobis me demonstraturum, ut vel acerrimi omnium nostri reprehensores (si nunc hic essent) injurias illas calumnias, quibus nos quotidie onerant, non sine pudore revocarent. Illud *Mosis* edictum judiciale fuisse, atque igitur cum Iudaismo sic tanquam expirasse & evanuisse, ut jam necessitatem aliquam obedientiæ non vendicet, suadet primum diversitas

Levit. 10. 14,
17.

vers. 13. & 15.
eod.

veritas pœnarum, quæ hominibus contrâ præcepta illa uxores ducentibus infliguntur: Nam *qui supra uxorem filiam duxerit matrem ejus, scelus operatus est, & vivus ardebit cum eâ. Qui accepit sororem suam filiam patris sui, vel filiam matris sue, & viderit turpitudinem ejus, illaq; conspexerit fratris ignominiam, nefariam rem operati sunt: Occidentur in conspectu populi sui, eò quòd turpitudinem suam mutuo revelaverint. At paulò pòst, Qui coierit cum uxore patris vel avunculi sui, & revelaverint ignominiam cognationis sue, portabunt ambo peccatum suum, absque liberis morientur. Qui duxerit uxorem fratris sui, rem facit illicitam, turpitudinem fratris sui revelavit, absque liberis erunt.* Ex istis igitur perspicimus, *Mosen* illos qui in primo affinitatis gradu contrahunt, eodem plectere supplicio, quo *Zodomitas*, qui contra jus naturæ cum masculo & jumento coeunt. Cum ad secundum gradum perveniat, ejus violatoribus nullam pœnam corporalem imponit, sed illos (ut videtis) sterilitate tantum castigat. At si contrâ naturam æquè peccarent isti atque illi, qui primi gradus vincula prorumpunt, aut æquali pœnâ coercendos, aut saltem nimis imperitum legislatorem *Mosen* fuisse sequeretur. Atqui *Mosen* hic reprehendere non possumus, nisi etiam ipsius numinis æquitatem in dubium vocare voluerimus. Nihil enim illic præceptum esse credimus, quod *Deus* ipse nō imperavit: *Deus* autē non justus solū, sed ipsa justitia est, qui nihil velle potest injustum, sed omnia quæ vult, ideò justa facit quia vult. Deinde, si illa ducendæ fratriæ prohibitio à jure naturali derivata fuisset, non solum *Judeos*, sed & omnes nationes devinctas teneret, quæcunq; juris naturalis sensum

sum aliquem habuerunt. At gentes, quæ tamen naturæ
 luce minimè caruerunt, nihil magis quàm huiusmodi
 conjugia frequentarunt. Nam & ex *Adelphis* & *Phor-*
mione Terentij, satis liquet legē *Athenis* fuisse, ut orbæ
 eis nuberent, qui sanguine proximi essent. Hoc etiam
 de *Aegyptijs* testatur *Zeno* imperator. Sed res est mani-
 festior, quàm ut egeat confirmatione. Nam & apud
Persas duas sorores *Cambyses* duxit: sed ne quis hoc
 vitio illis vertat, ac si hîc illicitum quicquam perpeträ-
 sent, illustrissimum illud *Iude* exemplum rem omni
 cōtroversâ liberat. Ille enim multos annos ante legem
 à *Mose* datam, unicam mulierē duobus filiis ordine
 dedit, tertio etiam nuptiis adhuc immaturo despondit:
 quod certè vir tam pius cum naturæ injuria nunquàm
 fecisset. Sed & factum illud *Deus* ipse manifestè cōpro-
 bavit. Nam cum *Onan* patris mandatum detrectare,
 fratriq; suo majori jam defuncto semen invidere per-
 spiceret, tantam improbitatem morte vindicavit. Huic
Iude exemplo non dissimile est illud *Iacobi*, qui etiā du-
 abus sororibus *Lea* & *Racheli* se junxit, idq; eodē tem-
 pore. Cum tamē *Moses* in *Levitico* jubeat, *te sororem*
uxoris tue in pellicatū illius non accipere, nec revelare
surpitudinem eius adhuc illā vivēte, apud quemcunq;
 populum hæc matrimonia interdicta sunt, efficiūt hæc
 tum ethnicorū, tum *Patriarcharum* conspirantia faci-
 nora, ut credam tales leges civiles tantum & ad externā
 potius honestatem, quàm naturæ imitationē fuisse posi-
 tas. Non ignoro esse aliquos, qui *Deum* hanc liberta-
 tem temporibus illis extrā ordinē elargitum fuisse præ-
 dicant: aliquos etiā qui *Patriarchas* illos peccati prop-
 ter talia conjugia, coarguere minimè reformidant. Sed
 illi hallucinantur, hi cum hallucinatione conjungunt
 etiam

Teraq. lib. 7.
connub.

lib. 8. ca. de in-
cest. nup.

Alex. ab Alex
gen. dierum
l. 1. c. 24.

Gen. 38.

Gen. 29.

Cap. 18. v. 18.

Levit. 10. 14,
17.

veritas pœnarum, quæ hominibus contrà præcepta illa uxores ducentibus infliguntur: Nam qui suprà uxorem filiam duxerit matrem ejus, scelus operatus est, & vivus ardebit cum eâ. Qui accepit sororem suam filiam patris sui, vel filiam matris suæ, & viderit turpitudinem ejus, illaq; conspexerit fratris ignominiam, nefariam rem operati sunt: Occidentur in conspectu populi sui, eò quòd turpitudinem suam mutuo revelaverint. At paulò pòst, Qui coierit cum uxore patru vel avunculi sui, & revelaverint ignominiam cognationis suæ, portabunt ambo peccatum suum, absque liberis morientur. Qui duxerit uxorem fratris sui, rem facit illicitam, turpitudinem fratris sui revelavit, absque liberis erunt. Ex istis igitur perspicimus, *Mosen* illos qui in primo affinitatis gradu contrahunt, eodem plectere supplicio, quo *Zodomas*, qui contra jus naturæ cum masculo & jumento coeunt. Cum ad secundum gradum perveniat, ejus violatoribus nullam pœnam corporalem imponit, sed illos (ut videtis) sterilitate tantùm castigat. At si contrà naturam æquè peccarent isti atque illi, qui primi gradus vincula prorumpunt, aut æquali pœnâ coercendos, aut saltem nimis imperitum legislatorem *Mosen* fuisse sequeretur. Atqui *Mosen* hic reprehendere non possumus, nisi etiam ipsius numinis æquitatem in dubium vocare voluerimus. Nihil enim illic præceptum esse credimus, quod *Deus* ipse nō imperavit: *Deus* autē non justus solū, sed ipsa justitia est, qui nihil velle potest injustum, sed omnia quæ vult, ideò justa facit quia vult.

Deindè, si illa ducendæ fratriæ prohibitio à jure naturali derivata fuisset, non solum *Judeos*, sed & omnes nationes devinctas teneret, quæcunq; juris naturalis sensum

sum aliquem habuerunt. At gentes, quæ tamen naturæ luce minimè caruerunt, nihil magis quàm huiusmodi conjugia frequentarunt. Nam & ex *Adelphis* & *Phormione Terentij*, satis liquet legē *Athenis* fuisse, ut orbæ eis nuberent, qui sanguine proximi essent. Hoc etiam de *Aegyptijs* testatur *Zeno* imperator. Sed res est manifestior, quàm ut egeat confirmatione. Nam & apud *Persas* duas sorores *Cambyses* duxit: sed ne quis hoc vitio illis vertat, ac si hîc illicitum quicquam perpetrassent, illustrissimum illud *Iude* exemplum rem omnî cōtroversâ liberat. Ille enim multos annos ante legem à *Mose* datam, unicam mulierē duobus filiis suis ordine dedit, tertio etiam nuptiis adhuc immaturo despondit: quod certè vir tam pius cum naturæ injuria nunquàm fecisset. Sed & factum illud *Deus* ipse manifestè cōprobavit. Nam cum *Onan* patris mandatum detrectare, fratriq; suo majori jam defuncto semen invidere perspiceret, tantam improbitatem morte vindicavit. Huic *Iude* exemplo non dissimile est illud *Iacobi*, qui etiā duabus sororibus *Lea* & *Racheli* se junxit, idq; eodē tempore. Cum tamē *Moses* in *Levitico* jubeat, *te sororem uxoris tue in pellicatū illius non accipere, nec revelare turpitudinem eius adhuc illā vivēte*, apud quemcunq; populum hæc matrimonia interdicta sunt, efficiūt hæc tum ethnicorū, tum *Patriarcharum* conspirantia facinora, ut credam tales leges civiles tantum & ad externā potius honestatem, quàm naturæ imitationē fuisse positas. Non ignoro esse aliquos, qui *Deum* hanc libertatem temporibus illis extrā ordinē elargitum fuisse prædicant: aliquos etiā qui *Patriarchas* illos peccati propter talia conjugia, coarguere minimè reformidant. Sed illi hallucinantur, hi cum hallucinatione conjungunt etiam

Teraq. lib. 7. connub.

lib. 8. ca. de incest. nup.

Alex. ab Alex. gen. dierum l. 1. c. 24.

Gen. 38.

Gen. 29.

Cap. 18. v. 18.

etiam impietatem. Qui *Deum* hos quasi naves in illis tolerasse credunt, perpendant rectè tam tricesimum octavum, quàm vicesimum nonum *Geneleos*, & non dubito, quin & illud *Iude* & hoc *Iacobi* absolute comprobaverint. Nam novum & inauditum aliquod attentando si dolorem parentibus suis vel consanguineis non iniecissent, tamen, ad minus, dubitandi causam aliquam præbuisent. At nemo est qui vel de hujus vel illius facto quicquam interrogat, multo minus qui queritur. Nemo qui quicquam ab illis perpetratum existimat, quod loci temporumq; consuetudo optimè non tulit. Illorum sententia, qui hîc deliquisse viros tantos somniant, è scholis meritò exploditur. Nam vix diceret cardicius aut phreneticus aliquis sanctissimos Patres, *Deo* semper charos peramatosq; vel tam turpiter peccare, vel in peccato tam dissolutè, tamq; pertinaciter usq; ad extremum vitæ diem hæere voluisse. Certè tam istis fides adhibenda est, quàm ethnicis, qui *Iovem* deorum patrem, & tamen communem mæchum faciunt.

Prætereà illud *de non ducendâ fratriâ* præceptum, Iudæorum proprium minimeq; vel perpetuum, vel omnibus generale esse, hoc unicum apertissimè convincit, quia conjugium in eodem affinitatis gradu, quo levir à fratriâ distat, permittitur atque probatur. Nam natura in rebus similibus similem semper rationem sequitur, neque est ubi sibi ipsi non constat. Cum igitur leges leviticæ patrum & avunculum cum nepte & fratre, nepotem verò cum amitâ & materterâ, maritum etiam cum sorore uxoris defunctæ conjugi patiantur, fratris tamen mortui
viduam

viduam accipere non sinat: quid dubitamus scitum hoc judiciale dicere, *Iudeisq;* solis astrictum, & ab ejus onere Christianos omnes prorsus liberare? Sed dixerit aliquis *Mosen* de patruo & avunculo nihil expresse statuere, atq; igitur à paribus concludendum, inter illos etiam matrimonia prohiberi, quia inter hos prohibentur. Verum intelligant qui sic ratiocinantur, leges prohibentes odiosas esse, odiosas autem non laxandas, sed restringendas potius & contrahendas. Ponamus igitur legislatorem de hoc leviri cum fratriâ conjugio nihil dicere, & nihil impedit, quò minus tutò coire possit.

Bellar. c. 27.
de nat. Sacr.

Hic minimè prætereundum, censeo præceptum illud quo prohibemur, *Sororem uxoris nostræ in pelliculam ejus accipere, vel revelare turpitudinem ejus, adhuc illâ vivente.* Concedent enim adversarij nostri, ni fallat, mortuâ uxore hoc posse fieri. Quia secus verba illa *adhuc illâ vivente* prorsus superflua & ociosa sunt. At si mortuâ uxore, possim ejus sororem ducere: quid impedit, quò minus à paribus concludam, cum fratris etiam defuncti viduâ me posse contrahere matrimonium? Neq; illud nobis incommodum est, quod inter gradus præfatos conjugia rarò connectantur. Nam nos non quid fit, sed per naturæ legem quid possit fieri, dispicimus. Illa enim, utcumq; prius libera cuiq; fuerunt, ab illo tamen tempore, quo Ecclesia propter justitiam publicæ honestatis ea nobis interdixit, non sine veniâ summi Pontificis incuntur. Vnde Consuetudo (quæ est altera natura) jam tandem effecit, ut ferè quilibet è vulgo ab hujusmodi conjunctionibus, tanquam incestuosis simpliciterque malis, mentem abhorrentem gerat. Neque quidem in legibus connubialibus hoc solum usu venit, sed in omnibus quascunque tem-

Levir. 18.
vers. 18.

Vide Bellar.
cap. 27. p. 502

poris diuturnitas hominum animis paulò altiùs impresserit. Hinc fit, ut tempore quadragesimali, multi, licet in summo vitæ discrimine constituti, ad carnum gustationem nè pertrahi quidè m possint. Quipè tam crassa erroris caligine obfuscantur, ut existiment nullo omnium flagitio *Deum* graviùs incitari: cum tamen nemo sit vel in historià aliquantulum versatus, vel religionis disciplinà mediocritèr imbutus, qui non intelligit illos graviùs delinquere, quàm si integrà valetudine carnibus vescerentur. Hæc enim tam solennis abstinentiæ jussio ab Ecclesiâ primùm profecta est, nec optimâ ratione caruit: tantâ tamen religione non obstringitur, qui Ecclesiæ ductores quadraginta dies illos diminuire, tollere, vel etiam ad quemlibet majorem numerum augere possint. Idem in sepulturis apertissimè liquet. Nam hunc sepeliendi morem quo utimur, tam mordicis obnixèque complectimur, ut mortuorum corporibus in sacrato cœmeterio minimè repositis nescio quid mali ominemur. Atque igitur illos, qui sibi ipsis mortem consciscunt, hunc honorem deneamus, utpote qui injussu numinis à quo creati sunt, de præsidio & statione hujus vitæ discesserunt. Quis tamen ità est ab omni pietate alienus, ut neget illorum corporibus mare gloriosissimum sepulchrum, & animabus cœlum augustissimum domicilium paratum esse, qui, sub *Lauredano* Imperatore nostro, ad *Naupaetum* contra *Sultanum* illum bello nautico dimicantes, in fidei Christianæ defensione tam fortitèr occubuerunt. Possem vobis plurimas tum Ethnicorum tum *Indeorum* leges recensere, quas qui subditi illis erant, non sine justissimo mortis supplicio

Mar. Crus.
lib. i. Turco-
græc.

cio violarunt, nos tamen observare sine simili poenâ non possumus. Sed instar reliquarum omnium erit illa de carne porcorum refugiendâ. Vtunque enim *Eleazarus* materque cum septem suis filijs ad aeternam suam non solum laudem in terris, sed in coelis etiam beatitatem, ejus legis æquitatem sanguine suo consignârunt: quia tamen caeremonialis fuit, & *Christi* nostri adventu tanquam nubecula ortu solis disjecta & profligata est, nos non minori cum periculo illam tueremur, quam *Hebræi* deseruissent. Vt igitur philosophi dicunt ipsarum civitatum fatales quasi esse periodos: sic ex istis nos apertissimè perspicimus legum saltè civilium esse certos terminos. Nam magnæ multæq; rerum humanarum sunt varietates mutationesq;: & occasiones ut oriuntur sic intereunt, legesq; primò utilitèr rogatas, inutiles tandem faciunt Reipub. aptas & concinnas, ineptas atq; dispares reddunt. Atq; hoc in causâ fuit, quòd quidam legislator (cujus nomen mihi non occurrit) ultrà centum annos cives legibus sacris obligari minimè vellet.

Dicit divus *Petrus* *προσωπολήπην ἕκ ἐκ τὸν θεόν. Quo-* Act. 10. 34.
modò igitur fieri potest, ut ille rem eandem *Iudeos* facere jubeat, & gentes veteret ut illos ad aliquid observandum spe præmij illiceat, has ab eodem supplicij metu deterreat? Concedamus mortalium νομοθέτας vel prudentissimis leges non solum diversas, sed & contrarias sæpè placuisse: at *Deus* noster *Iehovah* illam & sapientiæ & constantiæ existimationem apud omnes jure suo vendicat, ut nihil unquam credatur populo cuiquam præscribere, quod bonū non sit atq; æquum. Quare si illius contrarium aliæ nationi imponeret, quid ni disparem suam affectionem statim prodat & dissimilem? Hoc enim apertè dicere videretur: Vobis

Sic ratiocinatur
quidam αἰνουμεν
hâc in causâ, qui
ἀπολογισαμεθα.

(*Iudei*) quia majori pretio vos habeam, hanc prerogativam indulgeo, ut fratrum sine liberis mortuorum viduas ducere possitis: at gentibus utcumque etiam in familiam nostram ascitis, adventitiis tamen atque exteris hanc libertatem denego prorsus & interdico. Hoc cum *προσωποληψίαν* aperte indicet, à Deo procul abesse debet. Nam post velum templi diffusum, post omnes in unam *Abrahae* progeniem cooptatos, vel *Christi* potius ovile collectos *ἰὲ νῦν καταλλαγὴν ἐλάβομεν*, ut inquit Apostolus, omni differentiâ distinctioneque sublatâ, qui *Iudeorum* tantum fuerat, Gentium etiam factus est *Deus*.

Rom. 5. 11.

Rom. 3. 29.

Ad memoriam vestram revocate illud *Mosis*, *Hæc est vestra sapientia & intellectus coram populis, ut audientes universi præcepta hæc, dicant, En populus sapiens & intelligens gens magna, nec est alia natio tam grandis*. Num ita vel hebetem existimabimus vatem illum, ut nesciret gentes solam naturæ legem amplecti & probare, vel tam imprudentem & supinum, ut *Iudeos* tantas laudes à Gentibus sperare juberet propter leges à naturâ, quam solam ducem illæ sequebantur, tam abhorrentes & alienas? Inter hominem & belluam hoc maximè interest, quod hæc solum quod adest, quodq; præsens est, videat: homo autem non ad id solum quod ante pedes est, se accommodet, sed etiam res futuras cogitatione suâ ponderet ac expendat. Puteamus igitur *Mosén* humanâ tantum mentis facultate fuisse præditum, à Deo in legibus suis ferendis minimè adjutum concedamus: tam insigni tamen suæ apud *Iudeos* estimationis negligentia & incuria nunquam diffluxisse credendus est, ut non quam optimam posset tum sui memoriam, tum decretorum suorum venerationem

venerationem illis relinqueret. Hoc se scivit nunquam effecturum, nisi post ejus mortem tantos honores sibi ex illorum statutorum observatione redundare illi perspexissent, quantos ipse fuerat pollicitus. Atque hoc non levi argumento est, *Mosen* non solum bonas leges Hebræis præscripsisse, sed etiam illorum judicijs accommodatas, qui ex solâ naturæ luce res discernunt. Aliter enim vetuisset populum eum à gentium & pagagorum opinione dependere, dixissetque leges suas *Deo Opt. Max.* placere, utcunque ethnici hoc tantum sapientes quod per naturæ jam depravatæ reliquias potuerunt, illas fortè reprehendere non dubitarent. Hoc autem *Mosis* promissum plurima subsequentium temporum exempla confirmant: sed reliquorum non minimum mihi videtur illud *Achioris* testimonium in oratione suâ apud tetricum illum *Holofernem*, quâ dehortabatur tam bellicosum Imperatorem, tantoque exercitu *Iudeos* ad bellum provocare, nisi prius eos legum suarum violatione *Deum* suum ad iracundiam concitasse comperisset. Nam ipsa rei veritas huic *Ammonitæ* summam istarum legum commendationem videtur expresse. Atque hæc mihi satis & multa & efficacia videntur ad evincendum quod probare constitueram. Sed esto natura mater illius legis *Leviticæ* (nam disputationis causâ hoc adversarijs nostris elargiemur) tamen si & illa *Deuteronomij* ab eadem stipite effluerit, nihil illis relinquitur in quo gloriari possunt. Hoc quoniam ab incultâ istâ oratione fastidium ac satietatem paulò alieniores vos reddidisse suspicor, paucissimis commonstrandum esse censeo.

Omnes ferè qui de matrimonio quicquam scriptis tradiderunt, duplicem ejus finem constituunt, libero-

Iudith. cap. 5.

Francisc. Yd.
istoria relectio
7. de matrim.
sect. 2. part. 2.

rum procreationem & mutuâ operam in illis officijs, quibus vita communis præcipuè continetur. Eas ergò solas conjunctiones natura respicere videtur & aspernari, quæ utriq; huic bono minus inserviunt. Istiusmodi sunt connubia matrum cum filijs, quia reverentia quædam naturalitèr insita filium non patitur à matre suâ exposcere tantum obsequium, quanto uxor erga maritum obligatur. Etiam patrum cum filiabus, quia cum uxor societatis æqualitatisq; jure cum viro copuletur: filiam opinio secum paritèr nata docet, vel summam industriam patri deberi, nullam, quam ipse sponte non præstat, ab illo vendicari. Cùm ergò nihil sit in leviri fratriæq; conjugio, quod cum horum alterutro non satis aptè cohæreat: multum illi in eo judicio hallucinantur, qui idem naturæ legibus repugnare contendunt. Vir si uxori aliquid imperet, hæc nullo defenditur privilegio, quò minus justum exequatur: uxore rogante quod justum est, ille causam denegandi quam prætexat, non habet: neutri eorum, cùm conjuncti liberiùs injuriam aliquam exposculet, disparilem exprobrandi statum opportunitas aliqua conceditur. Quemadmodum ergo illa videtur esse conditio omnis matrimonij, ut, licet jure naturali non prohibeatur, inter minora tamen bona locum habeat, & cum cælibis vitæ præstantiâ maximè conferatur: sic & hoc forsan de ducendâ fratriâ interdictum ejus generis est, ut cùm naturæ lege satis consentiat: tamen propter publicam honestatem non tam faciliè permittatur, nisi necessitas aliqua vehementiùs hoc exposcat.

Mat 23. vers.
24. & seq.

Sadduceos disciplinæ nostræ de corporis resurrectione hostes acerrimos mundi servatorem quæ-
stione

stione illâ tentasse nostis, eum interrogantes, Cujus uxor in die resurrectionis illa mulier futura esset, quæ septem fratribus sine semine defunctis ordine nupsisset. *Christus* illis respondet, *Erratis nescientes Scripturas, neque virtutem Dei: In resurrectione enim neque nubent, neque nubentur.* At si tale conjugium nefarium duxisset & adulterinum, declarasset procul dubio tam horrendi sceleris nomen ipsum aures suas respuisse, mulieremque illam tam fædæ turpitudinis apertè condemnasset. Ille omnem talis matrimonij reprehensionem prætermittit, ac si rem agnosceret non licitam modò, sed etiam usitatam, mulieri huic locum in resurrectione concedit, quam si tanti criminis ream judicasset, quantum nostri reprehensores in leviri cum fratriâ conjugio constituunt, nunquàm taciturnitate facinus suum comprobasset, sed adulteram è coelo præcipitandam ostendisset. Sed dixerit aliquis, ad illud tantum respondisse *Christum* quod ab eo fuit interrogatum, & licet hujusmodi conjugiorum cum fratribus accumulationem jam cohibendam esse videret, hâc tamen de re reticuisse mentem suam, quia *Sadducei* hoc in disceptationem questionemve non vocârunt, sed doctrinam potius de resurrectione, (quam *Christum* disseminasse cognoverant) à vi tamen sui argumenti vindicare posse minimè suspicabantur. At certè non est verisimile, *Christum* hanc veritatis aperiendæ tam aptam occasionem prætermittere voluisse. Nam ad orbem religionis puritate collustrandum illuminandumque accessit atque igitur non tantum quid interrogabatur, sed quicquid ad Christianorum eruditionem necessarium duxit, ille semper & ubique locutus est.

In Levit. 18.

Ad hanc rationem accedunt etiam testimonia doctissimorum hominum. Nam & Glossa ordinaria in illam ipsam legem, quâ pars adversa tam seriò nittur, hæc verba habet. *Sic ergò est accipiendum. Non licet uxorem ducere defuncti fratris, si defunctus posterum reliquit.* Videtis huius glossæ authorem, quem omnia semper secula comprobârunt, eodem honore duas istas leges fuisse profecutum, sicq; priorem interpretari, ut posterioris casu cessante locum tantum habeat. Idem etiam subtilissimus acutissimusq; *Lyranus* eodem in loco confirmat. *Non revelabis turpitudinem uxoris fratris tui: Intelligendum mortui fratris cum liberis. Quia licet ducere uxorem sine liberis, ex Deuteronomij 25.*

A& 15. vers.
1. cum sequ.Eodem, vers.
28, cum seq.

Sed humana autoritas præ divino iudicio nè minimi momenti quidem instar obtinet. Gloriosissimus celsissimusque Apostolorum cætus publico consilio suo nostram hanc disciplinam præclare corroborat. In illa quasi herba ecclesiæ Christianæ, quidam *Iudeorum* (teste Sancto *Lucâ*) evangelium *Christi* non imbibebant, sed tamen à lege *Mosaicâ* non satis adhuc ablectati, caeremonias illas veteres nimis arctè complectebantur, putantes eas nisi cum periculo salutis, alicubi non posse violari. Unde Apostolorum Seniorumq; qui tùm *Hierosolymis* fuerant, Senatus hæc de re convocatus itidem sic decrevit. *Visum est Spiritui sancto & nobis nihil ultra imponere vobis oneris, quam hæc necessaria: ut abstineatis ab immolatis simulachrorum, & sanguine, & suffocato, & fornicatione, à quibus custodientes vos benè agetis.* Hæc Apostoli scripserunt ad *Antiochenos*, quibus imperiti illi concionatores legis *Mosaicæ* retinendæ necessitatem persuaserant: *Antiochenorum*

tiochenorum autem nomine, ad omnes Christianos spirituali communionem inter se devinctos atque copulatos. Hic patet, eos non suam tantum, sed & spiritus sancti auctoritate fretos, ab illius veteris jugi pondere cervices nostras liberasse, & in novam quandam Iudaeisque nunquam speratam immunitatem asseruisse. Cum autem minimè dubitandum sit, quin multi, praesertim *Hebraei*, qui tunc temporis spiritum duxerunt, fratrum suorum sine liberis mortuorum uxores matrimonio sibi junxissent: de his tamen ne verbum quidem faciunt. At si judicasset illa cum evangelicâ puritate congruere non posse, certè principiis obstitissent, & tam pravam tamque turpem deformitatem ab ecclesiae facie, tum cum in incunabulis esset, nullo negotio abstersissent: quam altius impressam sine gravissimo totius corporis dolore periculoque nunquam excindi posse, pro summâ prudentiâ suâ, cognoverunt. Ex his igitur, ni fallar, luce clarius apparet, utramque illorum legem pari dignitate esse, neque unam sine alterâ rectè posse consistere.

Hoc tantum restat, ut demus esse dispares, vel, si volueritis, illam *Leviticam* tantum à *Mose* vel *Deo* profectam, hanc *Deuteronomicam* à vafro aliquo impostore nobis obtrusam, & tamen ostendamus contra eam fratriâ ducendâ prohibitionem, summum Pontificem ex justâ causâ privilegium alicui posse concedere. Ac primùm, si judicalem fuisse illam fateamur, nullam res habet dubitationem. Imò potius nullo opus est privilegio, quia solos *Iudeos* obstrictos tenuit, ad hæc nostra tempora vel non omnino, vel saltem non ex necessitate pertinet. Ponamus igitur singula præcepta quæ *Moses Iudeis* de matrimonio

monio tradidit, esse perpetua, nec illis solum, sed & nobis esse data. Num igitur ipsis verborum apicibus sic astringi nos existimabimus, ut ab illis nullo modo liceat recedere? Imò verò res humanæ tantâ semper vacillant inconstantia, tamq; multiplici varietate implicantur, ut nullum capiant præceptum tam absolutum, quod interpretatione magistratus aliquandò suppleri atque adjuvari non debet. Vnde *Cicero* Magistratum legem loquentem appellat: quia nimirum singulis hominum actionibus universalia legum præcepta inflectendo, nec ipsarum verbis nimium adhærescit, nec ab æquitate vel religione unquam recedit. Atque igitur *Aristoteles* ille philosophorum facile princeps, hominis quàm legis imperium præstantius esse tenet: quia incidunt sæpè casus à legislatoribus ne cogitati quidem, quibus scita illa generaliter proposita sine summâ injustitiâ applicari non possunt. Nam homines omnium prudentissimi nunquàm tam acutâ mentis sunt acie, ut rem aliquam inveniant pariter atque perficiant: sed tam hebeti potius & imbecillâ, ut in singulis suis actionibus cogantur subsidio sibi experientiam comparare, quæ sine tempore longâque observatione rerum nulla esse potest.

De leg.

Pol. 3. cap. 16.

Mat. 19. 9.

Vt hæc brevi exemplo collustrentur, permittit *Christus* conjugem adulteram abdicare. *Alexandro* ejus nominis tertio Pontificatum summum occupante, quidam uxorem in adulterio deprehendit, & implorato Iudicis officio, illam segregare cupit. Illa supplex crimen fatetur, sed dicit impuritatem viri sui ipsam in hoc scelus impulsisse, quia ille pedissequam quandam suam sæpius compressit, atque ita jus thori prior violavit. Ex hoc non dicit solum, sed testibus etiam probat.

Quid

Quid ageret iudex? Lex apertè loquitur, separari debere hanc foeminam: At æquitas contrà suadere videtur, nec ferendum esse, ut qui ipse obscenus, uxorem impuditiæ nomine repudiet. Papam igitur Cap. 4. ext. de divor. hâc de re consulendum esse censet. Ille autem rescribit hoc casu compensationem criminis fieri, nec audiendum esse, qui foeminam eadem labe tinctam, quâ ipse conspersus est, studet abigere. Atque ex hoc perspicuum est, soluta potestas magistratus quantam necessitatem habet ad legum asperitatem leniendam & quasi condiendam. Si enim leges sic imperarent, ut nec explicationem aliquam recipere possent, præter illam quam ipsa verba præ se ferunt, plus mali quàm emolumenti civitatibus afferrent: siquidem summum semper urgerent jus, quod prudentes meritò summam injuriam semper existimarunt.

Ab hoc fonte privatae illæ leges primò fluxerunt, quas *privilegia* dicimus. Nam utcumque sola æqualitas cives communi societatis vinculo inter se connectere dicatur, ipseque *Aristoteles* inæqualitatis suspicionem, seditionis matrem in plerisque civitatibus extitisse scitissimè prædicet: vera tamen æqualitas proportionem geometricâ multò potius continetur, quàm ista ponderum atque mensurarum æquilibritate. Duplex est justitiæ munus, unum in distribuendis rebus, alterum in commutandis positum: & hoc licet habeat in omni civili societate locum: illud tamen & dignitate & difficultate multum antecellit. Nam ordines civium distinguit, merita perpendit, & cui-libet pro dignitate præmiatum in pace, tum in bello decernit. Hinc videmus, leges militibus multa enlargiri privilegia, quæ paganis denegant: multa Senatoribus,

5. Pol. cap. 2.

1. lib. de Rep.

natoribus, quibus plebem indignam putant : multa hominibus literatis, quæ artificibus minimè permittunt. Neque propter hæc statim existimandum est, æqualitatem è civitate tolli, nec clamandum cum *Thrasymacho* illo apud *Platonem* *παραχρῆς ἐστὶ τὸ αὐτὸ δίκαιον, καὶ τὸ τῷ κρείττονι & συμφέρονι*. Nam ista licet illos præ cæteris beent, quibus conceduntur : tamen & bonum publicum non mediocritèr augment atque promovent. Cives enim ad illarum rerum studium plurimum incendunt, quibus reipub. salus atque dignitas maximè continetur. Quis ergò non videt privilegiorum summam æquitatem? quis non fatetur eorum in omni benè constitutâ Repub. necessitatem? Sed tamen illa, cum legibus derogent, cum invidiam imperitæ multitudinis in illos ferè conflent & accumulent, quibus conceduntur, eâ cum moderatione dari debent, ut nec jus tertij cuiusquam lædant, & à justâ aliquâ causâ semper proficiantur. Nam omnes tam politici, quam jurisconsulti tenent, magistratum à communi legum præscripto nusquam rectè discedere, nisi cum æquitas hoc manifestè postulet. Hæc autem æquitas privilegiorum eisdem exoritur fundamentis, quibus ipsæ leges, honore *Dei* scilicet, & publicâ tum honestate tum utilitate. Quapropter & illa jam rectè concessa, si progressu temporis horum alterutrum gravius oppugnare videbuntur, revocantur statim ab iisdem, à quorum jurisdictione profecta sunt.

Arg. c. 16. extr.
de decim. &
cenf.

Matth. 16.

Has leges, quas Iurisconsulti *privilegia* vocant, Pontificij etiam *dispensationes* & *indulgentias* nominant. Papa enim quòd rerum spiritualium curam cum illis claudendi & referendi clavibus sibi commissam habeat, non solum multa de illis necessario iussit

jussit, quæ *canones & decretales epistolas* appellamus, sed illis etiam solutus est non minus quàm Imperator suis legibus. Ità ut vel honore *Dei*, vel justitia publicæ honestatis aut utilitatis sic suadente, super illis dispensare possit, & contrà orationis corticem sic aequitatem sequi, ut quod à verbis est alienissimum, non rarò statuat ac præcipiat.

Sed sunt qui dicunt, ut Imperatorem posse contra verba legum suarum privilegia concedere, non autem divinarum: sic, Papam super Canonibus Ecclesiasticis, sed nequaquam super expresso *Domini* præcepto dispensare posse. Multa fatemur esse *Mosis* præcepta, quæ quamvis *Judeis* solis traderentur, quia tamen à perpetuâ naturæ ratione profluunt, non illos tantum, sed omnes homines obligatos tenent. Neque negamus de illorum distinctione peracerbas altercationes viros eruditissimos nonnunquam exercuisse. Quapropter ut nec relinquamus adversariis nostris ubi pedem ponere possint, fingamus jam denuò legem illam esse divinam, æternam, omnibusq; tam Christianis quàm *Judeis* communem. Et si nihilominus probaverimus eam Pontificis authoritati subjici, perpetuum silentium istis nos facturos esse confidemus. Disputandi igitur causa putemus mortalibus exinaniri terram, tantum superstitibus relinqui quatuor, matrem scilicet cum duobus filiis & unicâ filiâ. Annon hoc casu licere credimus filio cum matre, fratri cum sorore coire in matrimonium potius, quàm ut humanum genus funditus extinguatur? Hoc aperte testatum reddunt theologorum judicia de facinore illo filiarum *Loth*. Non enim illos incestus accusant, quoniam ad humani generis instaurationem,

Ambros. in.
de Patriar.

quod

quod è terris jam periisse existimaverant, patris sui concubitus peterent: sed credulitatis potius levitatique condemnant, quòd cum parvâ gente omnes mortales pariter deletos esse putarent, atque ita nec *Deo* prius, nec patre consulto, in paternum thorum nimis temerè irruentes, illud non sine gravi scelere commiserunt, quod rebus sic stantibus quemadmodum illæ falsò suspicæ sunt, cum summæ pietatis laude perpetrassent.

Aquinas. Petrus Archo.
Fr. Aretinus.
D. Præpositus
Hostiensis.

Cum igitur tam fertilis atque copiosa sit rerum humanarum fecunditas, ut non unam tantum, sed multas huiusmodi tolerationum causas quotidie procreet: non potest summa ratione carere hæc tam conspirans consentiensq; & theologorum & Pontificiorum opinio, qua Papam super leges etiam divinas dispensare posse tam confidenter affirmant. At si necessitas earum sit virium, ut consanguinitatis repagula tam facile penetret & perrumpat: certè tantò citius affinitatis vincula dissolvat, quantò lentius hæc quam illa mutuâ communione homines inter se connectunt. Quapropter lex ista, quæ fratriæ conjugium leviro interdicat, ut divina perpetuaq; sit, quoniam homines tam importuni hîc nostrâ bonitate abuti volunt, cum tamen aliæ ad primum consanguinitatis gradum spectantes rerum humanarum necessitati cedant, quis hanc tam rigidam, duram, atque rudem existimabit, ut nec honore *Dei* flecti, nec communi honestate emolliri, nec publicâ utilitate moveri possit?

Frustra dubitares de causâ, quæ *Iulium* illum ad dispensandum super eas *Henrici* nuptias adduxit. Quippe præter publicam utilitatem, quam tu in narratio-

ne

ne tuâ non dissimulabas, Christianæ charitatis cura eum ad hoc vehementer impulit, quâ per hoc matrimonium duo regna potentissima *Angliam & Hispaniam* inter se conglutinari posse Pontifex intellexit. Hoc est illud novum mandatum, quod *Christus* veteribus illis adjunxit, *ut invicem diligamus*. Quod utcumque omnes ore profiteamur, quantâ tamen difficultate præstamus, indicant non similitudines, quibus privatorum domus quotidie fervent, sed discordiæ potius, conjurationes, tumultus atque bella, quibus & singulæ ferè civitates, atque adeò nationes per universum terrarum orbem inflammantur atque flagrant. At cui horum malorum remedium vehementius incumbit, quàm illi quem *Christus* rebus suis usque in redditum suum præfecit? aut quod tam necessarium est præceptum (salvis semper articulis fidei primâq; tabulâ *Decalogi*) ut hujus conservandi causa aliquantulum premi vel torqueri non possit? Iubemur honorare parentes, nec verbis solùm & externo gestu revereri, sed omnibus quibus possumus vitæ pietatisq; officiis colere atq; juvare. Sed quid si pater ærarium publicum expilaverit? si Christianorum exercitum truculentissimo illi Sultano prodere conetur? Vetatur homicidium. Sed quid si à grassatore vel sicario aliquo mortem tibi ipsi pertimescas? quid si ad bellum contra *Mahometistas* delectus fueris? Interdicitur nobis adulterium, atque illo nomine omnis coitus illicitus. Sed quid si vel pestis vel inundatio vastitatem inducendo gentis humanum penè devoraret atq; consumeret, quemadmodum illud quondam diluvium? Furtum prohibetur, & implicite omnis rei alienæ detentio. Sed quid si furore correptus aliquis gladium reposit, quem

Iohan 13.3

A

quem sanâ mente deposuit? si perduellis factus aurum exigat in patriæ suæ perniciem, quod custodiæ causa tradiderat?

Videtis circumstantias & occasiones efficere posse, ut, quod simpliciter impium est, religiosè atque piè; quod incestuosum, purè atque castè; quod injuriosum, rectè justèque faciamus. Nisi igitur iudicium arbitriumque harum rerum difficillimarum summum cuique solutum atque liberum relinquere voluerimus, præponendus est aliquis non scitis tantum Ecclesiasticis, sed iussis etiam divinis, à quo, tanquam ab oraculo, Christianus quisque vitæ suæ regulam, & officij quasi legem petere possit. Hanc auctoritatem *S. Petri* successoribus denegare nemo solet, neque aliquis nunc vult, cujus cerebrum rabies *Lutherana* non infecit, vel cor lues *Calviniana* non exedit. Pergant igitur schismatici pro libidine suâ *Iulij* factum illud increpare, pergant ejus manes maledictis suis petulanter insectari. Hoc nos ipsorum malitiæ, non illius merito tribuimus. Te *Hystoriographe* non dubito, quin hæc pauca utcuque Rhetorum flosculis nuda atque vacua, possint ab errore tuo facilè revocare. Nihil enim fecit Pontifex quod *Mosis* exemplo non fecit, nihil quod à majoribus suis factum non viderat. Nam *Innocentius* tertius post *Livoniam* numero Christianorum aggregatam, in illo populo fratriarum conjugia toleravit. Et quod magis forsân admirabere, *Martinus* quintus super conjugium fratris atque sororis dispensavit. In istis multo copiosior esse possem, sed rem apertissimam conamur probare: & quoniam illa sit orationis nostræ siccitas, ut vos oblectare non possit, providendum est,

Cap. fin. ext.
de divor.
Arch. Flor. in
summa.

est, nè propter longitudinem fastidijs vestris adhærescat. Nam aut nos multum fallimur, aut hæc luculenter probant, *Henricum* cum Papæ consilio & permissione *Katharinam*, licet ab *Arthuro* cognitam, prole tamen non auctam, non modò sine scelere potuisse, sed etiam pro officio suo tum in fratrem, tum in patriæ atque orbis Christianæ tranquillitatem, debuisse ducere.

Quamprimùm *Pontificium* orationi suæ finem imposuisse *Historiographus* sensisset : non facilè credidissèm (inquit) temeritatem prudentiæ esse matrem. Inconsideratè mihi excidit opinio mea, quam tam de primis, quàm secundis *Henrici* nuptijs mente meâ comprehenderam, & videmus, quàm non jucundos solum sed etiam utiles subtilitatis & eruditionis fructus nobis ineptiæ meæ produxerint. Ego hinc didici, parcius in posterum loqui quod sentio : vos etiam intelligitis multa dici posse pro illo *Iulij* factò, quod ego, in sedis Pontificiæ gratiam, densissimis oblivionis tenebris obrui in perpetuum & sepeliri cupiebam. Sed edoctus video veritatem cuiusq; rei in profundo esse demersam : & tandem hæreo dubius measnè adhuc tuear, an in hujus potiùs partes transeam. Tuum (optime *Theologe*) hîc imploramus auxilium, teq; per illum, qui te tuiq; similes *oves suas pascere* tam seriò iussit, ut tam Crassam caliginem ab oculis nostris dispellas, & in claram lucem, undè subito delapsi videmur, manibus reducas. Tua autoritas si ad hanc *Pontificij* suasionem accesserit, ego statim palinodiam canam, vincitum me tradam, veniamq; erroris mei à vobis omnibus deprecabor. Si in contrariam ab illo sententiam abiveris, non est, cur hominis litigiosi no-

Lib. I. p. 27. xj
 ηεαρ.

Arist. Ethic.
 lib. I. cap. 4.

Theologus.

men extimescas. Nam si laudabilis sit contentio vicini vicinum æmulantis *εις ἀφ' εὐων ὡς ἐν' ὄντα*, (ut est apud *Hesiodum*) tum certè multò pulchrior est in disquisitione veritatis, cujus umbram, quâ fruebantur, vel levissimam veteres philosophi semper hominibus charissimis habuerant chariorem. Quoniam hîc in tuo regno sumus (inquit *Theologus*) necessariò videtur obtemperandum, sed multò magis, quòd ejus auctoritate me premis, cujus vineam non in hâc umbrâ tantum, sed & in æstu quocunque fervidissimo subigendam & excolendam mihi sumpsi. Si igitur oratio nostra offensionem aliquam incurrat, tu illam præstes oportet, qui nos nostram sententiam reticere non pateris: sed quia te ipsum satis apud me valere diffidis, muneris tui necessitatem huic petitioni tuæ prætendis.

TVAM (vir ornatissime) non in jure solum, quod profiteris, sed in omni doctrinarum genere scientiam quantum semper admiratus sum, nec ego ad os tuum, sine assentationis suspitione, loqui, nec tu, sine rubore, forsan audire potes. Hîc tamen, nescio quomodò, tui videris esse dissimillimus, & sedi Pontificiæ tam mordicus adhærescere, ac si supersticioso illo *Pythæorum* vitio gravitèr laborares, qui in illo *ἀνλος ἔφα*, tantum in *Apollinis* oraculo semper acquieverunt. Imò quidem in hoc illis te deteriorem esse judico, quòd ij præceptoris auctoritatem tantum sine ratione amplectebantur, tu factum *Julij* re verâ impiū, quia factum ejus fuit, contra rationem defendis. Hoc ut his viris ostendam, tuis insitam vestigijs, & singula à te dicta eodem ordine percurram, quo tu illa nobis exposita reliquisti.

Tanquàm peritus artifex, priusquàm ædificium tuum inchoaris, solum complanare, atq; omnibus obstaculis liberare

liberare studes. Sed tam obnixè contendendo, quia non præstiteris quod cupiebas, illud non imperitiæ tuæ, sed operis difficultati tribuemus. Ars enim potest naturam imitari, nonnunquàm etiam adjuvare, sed superare aut captivam ducere nunquàm potest. Illud *Levitici*, ut omnium nodosissimum, in ipso initio orationis tollere nitebaris. Sed age, fode, si volueris etiam, ure, seca, nunquàm ità radicibus extirpare poteris, quin ipsæ fibræ molestiam vestræ structuræ exhibuerint. Varias loci interpretationes adducis, omnes tamen rejicis præter unam *Caietani*, qui præceptum illud cum illo *Deuteronomico* sic temperat atque condit, ut alterum sine altero rectè explicari posse nolit. In hoc tamèn parùm tui videris esse memor, qui *Caietani* opinionem amplecteris, eisdem planè rationibus evertendam, ob quas ipse *S. Augustinum* repudiabas. Dixeras enim non esse credibile, ut *Deus* legem populo suo tanquàm perpetuam dedisset, & post tot annos defluxos illius exceptionem prodidisset. Neq; certè mihi persuaderi potest, ut *Deus* legis, quam promulgasset, explicationem in tantum temporis intervallum differret. Nam ut ipse *Deus* est, & primo quoq; ictu oculi quod bonum, quod malum sit, intelligit: sic certè nobis aliquid præscribere judicandis non est, cujus rectam explicationem ad multos adhuc annos occultavit. Hoc unicum bonâ tuâ cum veniâ te interrogem. Nùm existimas aliquem *Iudeorum* toto illo interstitio sine liberis discessisse? Fateris fuisse plurimos. An igitur talibus fratres essent necnè, qui defunctis illis semen suscitarent, nihil moramur. Sed fingamus fuisse unum, qui hoc recusaret. Nùm illi ob hoc succensere potuit *Deus*, aut supplicium aliquod infligere? At diceret hic pro se misellus,

Levit. 18.

Gene. 38. 10.

Hoc. in Nicoc.

tu solus es bonus, *Iehova*, tu legem sanctissimam nobis populo tuo imposuisti, quàm ut religiosè observaremus, nec è mentibus nostris elabi pateremur, vestium extremitatibus intexere, imò & frontibus appendere iussisti. Ejus autem non minima pars est, quæ fratriæ conjugium nobis interdicit. Hanc ego fratris mei defuncti uxorem divitem, pulchram, pudicam meritò amabam, tamen uxorem ducere, propter mandatum tuum, non audebam, quia tu dicis *illius turpitudinem fratris mei turpitudinem esse*, quam me detegere multis cum minis vetuisti. Quid tuâ opinione hîc pro se *Deus* responderet? Diceretne se illam legem *Levitici* cum hâc sive exceptione sive explicatione intelligere? At objiceret *Iudeus*, Nos de tali vel exceptione vel explicatione nihil unquam audivimus. Tantum intelleximus ante legem datam, *Onanem* quondam morte te punivisse, quod semen potius in terram effunderet, quàm patris sui jussu fratri defuncto liberos suppleret. Sed lex quam tu nobis dedisti, planè contrarium loquitur: si tu illam sic intelligendam proposueris quæ admodum nunc dicis, quid nos miseri hoc antea non cognovimus? Nam mortalium legumlatorum illi longè optimi putantur, qui leges & paucissimas & apertissimas ferunt: qui multas & tortuosas figunt, insidias civibus tendere, non leges ponere videntur. Nescio quid tu cogitas, *Pontificie*, sed hercle ego putarem, *Deum* hominem Israeliticum sic agentem causam suam laudare potius velle, quàm castigare.

Deinde consuetudinem Ecclesiæ pluris faciendam esse existimas, quàm ut quicquam Pontificis indulgentiæ astringat, quod ut simpliciter bonum obsignatæ verbi divini tabulæ confirmant. Atque igitur concludis,
Deuteronomicum

Deuteronomicum illud præcepti *Levitici* exceptionem esse non posse. Levis profectò causa fuit, cur hîc ab *Augustino* ad *Caietanum* deficeret. Nam quid ni ego hinc etiam contendam, unum alterius non esse explicationem : quia si illud *Levitici* sine hâc *Deuteronomicâ* expositione non rectè intelligatur, certè Ecclesia multam nobis Christianis facit injuriam, quæ fratriam sine Pontificis dispensatione ducere non permittit. Dicemusnè *Deum* jubere, & Ecclesiam interdicerè? Cujus igitur hæc erit Ecclesia, quæ divinis præceptis se objicit? An *Dei*? At regnum divisum non potest sine prolapsione consistere.

Sententiam tuam illustrare voluisti illo præcepto *non occides*. Dixeras enim hoc sic esse accipiendum, ut eo non obstante non solum possit, sed etiam debeat Magistratus capite punire homicidam. Quæro igitur, num hoc faciat impetrato prius diplomate Pontificis, an suâ potiùs autoritate satis munitus? Dices, uti credo, Magistratus potestatem sufficere, ut sectorem quemcunque propter homicidium perpetratum hâc luce privet : idque quia illa hominis interficiendi prohibitio sic intelligi debet, ut ad sicarios & grassatores hujusmodi minimè extendatur. At tum si illud *Deuteronomij* eodem modo exponat interdictum *Leviticum*, cur per Ecclesiæ veniam non similiter licet inconsulto Papâ fratriam ducere? Non dices, Ecclesiam hoc malè constituisse. Nam hoc à tuâ sectâ procul semper abesse debet. Sequitur ergò, ut perpetuum constansque illius judicium, quæ nunquam hujusmodi conjugium toleravit, evincat posteriorem hanc legem illius prioris non explicationem magis fuisse, quàm exceptionem.

onem. Et ut verè loquar quod sentio, nullam satis dignā perspicio rationē, cur *Caietanus* paterq; *Robertus* præceptū *Deuteronomicum Levitici* explicationē potius velint, quàm cum *S. Augustino* exceptionem appellare. Nam tum videmur legē, vel thesin quamcunq; optimè explicare, quum non solum verba declarem, sed etiā ostendamus quàm latè pateat, & quibus terminis definiatur. Imò verò nunquam benè illustramus, nisi difficultates singulas, quibus involvitur, vel distinguendo vel excipiendo tanquàm excussas dispulerimus. In exemplo, quod ex illis proposueras, si placet, insistamus. Scribitur, *non occides*. Si quis hinc excipiat latronem vel sicarium aliquem cruentum, qui manus vicini sui sanguine conspurcavit, annon præceptum hoc illustrat? vel etiam qui illud sic interpretatur, ut neget ad nequissimos communis vitæ hostes extendi, annon hoc ab eo præcepto excipit? Qui hoc negaret, nihil è puerilibus disciplinis se olere proderet.

Quòd verò alteram earum legum alterius exceptionem esse non posse contendas, nisi ab eodem fonte utraq; dimanent, istud certè nullo modo tibi possum concedere. Nam jus tam gentium, quàm civile juri naturali sapissimè derogare vos Iurisperiti non affirmatis tantum, sed infinitis ferè exemplis ostenditis. Primò bella & servitutes jure naturali repugnare dicitis. Deinde juri naturali parentum hæreditates liberis deberi, jure tamen civili rectè illas naturalibus liberis, id est, spurij & vulgò quæsitis adimi fatemini. Similiter si paterfamilias filiosfam. vel filijsfam: fratres inter se, vel servus servo pecuniam crediderit, jure civili hoc debitum esse negatis, contra tamè jure naturali: quapropter tale debitū *naturale* vul-

L. 4. de just.
& jur.

L. fin. de
bon. dā.

L. 64. de
cond. in deb.

gò appellatis. Sed & exemplum ipsum quod protulisti, hoc apertè probat. Cum enim naturale jus vetet occidere, jus gentium tamen homicidas morte punit. Nam fontium punitiones illud primò sanxit : deinde jus civile uniuscujusque loci malefactorum supplicia vel exasperat, vel lenit, prout homines diversarum nationum ad hoc vel illud scelus procliviori, vel tardiori impetu rapiuntur. Atque hinc fit, ut Theologi teneant, omnes necessariae legum judicialium, quæ à *Mose* figuntur, observationi minimè esse obligatos. In hunc errorem illud fortassè te induxit, quòd jura naturalia firma semper dicantur esse & immutabilia, nec ullo jure civili dirimi posse. Sed hoc axioma sic accipendum est, ut quod natura jubet, illud nos eo sensu quo jubet, perpetuò rectum putemus. Hoc tamen non impedit, quòd minùs illi, quos virtutis amor, visq; præcepti naturalis intrà limites officij sui continere non potest, supplicij metu coercerentur. Nam natura præcipit hoc esse bonum, atq; ab omnibus perpetuò observandum. Quòd verò multi reperiantur improbi & flagitiosi, quos libido petulantiaq; sua in contrarium trahit : ergò jus primò gentium, deinceps civile tam præmia proposuerunt, quibus homines ad benè agendum tardissimos hebetissimosq; ad cultum præceptorum naturalium invitent, quàm pœnas alias graviores, alias leviores pro delictorum diversâ qualitate excogitârunt, quibus eos à scelere & nequitia deterreant.

Minſing. in
par fin. de Iur.
Nat. Gent. &
Civil in Inst.

Diſt. par, fin.

Sed expectatis forsan, quid tandem nos de lege illâ *Deuteronomica* statuendum esse censeamus, aut quo vinculo cum præcepto *Levitico* copulandam esse putemus? Certè non desunt, qui has leges optimè convenire dicunt, & illam *Deuteronomicam* de germanis fra-

tribus non debere intelligi, sed de huiusmodi potius consanguineis (nam illos sacræ Scripturæ etiam fratrum nomine complectuntur) qui per legem *Leviticam* conjugio se miscere minimè prohibentur. Verùm quemadmodùm ille fuit candor tuus, ut non statim arripes quamlibet opinionem, quæ à te esset: sic nos causam habere videmur, cur hanc, si non rejiciamus, non tamen nimis arctè complectamur. Hanc enim *Iudeorum* consuetudinem fuisse, ut fratrum sine liberis mortuorum viduas etiam germani fratres ducerent, vel illud unicum, meo iudicio, locupletissimè testatum reddit, quòd *Naomi* illa sorcus suas maritis orbas eam deferere recusantes interrogavit, *Num ultra haberet filios in utero suo, ut viros ex illa sperarent?* eisque omnem spem filiorum suorum, quibus illæ nubere possent, præscideret quòd *senectute se confectam esse diceret, nec aptam vinculo conjugali. Atque etiam si posset illa ipsa nocte concipere & parere filios, illas, si eos usq; in tempus puberitatis expectarent, vetulas futuras esse antequam nuberent.* Hæc enim verba procul dubio nunquam illi excidissent, si præceptum *Deuteronomicum* non æquè de germanis, atq; de reliquis consanguineis vel *Moses* tradidisset, vel *Iudei* saltem intellexissent.

Alij viri doctissimi sunt, qui legem *Deuteronomicam Leviticæ* tolerationem potius, quàm vel exceptionem, vel explicationem appellari volunt. Et hanc suam opinionem non solum interstitio tam longo, quo hæc leges invicem dirimuntur, assiduâq; ecclesiæ Christianæ (de quâ modò locuti sumus) consuetudine, sed aliis etiam multis argumentis suffulciunt, atq; muniunt. Pri-
mum

mum enim è Patre *Roberto*, qui nunc *Rome* in scholis theologicis dominatur, quiq; autoritate suâ tantum apud omnes catholicos valet, ostendunt *Deum* polygamiâ *Abrahæ*, reliquisq; sanctissimis *Patriarchis*, speciali temporum illorum intuitu, contrâ commune juris naturalis & divini præceptum indulgisse. Deinde etiam ex ipsius salvatoris nostri verbis hoc urgent, qui fatetur *Mosen* repudiij libellum illum, licet veræ justitiæ contrarium & repugnantem in *Judeis* tulisse. Hincque inter multa alia, quæ illorum imbecillitati concessa fuisse contendunt, nobis *Christi* nostri incarnatione confirmatis & stabilitis meritò denegata, asserunt hoc eis datum esse privilegium, ut fratrum sine liberis mortuorum uxores accipere possent. Sed probabiliter dubitaverit quispiam, eam legem *Deuter.* dispensationem esse, quia dispensatio levis potius permissio est quàm præceptum, & hominum appetitionibus contrâ legis severitatem favere solet, non injucundum aliquod illis obtrudere. At illa *Deuteronomij* lex *Judeos* jubet fratrum sine prole mortuorum uxores ducere, & illis semen suscitare; etiam scitum hoc negligentibus pœnam infligit perpetuam familiæ suæ contumeliam. Atque igitur in hac mente nonnulli sunt, ut existiment tam hoc de semine fratri suscitando, quàm illud de fratriâ non ducendâ necessitatis esse præceptum, sed alterum *Judeis* particulare, alterum omnibus tam Gentibus quàm *Judeis* commune & expositum.

Sed si quid ego videam, harum opinionum auctores verbo magis, quàm re ipsa dissentiant: Nam duplex potest hujus loci esse consideratio, una, quatenus fratri defuncto sobolis beneficium fictione quadam clar-

Cap. 28. de
matrim. sacr.

Mar. 19.8.

gitur:

gitur: altera, quatenus fratri superstiti pœnam contemptus imponit. Quapropter nihil impedit, quo minus beneficium afferat mortuo, vivum etiam, quia molestum fortè jubet, onere non levi premat. Sed dixerit hîc quispiam privilegium non esse cuiquam cum injuriâ tertij concedendum. Primum interrogo,

Rom. 9. 20.

μὴ οὖν ὁ ἀνθρώπος, οὗ τίς ἐστὶ ὁ ἀνταποκρινόμενος τῷ θεῷ.

deinceps respondeo nemini hîc damnum aliquod illatum esse: quia hoc beneficium omnibus *Iudeis Deus* generaliter tum indulsit, cum adhuc incognitum esset, quibus eorum particulare aliquod commodum vel incommodum inde redundaret. Atque igitur hoc commune bonum omnibus, non cuiquam malum judicari debet. Sic enim cum *Iudeis* comparatum fuit, ut maledictionem quandam in posterorum defectu constituerent. Fructus enim ejus beatitudinis, quam summam *Deus Abrahamo* ipsorum patri promiserat, è sobolis fidelis, piæ, religiosæque propagatione maximè effloruerunt. Vnde debilitatem eorum hoc solatio *Dominus* misericors, pro summâ clementiâ suâ, sic sublevandam esse censuit, ut cuiq; sine liberis defuncto proximus consanguineus in semine suscitando pietatis officium præstare posset. Nunc verò cum illud effectum sit, quod olim per Prophetam suum *Deus* pollicebatur, ut scilicet con-

Isa. 66. 18.

gregentur omnes gentes atque lingue, veniantq; ac videant gloriam Domini, non *Iudeorum* propagini secundum carnem, sed Christi potius secundum spiritum hæc tanta felicitas ascribitur. Nam omnes (non *Iudæi* solum, sed & ubicunque terrarum dispersi Christiani) filij Dei sumus, per fidem in Christo Iesu. Quicunq; enim in Christo baptizati sumus, Christum induimus. Non est *Iudæus*, neque *Græcus*,

Gal. 3. 26, &c.

non

non est servus neq; liber, nō est masculus neq; fœmina: Omnes enim unum sumus in Christo Iesu. Si autē nos Christi, ergo semen Abrahæ sumus, secundum promissionem heredes. Atq; sequitur illā legem hinc, quam ad progeniei continuationē *Iudei* tā anxie observarāt, jam cū illā ipsorū curā pariter antiquatā esse atq; abdicatā.

Hanc opinionē confirmat universa schola nostrorū theoricorum. Inter reliquos enim doctissimus Bonaventura sic scribit. Ad illud ergo quod objicitur, quod preceptū erat ducere uxore fratris, dicendum, quod hoc verū erat in casu, sc. cū frater mortuus erat sine semine. Ideo nō debebat pati lex, quod aliquis esset, qui videretur sine semine, si haberet proximum qui suscitaret. Nūc autē quia hoc sublatū est, sic impedit omnino sicut consanguinitas. Cū hoc consentiunt illi qui supplemētum summæ S. Thomæ attexuerunt: sic enim loquūtur Frater nō poterat accipere uxore fratris nisi in casu, sc. quando moriebatur sine prole: Quod tunc requirebatur, quādo per propagationē carnis cultus religionis multiplicabatur, quod nunc non habet locū. Atq; igitur paulo post le virū atq; fratriā aiunt, sine incestu non posse contrahere carnaliter. His etiā astipulatur Durandus. Ille enim sic primò objicit, uxor affinis est fratri viri sui, sed eo mortuo debet eā accipere in uxore secundū legē veterē, ut habetur Deut. 25. ergo affinitas non impedit matrimonium. Deinde sic respondet, dicendū, quod lex prohibuit, ne frater acciperet uxore fratris, Levit. 18. Concessit tamen hoc dispensativē in casu, in quo frater moriebatur sine liberis, ut vivens suscitaret semen fratri defuncto, ne nomen ejus in progenie suā absque liberis remaneret.

4. sent. distin.
41. quæst. 3.

quæst. 55. art.
18.

art. 9.

lib. sent. 4. dist.
41. art. 12.

Agnoscamus igitur diversorū hominū de harū legū interpretatione discrepātes sentētias: quā vos potissimū amplecti

amplecti volueritis, vestro iudicio relinquimus. Nos certè pedibus jampridem ivimus in partes scholasticorum. Quippè qui non solum disciplinam suam ad trutinam plerumque examinant, sed hinc etiam universalis Ecclesiæ consensu se muniverunt.

Contra Fault.
lib. 32. cap. 10.

Sed objecerit aliquis, si verum sit illam legem *Deut. Indeis* solis fuisse impositam, hoc sequi, ut vel inter judiciales, vel cæremoniales numeretur: Concedamus istis suam consequentiam, & cum *Augustino* concludamus esse cæremonialem. Ille enim sic. *Quod uxorem fratris ad hoc frater jussus est ducere, ut non sibi, sed illi sobolem suscitaret, ejusq; vocaret nomine, quod indidem nasceretur: quid aliud in figurâ præmonstrat, nisi quia unusquisque evangelij prædicator ita debet in Ecclesia laborare, ut defuncto fratri, hoc est Christo, suscitaret semen, qui pro nobis mortuus est: & quod suscitatum fuerit, ejus nomen accipiat. Denique hoc implens Apostolus, non jam carnaliter in præmissa significatione, sed spiritualiter in completa veritate, quos in Christo Iesu per evangelium se genuisse commemorat, succenset eis, & eis increpans corrigit volentes esse Pauli. Nunquid Paulus, inquit, pro vobis crucifixus est, aut in nomine Pauli baptizati estis? Tanquam diceret: Defuncto fratri vos genui, Christiani vocamini, non Pauliani. At verò qui electus ab Ecclesia ministerium evangelizandi renuerit, ab ipsâ Ecclesiâ meritò dignèq; contemnitur. Hoc est enim quod jubetur in ejus faciem expuere, non sanè sine signo hujus opprobrij, ut calceamentum pedis unius exuatur, ut sit in eorum sorte, quibus ipse Apostolus ait, & calceati pedes in præparationem evangelij pacis: & de quibus commemo-*

1. Cor. I. 13.

Ephes. 6. 15.

commemorat Propheta, *Quam speciosi pedes eorum qui annunciant pacem, quia annunciant bona. Qui enim sic evangelicam fidem tenet, ut & ipsi prosit, & ecclesie prodesse non renuat, benè intelligitur utroque pede calceatus. Qui autem sibi putat, quia credit, satis esse consultum, curam verò lucrandorum refugit aliorum, decalceati illius non figuratum significavit, sed in se impletum portabit opprobrium.* Videſne, Pontificie, quàm altis hæret defixus radicibus ille stipes, quem tu tam facilè volebas evellere? Sed exultare, tanquam in campo aliquo *Martio*, videtur oratio tua in illorum hominum patrocinio, qui *Herodem* vivi fratris, filiâ etiam aucti, conjugem duxisse, quique *Corynthium* illum patris sui adhuc superstitis uxorem contrectasse dicunt. Omitto multos recensere, qui contrariæ sunt opinionis. Non enim hominum conjecturis, sed argumentorum momentis libet contendere. Illa duo exempla fateor à multis usurpari, qui primas illas *Henrici* nuptias accusant. Sed ut in bello levis armaturæ sæpè fiunt excursiones, nec semper comminùs pugnatur: sic in hâc pugna umbratili multa sæpè efferunt homines etiam acerri-
mi, quæ non tam adversarios vehementer premunt, quam venustè defensionem suam exornant. Da igitur illas *Iohannis* & *Pauli* reprehensiones nec nobis nocere, nec prodesse vobis, & ad illa quæ sequuntur in oratione tuâ progrediamur.

Abrahami & *Saræ* conjugium non solùm pro nobis nihil efficere prætendis, sed etiam in vestrum commodum artificiosè convertis. Dicis enim præter *Pharaonem* atque *Abimelechum*, Deum ipsum idem apertè comprobasse: quia nimirum servum suum &
omnium

Folio 22. &
seq. suæ *δοκί-
μιας.*

Bellar. cap. 28.
de matr. sacr.

omnium fidelium patrem ab ethnicorum commer-
cio separatum adhuc sororem suam in conjugio re-
tinere sivit. Atque hinc concludis, fratris sororisque
nuptias *Deo* placere, leviri igitur atq; fratris nullo mo-
do posse displicere. Benè se habet, quòd hoc argumen-
to nunc etiam fratribus sororum lectos non pro-
stituis. Nam *ἀνώνυμ* & quidam hujus nostræ contro-
versiae *ἀπολογία* hoc tam seriò arripit, ut nullo
modo sibi divelli patiatur. Neque *Henrici* illius cum
Katharinâ conjunctionem satis se defendisse putavit,
nisi hoc *Abrahae* exemplo fratrum sororumque con-
nubia cùm jure tum naturali, tum divino cohærere
probaret. Verùm illum conspirans omnium æta-
tum consentiensque usus facilè perstringit. Tu for-
tassis (uti res est) *Saram Abrahae* germanam non
fuisse agnoscis, sed neptem potiùs ex fratre, *Abraha-*
mum autem eam sororem ex temporum illorum in-
stituto nominasse. Interim tamen quia tam ar-
ctum consanguinitatis vinculum matrimonium non
impediebat, affinitatis impedimentum multò de-
bilius leviusque reputandum esse contendis. Nos
quidem *Saram* sive neptem, sive, si volueris, soro-
rem *Abrahae* fuisse non diffitemur: (nam utram-
que istarum opinionum probabiliter à viris summis
disputari novimus) & tamen exemplum illius con-
jugij confidenter asserimus causam vestram nihil
omninò promovere. Si hoc *Abrahae* factum ex-
emplo posteritati esse possit, cur non nunc etiam
fratres fratrum filias in matrimonium sibi asciscunt?
At non solùm omnes hoc facere exhorrent, sed om-
nes theologi veteres primum & secundum consan-
guinitatis gradum ab omni nuptiarum spe ipsam
natu-

naturam secludere constanter docent. Atque igitur *Sara*, sive soror (ut *Hieronymus* vult) sive (ut aliis potius placet) ex fratre neptis *Abrahae* fuerit, dicendum est potius virum illum sanctum hoc speciali quodam instinctu monitum & afflatum, ut Polygamiā, sic has etiam nuptias inivisse, quā ad ejus exemplum simile aliquid à nobis admitti posse. Nam si demus *Saram* sororem *Abrahae* fuisse, illudque nos nunc posse, quod ille tum potuit, non solum in illud *Levitici* cum mortis periculo manifestè impingemus, sed etiam contrā omnes *Theologos* & *Pontificios* fratrum sororumq; conjugia confirmabimus. Hoc nemo præter iracundum illum apologiographum, qui nihil sibi denegari patitur, uti spero, postulabit. Si neptem ex fratre, certè non magis hinc concluderis idem nunc tutò fieri, quā sororem posse duci, si soror illa fuerit. Sed neptis sit, & hinc (quia liberalitate me superari non patior) concedamus aliquem posse filiam fratris sui conjugem assumere. Num statim nuptiæ inter levirum, & fratrem subsequantur? Minime verò. Nam filia fratris patrum suum secundo gradu pertingit, fratria levirum primo, nempe eodem, quo maritus suus. At fratres unico tantum gradu distingui probat illa *Canonistarum* regula: *C. parentela. cap. 35. q. 5.*
Si enim ordine ex transverso due sint persone equaliter descendentes à communi stipite, quoto gradu distat altera earum à communi stipite, toto gradu inter se distant. At hoc affinitatis vinculum fortè dices, illud consanguinitatis. Num ergò solutius? Hoc nemo unquam dixit Catholicus. Nam non solum in illo decimo octavo *Levitici* fratriæ turpitudine fratris turpitudine dicitur, atque igitur eadem quæ germanæ

Euclid. prima
com. sent.

In cap. 6. se-
cundæ partis
suz epit. par.
10. im. 6.

germanæ sororis (quia *quæ uni & eidem sunt equalia, illa inter se sunt equalia*) sed etiam Ecclesia *Romana* (cujus scitis nos semper acquiescimus) procacissimæ hæreseos laqueo illos involutos tenet, qui majorem consanguinitatis, quàm affinitatis ad contrahendum matrimonium impeditionem esse volunt. Quapropter *Didacus Covarruvias*, quenquam novercam suam, patre defuncto, non magis quàm matrem uxorem posse assumere, juxta *S. Thomæ & Abulensis* disciplinam aperte concludit.

Imperatorum constitutiones à nobis esse fateris, sed tamen partes nostras nihil sublevare concedis. Civiles enim appellas, locis scilicet & temporibus cooptatas, annexas voluntatibus principum, nullo naturæ fundamento sustentatas, aut munitas præsidio. Hic principia petis, *Pontificie*: Quippe nos contendimus illud *Leviticum* præceptum juris esse perpetui, & coelitus hominum animis insculpti, hocq; præbare conamur quàm possimus conspiranti testimonio tum scripturarum, tum reliquarum nationum; & tu jam hanc constitutionum imperialium auctoritatem elevas, quasi civilium tantum & positivarum (ut loquuntur) minimeq; naturalium aut æternarum. Et hoc cum illud ipsum sit, quod in controversiam vocatur, tantum asseris, nullis confirmas rationibus. Ac si diceres, sanctiones istas principum *Romanorum* ne nominetis: mihi credite vel argumentum nullum afferenti, illas ejus esse naturæ & conditionis, ut bonæ potiùs putari debeant, quia præcipiuntur, quàm præcipi, quia bonæ sunt. Hoc est emendicare victoriam, non certando assequi, & pro imperio potiùs statuere quid verum sit, quàm mentis acie disquirere & investigare.

gare. Nunc tandem, ni fallar, intelligis, *Ponsicie*, hæc quæ impedimenta vocabas, non adhuc sic tolli, quin etiamnum cuius hoc stadium inituro molestiam vel maximam facessere possint. Tu verò quòd illa tam mollitèr transilieris, hoc non tam rei facilitate, quàm propriâ quâdam agilitate tuâ fecisse videris. Sed in arcem turæ defensionis jam tandem ascendamus, & illam quibus machinis instruxeris, consideratè perlustramus.

Primo in loco tanquàm firmissimū præsidium, collocasse videris poenarum diversitatem, quibus *Deus* legum illarū matrimonialium contemptores se castigaturum esse minitatur. Alijs enim mortem, alijs tantum orbitatem addicit. Sed hoc argumentū apertè claudicat. Nam in ipso *Decalogo* particulare supplicium præcepta sua transilientibus *Deus* non constituit, & illa ipsa delicta quæ eodem mortis genere *Moses* alibi vindicari jubet, alia *Deum* gravius, alia leviùs offendunt. Quis illum qui cum masculino, vel jumento coit, austerius iudicium sibi ipsi concitare negabit, quàm qui sororem suam uxorem sibi accipit? Atqui tam hic quàm ille igni adjudicatur: etiam si aliquis tantâ fecditate reperiatur, ut horum alterum vitium alio cumulaverit, tantum igni traditur. Præterea, mendacium nonnè æquè delictum esse fateris, atq; homicidium? Imò verò pater *Robertus* mendacium illius naturæ esse affirmat, ut omnem dispensationē superet, homicidium huiusmodi, ut ex circumstantijs tolerari possit. Leviùs tamen peccare illum, qui mentitur, quàm qui hominem hâc luce privat, quilibet mentis compos facile agnoscit. Stuprum vel ipsâ cogitatione quis committit. At nemo unquam Iudex tam severus fuit, qui huiusmodi peccatum proposito tantum admissum, si agnoscat, eodē supplicio cor-

Cap. 27. de
matrim. sacr.

Cicero in 3.
paradoxo.

rigendum putavit, quo hominem in ipso adulterij facto deprehensum. Neq; tamen ideò negaverit quispiam, pravam hunc appetitum naturalitè & revera vitiosum esse. Ex his ergò sequitur, licet gravius reprehendatur ille, qui graviori peccati genere se contaminavit, tamen non minùs naturæ limites transilire eum, qui levissimè contra jus naturale quid perpetrat, quàm qui gravissimè delinquit. Hoc enim *Stoicorum* olet hæresin, qui τὰ ἰσα ἀμαρτήματα posuerunt, minimisq; peccatis accessionem aliquam pravitatis vel atrocitatis fieri posse negaverunt. Horum autem sententiam jam olim è scholis explosam esse constat, quippe qui ut rerum bonarum nullum delectum reliquerunt, sic perturbato semel ordine, nihil peccato addi posse putaverunt, quo majus peccatum videretur.

Cùm igitur hoc longissimè semper ab orthodoxis abfuerit, ut vel virtutum vel vitiorum æqualitatè somniant, confidentèr asserendum est, neq; gradus vitiorum semper è suppliciorum varietate distinguendos esse, nec infimis omnium, quæ suâ naturâ vitia sunt, vitiorum nomen denegandum. Ergò ego potiùs sententiam patris *Roberti* huic tuæ præfero, qui non prorsus negat illas Leviticæ prohibitiones juris esse naturalis, sed potiùs adhibitâ distinctione rerum malarum, aliquas earum de rebus simpliciter & semper malis, aliquas de rebus malis, si nudè & solitariè considerentur, fieri dicit, quæ tamen mutatis circumstantiis bonæ esse possunt. Quamobrem si illum audiamus, fratrem ducere naturæ lege prohibemur, tali tamen, qualis, circumstantiis sic exigentibus, sine sceleris & impietatis notâ violatur. Ideò autem positivam etiam eandem appellat, quia circumstantiæ aliquâdo possunt efficere, ut magistratus eidem minimè

minimè astringatur, sed adversum planè contrariumq; statuatur. In hoc tamen vir ille celeberrimus mihi videtur à veritate aberrare, quia, nè ab hâc vestrà opinione deprehendi posset paulò alienior, cogitur confundere leges naturales & civiles, quas vulgus *positivas* vocat. Nam revera omnis antiquitas leges naturales illas semper duxit, quæ rem vel simpliciter bonam præcipiunt, vel simpliciter malam interdiciunt: civiles vel positivas illas, quæ rem per se neq; bonam neq; malam ponunt, atq; ideò quæ nec bona nec mala priùs fuerat, ipsâ præceptione vel bonam vel malam faciunt. Illud enim è vestrorum libris jampridem didici, *quædam nimirum legitima esse*, id est, *ut ego interpretor, legibus præcipi, quia bona sunt, quædam bona esse, quia legitima*, id est, *quia præcipiuntur*.

Hic etiam (si bonâ cum veniâ tanti viri mihi liceret) dicerem, si non illius sententiam posse corrigi, scribendi tamen modum emendari, quòd rerum malarum triplicem divisionem instituerit: earum nimirum, quæ simpliciter & semper malæ sunt, quæ simpliciter & semper exceptâ extremâ necessitate, quæ deniq; malæ sunt, si nudè & solitariè considerentur, possint tamen, mutatis circumstantijs, honestari. Satis enim fuisset dixisse, res simpliciter naturâque sua malas, vel tales esse, ut nunquàm possint fieri non malæ, vel tales, ut, mutatis circumstantijs, possint. Extrema necessitas, quam ille secundum membrum suæ distributionis facit, sub circumstantiarum nomine satis apertè comprehenditur. Idq; ut ostendamus, non quæremus alia, quàm quæ ipse posuit, exempla. Non licet (inquit) tollere alienum, invito domino. Extrema tamen necessitas efficit, ut quod alienum est, alienum esse definat, & fiat commune.

Matrimonium etiam cum propriâ sorore semper & ubiq; prohibetur, nisi extremâ contrarium urgente necessitate, quæ fuit in initio mundi. Quid aliud his in exemplis est necessitas, quàm circumstantia temporis alia, personæ alia? Ac si diceret quispiam, malum esse tam furtum, quàm fratris sororisq; conjugium: si quis tamen in illas angustias compingatur, ut vel furandum vel fame pereundum; vel in huiusmodi tempora inciderit, ut soror ducenda, vel humana species è medio tollenda sit: tum quidem & permittitur furtum, quod simplicitè condemnatur, & sororis matrimonium, quod naturalitè incestuosum esse ducitur.

Alias circumstantias vehementiores magisq; necessarias, alias debiliores, nec tantū urgere fatemur: sed hæc differentia in causâ esse non debuit, ut iste pater essentiâ illas discriminaret, quæ tantū intentione & remissione secernuntur. Si ergò cum illo tu etiam hanc fratriæ ducendæ prohibitionem suâ naturâ perpetuam esse fateare, nos quidem eam non tam perpetuam asseremus, quin circumstantijs etiam cedere nonnunquam & succumbere patiamur. Nam & patrem aliquando quisquâ non injustè interfecerit: nec rarò occasiones contingunt, quæ non solum è duobus honestis illud quod honestius est, sed etiam ex inhonestis illud quod ab honesto propius abest, cogunt eligere. Illa est (proh malū) humanarum rationum infelicitas, ut ipsâ varietate suâ vel ultima omniū & antiquissima vitæ nostræ præcepta alia cum alijs misceat nonnunquam, & sic collidat, ut singula conservare integra non possimus: satisq; probè nobiscum comparatum esse putemus, si neglectis inferioribus, illa sequamur, quorum contemptu numinis iracundiam vehementiùs accendi intelligimus.

C. duo mala
dist. 13.

Quare cum inter præcepta juris naturalis atque
divini

divini illa supremum locum occupent, quæ *Dei* cultum immediatè spectant, si contingat aliquando necessitas, ut vel illa vel alia aliqua ponenda sint : *Dei* gloria semper præferri debet, quæ cum hæc stare non possint, corruant & pedibus obterantur. *Iehu* rex *Israel* cum gentem illam ad *Dominum*, à quo tam turpiter ad *Baal* idolum defecisset, & perfectè & celeritè reducendam esse perspiceret, neque videret, quomodò hoc sic fieri posset, quia adhuc reliquiæ quædam ejus fæcis in abditis & occultis locis delitescerent : simulavit se *Baali* rem divinam facturum, atq; ita ejus sectæ sacrificulos in templum simul convocatos omnes eodem die trucidari jussit. Nam religiosissimus ille Rex, licet mendacium simpliciter malum esse, & præceptum *Decalogi* lædere non ignoraret : tamen ad tam piæ, tamque necessarij propositi sui executionem, quam aliter se præstare nullo modo posse perspexit, fidem illis sacerdotibus datam fallere non dubitavit. *At non est malum faciendum, ut inde veniat bonum.* Certè sibi bonum quod necessariò quærendum est, sine mali cujusquam perpetratione possit obtineri. Licet enim nonnullos esse sciam, qui facinus hoc tam inclyti Regis detrectant omninò defendere, aliquos etiam qui dolum illum apertè reprehendere non reformidant : mihi tamen circumstantiæ temporum rectè perpensæ videntur eum ab omni culpâ faciliè liberare. Hoc enim & alia hujus similia facta illis annumeranda sunt, quæ *Aristoteles* appellat καὶ αὐτὰ μὲν ἀκρίσια, τὸν δὲ καὶ ἀντὶ τῶνδε ἐκρίσια, quia tamen ipsius actionis principium in agente inest, μάλλον εἰσὶν ἐκκρίσις. At *Abrahæ* illud artificium non in eadem causâ esse judico, cum *Saram* sororem diceret, conjugem esse dissimularet. Nam ad vitam suam tutandam (quæ melius amittitur, quàm cum dede-

2. Reg. cap. 10.
vers. 25.

Ad Rom. cap.
3. vers. 8.

Ethic. 3. cap. 1.

core conservatur) dissimulationi adjunxit non solum thalami sui contumeliam, sed apertam divinæ providentiæ diffidentiam.

Mat. 12.

Divinus autem cultus partim internus, partim externus est. Quæq; hætenus locuti sumus, ad internum pertinent. Externus verò cultus in sacrorum rituum & ceremoniarum observatione potissimum consistit, qui licet facile negligi non debeat, necessitate tamen id urgente, nonnunquam sine scelere violatur. Atque igitur *Christus* judicat *Davidem* non injustè fecisse, quòd panes propositionum, quos religio sacerdotibus proprios fecerat, comederet. Nam & fames, & expedita negotiorum, quæ tùm illi incumbabant, executio, comineatû licitum illum tunc expectare non permiserunt. Sic jus vestrum res sacras regularitè alienari non permittit, ad captivorum tamen à Turcâ redemptionem distrahi jubet. Hic possem esse multò copiosior. Sed & tu disciplinam hanc agnoscis in defensione tuâ, & quæ jam dicta sunt, rem probandam satis apertè declarant. Vt ergò locum hunc concludamus, hæc patris *Roberti* sententia, *Leviticum* illud præceptum, de quo nostra controversia instituitur, juris perpetui & naturalis esse confirmat, atq; ideò semper observandum, nisi celsioris antiquiorisq; legis majestas hoc impediat: & si tale aliquod impedimentum occurrat, tum, sicut & alia quæcunq;, sic hoc perurpendum esse nos libentissimè fatemur. Nam si illæ rerum conversiones fieri possent, ut quemadmodum in initio mundi, sic nunc humanum genus ex unico viro & unicâ foeminâ consisteret, tum eorum proximos liberos matrimonium invicem contrahere posse diceremus: idq; ad complementum illius numeri, quem *Deus* hujus speciei summum & ultimum secundo judicio suo de-

designavit. Dogma hoc nuptijs *Henrici* statim fortè melius applicabimus : nunc tantùm volui ejus autoritate præcipuū tuum munimentū disjicere, quem omnes catholici non majori quā debito honore prosequuntur

Secundo loco definitionem juris naturalis, quamvis paulò obscuriùs, collocasse videris, ac si diceres illud esse jus naturale, quod solo lumine naturæ, sine rationis discursu aliquo, seu saltem cum facillimo discursu cognoscitur esse bonū. Quamobrem quia non solū ethnicae nationes, sed & homines etiam ipsi *Deo* charissimi fratrum conjugia crebrò usurpare solent, hæc naturali jure minimè prohiberi contendis. Exempla tum gentium, tum sacrarū scripturarū profers, atq; ita quasi trophæū aliquod te posuisse cogitas. Jus naturale sic multos definire scio, nec laboro quàm accōmodatè, propterea quòd hīc vis argumenti tui minimè latet. Ego tamē jus illud non tam hominū ingeniis & moribus, quā perpetuā atq; simplici veritate metiendū esse putarem. Nam de rerum bonitate atq; justitia tantam apud omnes populos esse dissensionem meritò dicit *Aristoteles*, ut nihil naturā videatur esse justū, sed illud tantū, quod leges ubiq; præcipiunt. Et certè si vel in unicā conjugij conglutinatione, quàm dispares variarum gentiū mores, quàmq; repugnantes fuerint, considerare voluerimus, leges hominū moribus accōmodatas potiùs, quā ad certam naturæ normam conformatas fuisse facile sentiemus. Nullam enim in re aliqua nobiliorem nationum reperiemus inconstantiam. Si polygamiam juri naturali congruere dicerem, ad hujus paradoxij confirmationem multas gentes proferre possem, quæ non solū unum virum plures fœminas ducere, sed & unam fœminam pluribus viris nubere permiserunt. Si parentum liberorumq; gradu proximorum sexcen-

Rom. i. vers.
21. & seq.

Laert. in
proëm.

Alex. ab Al.
cap. 21. lib. 1.
gen. dier.

Diodor. lib. 1.

Plut. de edu-
cat. liber.

ta mihi exempla probatissimi omnium, quos habemus, autores suppeditarent: si fratrum sororumque, certè tempus tot nominum repetitioni vix sufficeret, quot viri hîc deliquerunt. Causam hujus diversitatis me interroganti tantum responderem, non esse Naturam: aliquam non afferrem præter illam *Pauli*, *Quia cum cognovissent Deum, non sicut Deum glorificaverunt, aut gratias egerunt, sed evanuerunt in cogitationibus suis, & obscuratum est insipiens cor eorum, &c. Propter quod tradidit illos Deus in desideria cordis eorum, in immunditiam, ut contumelijs afficiant corpora sua in semetipsis.* Si tamen è pluribus particularibus universale liceat conijcere, non ineptè forsàn quis divinaverit, post principes alicujus nationis in hanc intemperantiam libidinis impetu præcipitados, populum reliquum vel communem legem pellexisse, vel impunitatis spem pertraxisse. Nam apud Persas magi primi illorum sacerdotes & philosophi, quorû maxima apud illos fuit autoritas, matribus & filiabus suis matrimonio se junxerunt. Et longè postea *Artaxerxes* rex filias suas *Athosim* & *Meëtrim* justarum uxorum loco habuit. Vnde factum est (ni fallar) ut non solum alij idem impune factitarent, sed & illos liberos maximè genuinos haberent, quos è tali conjugio procreabât. *Aegyptij* sorores ad thalamos suos accivisse putantur, ad exemplum *Isidis* ipsorum Deæ, quæ fratri suo *Osiridi* nupsit. Fuerunt etiam apud eosdem plures *Ptolomei*, qui sorores suas in uxores acceperunt, quorum unus, cognomento *Philadelphus*, *Soladem* quendam hoc nomine illum reprehendentem in vincula conjecit: alius *Philopater* lege promulgatâ hoc universo illi populo licitum fecit. *Claudium Cæsarem* scribunt aliqui, cum

Agrip-

Agrippinam germanici fratris filiam, cujus amore deperibat, sibi uxorem desponsasset, ne in illum solum naturæ sacra vincula perrumpentem omnium oculi conjicerentur, omnibus *Romanis* nuptias in eodem gradu communi sanctione liberas concessisse. Sed hic in lege suâ ferendâ tam infelix, quàm in tanto scelere committendo spurcus & impurus fuit. Nemo enim repertus est, qui illum tam obsceno in tramite, quamvis cuique jam aperto atque obvio, sequeretur. Cum ergò subditorum animos ad exempla suorum principum, vel vitiosissima facilè componi non hæ solum historiæ ostendant, sed communis etiam omnium politicorum autoritas confirmet: probabiliter saltem mihi concludendum videtur, & *Affyrios* à suâ *Semirami*, quæ filij sui amore capiebatur, & reliquas etiam gentes à simili gubernatorum suorum vitio contagionem istam contraxisse. Desine jam tandem (*Pontificie*) naturale jus gentium numero definire, & idem pete potius à paucioribus, quos vel recta educatio in hac cognitione cæteris melius instruxit, vel disciplina limatius expolivit, vel præsertim verbi divini lux plenius illuminavit.

Sed solis ethnicis (inquis) non acquiesco: *Iacob* atque *Iuda*, nonnè alter duas sorores duxit, alter unicæ mulieri duos filios suos ordine junxit, etiam tertium despondit? *Iacob* unicam petiit, & *Lea* illi nescienti obtrusa est: & in hoc nemo quidem illum unquam defendit, quòd *Leam*, postquàm cognovisset non esse illam quam petiit, non rejiceret. Sed age volens sciensque duxerit. Num hinc ratiocinaberis & nunc idem licere. Tum profectò & ab ipsius exemplo, polygamiam in usum reducamus, quia *Iacob* non solum
duas

Al. ab Alex.
ubi supra.

Fran. Sueton.
in Claudio.

Gen. 38.10.

duas sorores simul, sed & earum quoq̃ ancillas uxores duxit. Imò verò potiùs mihi placent illi Patres, qui *Deum* hæc ejus conjugia tam graviter prædicant tulisse, ut alteram morte eriperet, priusquàm terram sanctam ingrederetur, ut vitio quodam Orientis hoc eum fecisse ostenderet, & ne posteros ad simile peccatum aliquo modo videretur provocare. *Iudas* (si Deo placet) *Thamar* uxorem dedit primùm primogenito suo *Her*, deinceps filio secundo *Onani*. Miror quòd mœchari etiam nobis non concedas, quod ille *Thamar* in viâ obviam factam compresserit, gravidamq̃ fecerit. Sed cum *Onan* potiùs sperma in fundum effunderet, quàm semen fratri suo suscitaret, *idcirco percussit eum Dominus, eò quòd rem detestabilem faceret*. Rectè. Semen fratri suscitasset potiùs, quàm libidine suâ expletâ semen in terram disjecisset. Minus malum illud fuisse non negaremus, simpliciter tamen bonum fuisse illud conjugium non scio, si quisquam unquam dixerit. Nam si necessarium fuerit, *Iude* illam foeminam tribus suis filiis collocare, cur tertio dare recusavit? At si vitio careat quòd tertio denegaverit, non video certè rationem aliquam, cur & secundo, si sic illi visum fuisset, non utique denegasset. Credisnè tu Deum *Onanem* illum morte velle punivisse, si dixisset patri suo, se foeminam eam non potuisse complecti amore conjugali, suæque recusationis veniam modestè petiisset? Non arbitror. Sic enim concluderes, illam esse potestatem parentum in liberos, ut, quas ipsi offerunt nuptias, accipere cogant. Hoc autem quàm sit ab omni ratione alienum, quisque facilè videt. Prætereà si hoc verum sit, quidni Deus etiam mortem omnibus illis infligeret, qui fratribus suis sine prole mortuis

mortuis hoc officium præstare renuunt? Cum ergò contumeliam quandam huic crimini imponat (ut ex illâ lege *Deuteronomij* patet) cum nemo tam cæcus est qui non videt *Onanem* tam foedæ & impuræ pervicaciæ poenas perfolvisse, quòd semen, post illam acceptam, in terram tam malitiosè effunderet, quas eam refugiendo nunquàm persensisset.

Sed affines ejusdem gradus asseris non prohiberi, quò minùs matrimonium ineant, & hinc colligis jure perpetuo non impediri levirum à ducendâ fratriâ. Quid autem subvereris nos hoc argumentum inversuros, & disputaturos, nuptias reliquis ejusdem gradus interdicti, quia leviro cum fratriâ deneantur? objicis nobis regulam quandam vestram, quæ dicit præcepta prohibentia, quòd odiosa sint, non extendi, sed restringi potius debere, & ipsis verborum quasi limitibus alligari. Paulò me audaciorem fortassis existimabis, qui hîc tecum non dubito contendere. Sed certè malò tibi esse molestus, quàm veritatem deferere. Percurre singula Decalogi præcepta quæ prohibent: & non puto te tanta causæ tuæ affectione posse abduci, quin fatearis in singulis multa nobis imponi, ad quæ, licet vel bombycem, vel araneam nendi subtilitate vinceris, verborum significationem nunquàm educere vel extrahere possis. Exempla in re tam aperta præterimus. Immò verò sapiùs audivi vestræ disciplinæ homines distinguere inter illos, qui contrà leges faciunt, & illos qui in fraudem legum aliquid admittunt. *Nam contrà legem facere dicunt, qui id facit, quod lex prohibet: in fraudem verò, qui, salvis verbis legis, sententiam ejus circumvenit.*

l. 29. c. de m.

Fraus

L30. cod.

Fraus enim legi fit, ubi quid fieri noluit, fieri autem non vetuit, id fit. Et quod distat ἐν τῷ νόμῳ διαφύλασ, hoc distat fraus ab eo, quod contra legem fit. Agnoscis, nisi fallar, errorem tuum, & fateris in legum etiam prohibentium interpretatione illas esse vires æquitatis, ut verba legis ratione potius sublevent, quàm rationem verbis onerent & coerceant. Sed interrogas num ergò regulam istam ut falsam & iniquam rejiciam? Ego quidem non rejicio, sed vestris eam disceptandam examinandamque relinquo. Hoc enim mihi sufficit, quòd ostenderim, te illam ad tui propositi confirmationem violenter, & quasi renuentem tanquam obtorto collo pertraxisse. Si tamen unico verbo loqui mihi liceat, quomodò eam intelligendam putem, statutis potius municipalibus astringerem, quæ *positiva* dicitis, & de rebus adiaphoris fiunt, quàm per totum jus ita liberè vagari paterer. Nam statuta hæc non ita tutum fortè est extendere, quàm casus in illis omisso ad juris communis dispositionem, tanquàm ad *Lydiū* lapidem, revocare. Quamobrem illa tantum hoc prohibere dicuntur, quod verbo prohibent: quia eorum conditores nihil aliud juri communi velle addere judicandi sunt, quàm se addere significant. Atque hoc non tantum de statutis prohibentibus, sed etiam aliquid fieri præcipientibus dici potest. Nam & subtilis aliquis disputator, qui ista paulò curiosius tractare studeret, facilè vobis ostenderet, leges, quæ vel maximè quid facere jubent, vi & potestate suâ semper contrarium prohibere. Sed hæc scholis accommodatiora videntur esse: nos singula quæ tu dixisti, quanta possumus brevitate, perstringere, vel ipsum tempus monet. Illud quod ex *Levitico* adduxisti

adduxisti de duabus sororibus, diversam à reliquis exemplis postulat responsionem, licet nihilò gravius nos premat.

Ait *Moses, Sororem uxoris tue in pellicatum illius non accipies, nec revelabis turpitudinem ejus, adhuc illà vivente.* At si, nec mortuà illà, tale fieri aliquid Propheta noluerit (inquis) quid in illud etiam vetuisset? aut quorsum verba hæc (*illa adhuc vivente*) si neque mortuà uxore idem permiserit? Ejus loci germana sententia est, ut polygamiam *Iudeis* (quemadmodum sæpiùs jam dictum est) indulgenter permissam, sic permitti ostendat, ut tamen duas sorores matrimonio simul retinere nullo modo liceat. Iam si quæras, quid mortuà uxore quisquam facere possit, similitudo rationis ad decimum sextum versum ejusdem capituli, tanquàm manibus, te ducit & docet, quoniam fratris tui defuncti viduam ducere non potes, ideò nec uxoris sororem posse. Sed verba (*adhuc illà vivente*) dicis vehementiùs nos premere. Certè non magis, quàm illud (*donec*) probet *Iosephum* beatam virginem *Mariam* cognovisse, postquam primogenitum suum peperisset. Sic enim ratiocinari nosti desperatos quosdam hæreticos: *Et non cognoscebat eum, donec peperit filium suum primogenitum*: ergò postea illam cognovit. Hoc argumentum quàm altis sibilis ecclesia nostra jampridem exploserit, ignorare non potes. Quapropter satis mirari non possum, quòd isti tuo tam mordicùs inhæreas.

Levit. 18. 18.

Be. lar. cap. 27.
de matr. sacr.

Mat. 1. 25.

Quòd verò *Deum* *ωρθωπολιτίας* suspitione liberas, benè quidem agis, sed quòd indè concludas Gentibus illum denegare nihil velle, quod *Iudeis* aliquando indulsit, atque ità fratriarum conjugia sicuti illis, sic nobis

Exod.

Num. 12. 16.

Gen. 17. 11.

Rom. 4. 11.

Act. 10. 34, 35.

bis etiam permittere, vim argumenti tui non percipio. Si hinc concluderemus, Deum nullam ob causam hominem homini unquam prætulisse, statim obicerentur nobis infinita exempla, quæ in sacris scripturis reperiuntur. Nam gloria conducendorum *Israelitarum* ex *Aegypto* per desertum usq; ad *terram promissionis soli Mosi data est*, reliquis quibuscunq; denegata. Disertis etiam verbis ipse *Deus* profitetur, se *Mosen* allocuturum facie ad faciem, sed reliquis *Israelitarum* Prophetis per visa & insomnia voluntatem suam semper ostensurum. *Abraham* ob fidem suam singularem & eximiam, unicus omnium fidelium pater factus est, & ejus liberi vocantur omnes, qui mysterium nostræ salutis fide apprehendunt. *Catholici etiam omnes* tenent, *Petrum Apostolum* solam esse *Petram*, cui *Christus* Ecclesiam suam inædificavit, neminemq; tantæ prærogativæ partem aliquam sibi vindicare patiuntur. Verba illa docent, *Deum Iudeos & Gentes* non nationum suarum varietate distinxisse, id est, illos dilexisse, quòd *Iudei* essent, hos odisse, quòd *Gentes*, ut neque alios ob aliam causam extrinsecam quamcunque, vel amplecti, vel rejicere: sed unumquemque, sic maximè diligere, quemadmodum viæ pietate reliquis plurimùm antecellit. Atque igitur cum *Petrus* (qui circumcisioni vehementiùs fortè, quàm par fuit, addicebatur) viso illo moneretur *Cornelio* illi, minimè *Iudeo*, gemmam Evangelij tradere. opinionem suam mutat, & in hæc verba spiritus quâdam vehementia impellitur, *In veritate comperi, quia non est personarum acceptor Deus: sed in omni gente qui timet eum, & operatur justitiam, acceptus est illi.* Quomodò autem hæc ad nostram controversiam torqueri

torqueri possunt, non intelligo, nisi hinc leges singulas quas *Deus Iudeis* præcepit nobis etiam impositas fuisse contendas: quod quàm sit tùm ab illis *Apostoli* verbis, tùm à veritate alienum, non patrum tantùm, sed & universæ ecclesiæ testimonium ubiq; serè prodit.

Pergis tu, & *Mosen* nunquàm existimationem suam tanto in periculo apud *Iudeos* constituere voluisse contendis, ut tantas sapientiæ laudes illis propter leges à se traditas ab aliis nationibus polliceretur, nisi eas naturæ congruas esse iudicaret. Quippè nationes, à quibus istæ laudes expectandæ fuerunt, solum illud sapiebant, quod naturæ lumine docebantur. In hoc, ut in superiori argumento, facilè agnosco vestigia prædicti Apologographi, qui, ut ipse dixit, propter nimiam festinationem (sed, ut ego puto, propter nimiam tarditatem) meliora excogitare non potuit. Hic inter vos ipsos dissidetis. Alij enim vestrum utramque illarum legum politicam; alij naturalem & perpetuam esse defenditis. Sed nos priorem tantùm naturæ attribuimus, secundam cereemonialem, *Iudeorum* soli politiæ astrictam fuisse non solum constanter asserimus, sed plurimorum testium eorumque locupletissimorum fide confirmavimus. Ut autem hoc argumentum verbo retundam, vel omnes illas leges *Mosai- cas* naturæ debes ascribere, vel nihil agis. Nam si ulla sit civilis tantùm, quemadmodum tu ipse multas esse confiteris: tum certè ratio hæc tua nihil ostendit, cur ista, de semine fratri suscitando, potius in illarum, quàm harum numero reponi debet. Atque hinc satis patet, non huic fundamento tum innixum fuisse *Mosen*, cùm populum illum in tantam spem honorum propter leges suas induceret.

Argumen-

Argumentum quod à duplici conjugij fine duxisti, reliquis nihilò fortiùs nos premit. Nam fratrum sororumque illa est æqualitas, ut non solum soboli, sed & illis, de quibus loqueris, officiis sit accommodatissima. Immò verò constitutionum naturalium illa similitudo, quam inter fratres sororesque plerumque deprehendimus, liberorum spem multò maiorem facit. Et cum ad fraternum amorem accessio etiam fiat conjugalis, non parùm augentur illius obsequij vires, quas tam individuum societatem exposcere verissimè prædicas. Tamen primum hunc consanguinitatis gradum ab ista conjunctione naturaliter abhorreere, non solum omnes theologi scripserunt, sed & universalis Ecclesia semper iudicavit. Atque igitur, ut tibi concedamus matrimonium, quod suâ naturâ bonum est, cum casto coelibatu collatum omninò vilescere: [malè tamen hic colligis, nuptias, quæ cum fratriâ contrahuntur, aliis tantùm esse deteriores, per se minimè reprehendendas. Eadem enim ratione non fratrum tantùm atque sororum, sed & patrum liberorumque conjunctiones tantùm comparatione *μὴ δὲ τῇ ἐστὶα* malas esse concluderis. Sed ut vitium argumenti tui agnoscas, si posuisses alterum conjugij finem, justam & legitimam sobolem (quod debebas) tùm negassemus leviri fratriæque conjugium talem unquam esse procreaturum.

Mat. 25. 27.

Ad eandem metam collineat illud de Salvatoris nostri responsione ad *Saduceos*. Sed æquè dixeris *Christum* fœneratorum sordes probare, quòd alibi reprehendat servum inutilem, qui talentum fidei suæ commissum in terrâ defoderat, nec argentariis expo-

exposuerat : vel etiam fraudem præcipere, cum inju-
 stum æconomum laudet, qui rationes sui officij reddi-
 turus calculos dolosè subduxit. *Sadducei* ad legem il-
 lam *Deuteronomicam* respexerunt, ut ex ipso contextu
 patet. Atq; igitur non adhuc convenit inter nos, utrum
 de germanis ipsorum quæstio intelligenda sit : & si sic
 intelligatur, tamen hoc illorum factum non reprehendit
Christus, quia juxta legis præscriptum idem com-
 missum fuisse illi proponunt : & nisi expectemus hîc
 ut *Mosis* objiceret, & leges ab illo traditas apertè cul-
 paret ut impias & sceleratas, non video quid in hoc e-
 jus responso desideraverimus. Noverat ille, pro divi-
 nâ suâ sapientiâ, versutum illud hominum genus &
 resurrectionis disciplinæ inimicum, nihil aliud quæ-
 rere, quàm ipsius contumeliam. Quapropter cum
 hanc difficultatem illi objicerent, undè eum nunquam
 se expediturum suspicabantur : ille ad ineptias ipso-
 rum eludendas parvâ declinatione telum effugit, quo
 eum penitus transfigere speraverunt. Ità ut nihil mi-
 randum sit, si pluribus non responderit, quàm ad ab-
 stergendam eam calumniam fuerat necesse. Sic enim
 eos qui astiterunt optimè perspecturos arbitrabatur,
 quantâ debilitate laborarent illi magistri, qui tam ar-
 roganti supercilio ambularunt, tantâque scientiæ suæ
 fiducia populum in tam desperatam hæresin abdu-
 cere non dubitarunt. Istis argumentis tuis attexis
 etiam testimonia doctissimorum hominum, Glossog-
 raphi nimirum, & Lyrani. Sed (deus bone) quàm
 frigidè, quàm infelicitè ? Illi duo tantum ostendunt,
 quid per legem veterem licitum fuit, de sciti *Mosaici*
 vel continuatione, vel abrogatione, ne verbum quidem
 locuti sunt. Quapropter quod isti breviter perstrin-

Luc. 16. vers.
1. & seq.

xerunt, si *Bonaventura*, *Durandi*, *Thomæ Aquinatis*, *Augustini* verbis suprà repetitis illustrari feras, res omni dubitatione liberabitur, & clarum fiet, *Iudeos* fratrias ob causam sæpiùs nominatam ducere potuisse, nos itidem non posse. Quid enim? Nùm eos hoc simpliciter defendere contendis? at tum ab ipsius ecclesiæ Pontificumq; scitis discedunt, quæ conjunctionem huiusmodi sine dispensatione tolerârunt.

In ultimum locum, non sine summâ consideratione procul dubio, stupendam illam *Apostolorum* auctoritatem reservasti, qui non suo tantum, sed & Spiritus sancti nomine jubebant *Antiochenos* abstinere tantum ab immolatis simulachrorum, à sanguine, suffocato, & fornicatione. Primum te interrogarem, nùm hoc ipsorum consilium perpetuam vitæ nostræ normam esse putes? Si asseras, tum nunc etiam non solum à fornicatione, sed & reliquis ibidem expressis est abstinendum. Sin neges, tum quorsum adducis? Nam nisi dicas ab omnibus nunc etiam observandum, fateris illis ecclesiæ nostræ incunabulis esse accommodatum, nec hodiè nos obligare. Norunt *Apostoli* (inquis) multos tum fuisse præsertim *Iudeos*, qui fratrias complexibus suis retinuerunt. Quòd ergò eos hâc de re monitos esse nollent, quid ni huiusmodi conjugia nunc etiam ferenda censuerunt? Dixerit quispiam ipso fornicationis verbo hoc delictum notatum fuisse, sicuti & polygiam; sed ego hâc non insisto. Benè nobiscum comparatum putabimus, si nimiam severitatem illis initijs minùs concinnam fuisse agnoscamus, & multa nascentis ecclesiæ nostræ debilitati concedenda, quæ nunc illi confirmatæ & adultæ penitus denegantur. Hoc si tu dissimules, quod non potes, si in hoc tuo exemplo constare

stare velis, argumentis & multis & certissimis tibi extorquerem. Sed obsecro, non etiam à cæde manus continendæ sunt? non à bonis alienis? non à matrum & sororum nostrarum connubio? Quorsum igitur hîc dixerunt *Apostoli Antiochenos* benè acturos, si præcepta ab illis descripta custodirent, reliqua quæ etiam majoris sunt ponderis minimè nominarent? Ipse tu benè advertebas, controversiam motam esse *Divis Apostolis Paulo & Barnabæ* per *Iudeos* quosdam qui salutem æternam circumcisioni illi *Mosaicæ* alligabant: id est, ut ego interpretor, legibus illis cæremonialibus, quas *Moses Israelitis* jam pridem imperaverat, quarum circumcisio præcipuum locum tenebat. Atque igitur hoc fuit *Apostolorum* Præbyterorumque tùm *Hierosolymis* degentium propositum, ut sententiam suam de illis præcipuè ferrent. Cumque multa imbecillitati *Iudeorum* tribuenda esse charitas suaderet, non illas omnes tunc funditus tollendas censuerunt, sed aliquas adhuc in maturiorem Christianæ Ecclesiæ ætatem differendas. Hinc ergò patet legem illam, quam *Sanctus Augustinus* & reliqui cæremonialem ducunt, tunc si non sub nomine scortationis, at tamen inter reliquas fuisse antiquatam, quia specialitèr hîc non permittitur.

Sed interpellantem te audire videor & scissitantem, nùm ἀλισγήματα τῶν εἰδώλων ἢ τὴν πορνείαν legibus tantùm Cæremonialibus prohiberi putem? Certè non puto. Sed respondeo tamen juxta sententiam Ecclesiæ nostræ saniorumque interpretum, præcipuum *Apostolorum* institutum ad leges cæremoniales tùm spectasse, prout occasio

controversiæ subortæ postulabat, hæc tamen duo incidenter esse adjecta, quia pertimescendum viderunt Apostoli in hac coitione quasi connexionequæ *Iudeorum* atque Gentium, nè vehementiores multò suborirentur controversiæ, tum circa superstitiones illas, quibus Gentes tantum imbutæ fuerunt, tum etiam libidinum satiandarum modum & rationem, quam tam *Iudei* quam Gentes nimis liberè atque petulanter sunt consecrati. Hoc igitur scandalum ut salubriter anteverterent, non solum sententiam suam exposuerunt de rebus ad ipsos tum relatis, sed de illis etiam quæ maximas turbas in Ecclesiâ *Christi* brevi concitare posse viderunt, ut fratres hic præmunirent prius atque confirmarent.

Hæc cum ita sint (*Pontificie*) cave nè munificentiam tuam jactites largiendo, *Leviticum* illud præceptum esse perpetuum, hoc *Deuteronicum* quasi mortale & caducum. Nam illud tantum das nobis, quod pro æquitate tuâ denegare non potes. Quia tamen nos hic tibi necessariò obligatos esse cupis, acceptum hoc referemus summæ liberalitati tuæ, & bonâ tuâ cum veniâ perpendemus quam nervosè defenderis Papæ facultatem in dispensando super illis præceptis, quæ moralia sunt, & ad universum *Dei* populum æqualiter pertinent. Privilegiorum tum causas tum naturam satis commodè & dilucidè mihi videris explicasse. Neq; de eorum utilitate sapiens quisquam unquam dubitavit, utcumq; multitudinem imperitam semper habeant inimiciore. Concedo etiam quæ Iurisconsulti *privilegia* solent dicere, nō vos solum, sed & nos etiā *dispensationes* & *indulgentias* appellare. Hoc nescio quo modo mihi non placet, quod dicas Pontificem Romanū cum lege
divinâ

divinâ posse dispensare. Fate mur legum conditorem ipsis legibus non modò superiorem, sed etiam sic solutum, ut illas, pro arbitrio suo, figere vel refigere possit. Sed leges cuiusquâ superioris, quibus ipse est astrictus, quomodò coarctet quis aut reprimat, non intelligo.

Par enim in parem nullum habet imperium, multò minus inferior in superiorem. Quapropter, ut magistra- L. 4. de rec. arb.

tus leges ab Imperatoribus positas interpretari possunt, tollere nullo modo possunt: sic Imperatores leges naturales atq; perpetuas explicant quidem, & rerum necessitate nonnunquàm hoc exigente, comparatas alias alijs anteponunt, sed mutare vel deferere prohibentur. Pontificem ergò Romanum (quâ hoc vult) concedemus Imperatoribus esse superiorem. Ecquid jam liberalitati tuæ nos debere putas? *Deo* tamen, ni fallar, vos omnes illum cedere permittitis, & tum certè consequenter fatemini, leges divinas integras & illæsas semper debere conservare. Dedit enim illi *Deus* (tanquam Imperator suo præsidi) leges, ex quarum præscripto populum ditioni suæ commissum regat & gubernet, dedit illas explicandi facultatem, si quandò difficultas acciderit: dedit deniq; potestatem addendi novas, dummodò à seipso latis non adversas aut contrarias. Annon rebellem illum & refractarium existimabimus, qui tam amplo accepto diplomati non acquiescit, sed in ejus imperium, cui tantum est devinctus, legibus suis elevandis atq; enervandis tanquàm cuniculos agit? Vides quàm à *Pontificis* sanctitate alienum esse debet hoc nefandum scelus. Neq; certè bonus quisquam sedem illam unquàm occupavit, qui huc nequitiae unquàm proventus est. Canones suos, si displiceant, corrigat; si mali sint, tollat; si etiam boni, pre-

Deut. 4. 2.

Magnum eorum numerum recenset.
Cover. par. 9.
cap. 6. secundæ partis suæ epit. in 4. lib. decret. num. 6.

Lib. 2. de rit. nup. & de disp.

mat pro arbitrio suo in gratiam eorum, quos sibi devincere cupit: sed verbo divino si quicquam addiderit vel detraxerit, fines mandati transilit. Hoc enim est dividere regnum *Dei*: At regnum divisum non potest diu sine collapsione consistere. Quamobrem utcumq; reperti sunt multi vestræ sectæ, qui non dubitant Papæ potestatem dispensandi etiam cum verbo divino tribuere: tamen illi, qui suorum studiorum quasi rutam verbi divini pulegio condiunt atq; temperant, hunc tam crassum errorem tamq; effrænem petulantiam apertè detestantur. Nomina eorum recensere possem, sed tibi sunt satis cogniti, qui hoc dicunt.

Vides ergò hîc digladiari inter se doctissimos tam Theologos, quàm Pontificios, dum alij Papæ dispensandi auctoritatem super sacris Scripturis concedant, alij negent, & illas tantum explicare patiantur. Hos verbo tantum contendere vult *Sepulveda*, dicitq; ociosam hanc esse pugnam, cum dispensationem & explicationem nihil omninò differre dicat. Sed illius opinio mihi non placet. Nam hæ duæ multum auctoritate differunt. Quia qui explicat legem ab aliquo superiori principe mandatam, non derogat quicquam illi legi, sed pro summâ prudentiâ suâ verum ejus intellectum interrogantibus ostendit, & si quando contingant occasiones hujusmodi quæ leges duas invicem collidunt, tum ille utramq; comparat, atq; ad examen verbi divini revocando perpendit, consideratq; ultra minori cum pietatis jacturâ vel numinis offensione violari possit, & tandem, non pro arbitrio suo, sed pro rei justitiâ sententiam suam profert. Qui dispensat autem, non, quæ legis sententia sit, exponit, sed potius, legis sententiâ quantumcunq; prohibente, patitur quem

in

in illam committere, idq; pro potestate quam in legem vendicat, quam nullam habet nisi lege superior sit.

Quapropter Papa legem divinam si perperam explicat, non solum ipse vehementer delinquit, sed eum etiam delinquere cogit, quem sive calumniâ, sive ignoratione suâ quicquam contra verbi præscriptum perpetrare facit. Sed Canonem ecclesiasticum de rebus medijs latum, aut expresso *Dei* verbo minime munitum papa non solum abrogare, sed etiam ad tempus suspensum quasi tenere potest, idque pro arbitrio suo, licet causam ita magnam facti sui non videat. Quapropter *Abbas Panormitanus* reliquiq; (qui dicunt Papam maximis ex causis etiam contra novum Testamentum dispensare posse) sic intelligendi sunt, ac si dicerent Papam novum Testamentum explicare posse, præceptaq; ejusdem cum præceptis comparare, & tandem quæ præferenda sint declarare, sic tamen, ut si non rectè declaret, non minus *Deum* interpretatione suâ offendant, quàm præses Imperatoris leges violando & libidini suæ inflectendo, ipsum ad iracundiam provocat. Atq; procul dubio, cùm *Innocentius* ille tertius (cujus autoritate tu multum gloriaris) *Livonienses* paulò antè in fidem Christianam traductos, fratrias, quas matrimonio sibi prius junxerant, adhuc retinere pateretur, non hoc ex indulgentiâ fecit, quemadmodum tu putas, sed quia videbat plures illosq; è potentioribus hoc malo irretitos, quos verebatur non ipsos solum ad idololatriam relapsuros, sed etiam totam illam nationem post se perfracturos, si conjuges, quas tantum amabant, se retinere posse diffiderent. Atque igitur hoc, quamvis simpliciter non ferendum malum, ad tempus devorandum potius, quàm tam

Gloss in cap.
non. c. ext.
de voto.

c. final. ext.
de divort.

ingentem animarum numerum in tanto adhuc periculo relinquendum esse duxit. In hoc tamen coitum hunc & horrendum & exosum esse demonstrat, quia, licet in istis initijs ferat, tamen se nullo modo laturum esse profitetur. Idem etiam de *Martini* quinti dispensatione, seu potius explicatione censendum est. Nam charitas me monet justae causae potius illam ascribere, licet nesciam quae fuerat, quam hominem, cujus innocentia probabiliter defendi potest, tam atrocis delicti condemnare. Illud enim idem *Augustino* (quem *Anglorum* Apostolum nonnulli vocarunt, quod fidem Christianam illic penè extinctam restituebat) scripsit vir ille nunquam satis laudatus *Gregorius* primus. Cum (inquit) cognatâ quoque misceri prohibitum est, quia per conjunctionem priorem caro fratris fuerat facta. Pro quâ re etiam *Iohannes Baptista* capite truncatus & sancto martyrio consummatus est. Cui non est dictum ut Christum negaret, & pro Christi confessione occisus est: sed quia Dominus noster *Iesus Christus* dixerat, Ego sum veritas, quia pro veritate *Ioannes* occisus est, videlicet pro Christo sanguinem effudit. Quia verò sunt in *Anglorum* gente, qui, dum adhuc in infidelitate essent, huic nefando conjugio dicuntur admixti, ad fidem venientes admonendi sunt, ut se abstineant, & grave hoc esse peccatum agnoscant, tremendum Dei iudicium timeant, nè, pro carnali delectatione, tormenta interni cruciatus incurrant. Intelligimus hîc virum illum sanctum non aperte pronunciasse separandos illos, qui fratris uxores duxerant priusquam ad fidem conversi sunt, nè fortè tam splendidos

didos *Augustini* conatus hæc prohibitio, propter novitiorum imbecillitatem, impedire posset: sed tamen quàm execrandam putaverit hanc conjunctionem apertè declarat, &, ne in posterum attentetur, solennitè interdicat. Sed utcunque rebus sic stantibus ecclesia profiteatur se supplicium minimè sumpturam ab iis, qui hoc crimine contaminantur, meminerimus tamen divinam vindictam neminem proptereà effugere, quia *Pontificis* indulgentiam ad hoc sit assecutus: sed eos sibi salutique suarum animarum optimè consulere, qui vel tale connubium nunquàm ineunt, aut imperitiâ initum quàm citissimè dissolvunt. Papæ enim, quos ad propositi tui confirmationem adduxisti, tantum ad legatos suos rescripserunt, ne invitos aliquos à fratribus suis separarent, quas antè susceptam *Christi* fidem duxerant: ne (ut suprà dixi) mali multo deterioris periculum quasi accerferent: sed tamen si qui essent, qui disciplinâ Evangelicâ collustrati fratrias antè ductas nunc conscientiae causâ deferere cuperent, hos non modò non impediendos, sed summoperè collaudandos ipsi procul dubio censuerunt.

Sequitur ut dispiciamus, quæ causa tam gravis *Iulium* ad dispensandum cum *Henrici* nuptiis impulerit. Illa enim si tanta fuerit, ut vel reipub. Christianæ diminutionem anteverteret, vel tantos acervos animarum inferni faucibus eriperet, ejus factum facilè defendi posset. Sed si solus metus tam amplæ dotis renumerandæ illum ad hoc moverit, certè potiùs ipse tantum *Anglo* remisisset de tam immensa pecuniarum vi, quantam ex illa natione quo-

quotannis delibaverat, quàm tot annorum reditus perdendi, quot ille jam ab illis temporibus amisit. Nihil dicimus enim de labe, quam inde contraxit illa cathedra, tetriore quàm ulla temporis diuturnitas abluere poterit; nihil de jacturâ tot nationum, quot illud *Henrici* exemplū ditioni *Pontificis* subtraxit. Sed spes duorum potentissimorū regnorū perpetuo pacis vinculo connectendorum, annon hoc evincere potest? At *Christo* jam antea tam *Anglus*, quàm *Hispanus* manus suas dederant, nihil contra ipsius dogma perpetrandum esse noverant, Papam hâc de re tantum percontati sunt, nisi clandestinis aliquot argumentis ejus sanctitatem fortè superaverint: ille, si tantum respondisset, hoc per sacras scripturas fieri non posse, non dubito quin multò firmiores certioresq; foederis continuandi nationes, & illi principes quævisissent, & *Deus* pro summâ clementiâ suâ præbuisset. Neq; verò *Iulius* ipse, quantumcunq; de publicâ Christianorum pace sollicitus atque anxius hoc desperavit, sed & hîc causam planè auream subfuisse vidit, cur illis in amicitiam tam propensis seipsum etiam tertium adjungeret. Amoris igitur atque charitatis hanc foelicem occasionem è manibus sibi elabi passus non est, sed bonum hoc, quia sibi & duobus Regibus commune fuit, mirum in modum vir bonus amplectebatur. Lucrum, lucrum, pietatis & religionis sola pestis, ad nefandum istud scelus eum illexit. Quod luce clarius est, quid conamur tam sollicitè obducere? Si, lumina illa eloquentiæ, *Demoſthenes* & *Marcus* reviviscerent, tam execrandum facinus colorare forsan, sed defendere nullo modo possent. Aestus nescio quis à proposito me paululùm abduxit: sed hîc subsisto. Rationibus iis, quibus Pontificem *Pontificius* propugnare studebat, satis responsum esse videtur. Nunc restat

stat ut partes nostras pro virili confirmemus, & ostendamus hanc *Leviticam* prohibitionem divino & naturali juri convenire, quod cum paucis factum fuerit, perorabimus.

Ac ut vestigia tantò certius figamus, primùm intelligatis velim, me jura illa appellare *divina* atque *naturalia*, quæ *Deus* mandavit non à *Iudeis* tantum, sed ab omnibus suis religiosè observanda. Non enim consuetudine nationum tam commodè describuntur, quàm illorum scientiâ, qui in voluntatis divinæ mysteriis eruendis studium suum uberrimo cum fructu posuerunt. Gentes à Deo defecisse novimus ad idola, verumq; numinis cultum non infinitis magis, quàm stupidis suis inventis contaminasse. Neque mirandum igitur, ob summi ultimique præcepti violationem, si gratiâ ejus destitutæ, tamque densis errorum tenebris circumfusæ fuerint, ut rectum ab iniquo discernere non possent, & τὰ καλὰ σωθήναι καὶ τὸ συμφέρον διακρίνειν quæ appellat philosophus τοῖς ἀπλοῖς καὶ τῇ φύσει καλοῖς faciliè admiscerent, plerumque etiam anteponerent. Hæc nostri *moralia* appellant, & sola è *Mosaicis* perpetua faciunt. Cæremonialia enim *Christi* adventu, tanquàm nubeculas ortu solis, dispulsa atq; dissipata esse dicunt: judicialia non evanuisse penitus, sic tamen manere, ut illis nullâ necessitate astringamur. Hujus rei ratio hæc mihi videtur esse, quia non prorsus naturæ sunt, sed secundum potiùs ab illa locum possident, & civilis tantum utilitatis causâ statuuntur. Sed dixerit quispiam, nonnè naturæ leges violentibus poena etiam naturalitèr debetur? Certè quidem. Hæc tamen est ultio illa divina, non magistratus coercitio. Quapropter ut nemo præcepta naturalia transiliat, quin justo *Dei* judicio (qui naturæ author est) æternam illam

illam inferni pœnam subeat, hæc tamen supplicia corporalia, quæ politiæ gratiâ inducuntur, pro locorum & rerumpub. diversitate vel augeri, vel diminui posse nihil vetat. Illud autem *Leviticum*, interdictum divinum esse nemo negat, qui *Mosis* auctoritatem in controversiam non vocat. Nam illum cælitus mandata illa accepisse, quæ *Israelitis* præscripsit, omnes confitemur: naturæ etiam idem tribuere, vel hoc maximè me cogit, quia qui contrà ejus præscriptum conjunguntur, illo sui connubij effectu privantur, quem *Deus* omnibus constituit maximè naturalem, *Judeis* etiam foelicissimum atque faustissimum. Nam cum hæc maris atque foeminæ coitio propagationem præcipuè spectet, *Judei* etiam in sobolis suæ perpetuitate summam hujus vitæ foelicitatem collocarent, hoc leviri cum fratria connubium tam intestino odio detestatur, tamque ducit execrabile, ut sterile potiùs & infœcundum esse velit, quàm tam funestâ prole vel illorum progeniem augeri, vel ipsius gloriam promoueri. Ecce propaginem, quam *Deus* victu, luce, spiritu indignam putat, *Julius* non solum probavit, sed imperij triplicis hæreditati destinavit.

At interrogas, quorsum tam tragicè factum hoc exaggerem, quod ipse *Deus* eventu, non dico levè, sed justum & honestum esse docuit. Nam ineptè forsan maledictionem illam sterilitatis urgere tibi videmur, cum luce clarius sit, *Henricum* è suis cum *Katharinâ* nuptiis, præter duos liberos, quos mors intempestiva sustulit, *Mariam* etiam procreasse, quæ imperium *Anglicanum* quinque annos plus

plus minùs procuravit. *Deum* falsitatis minimè dicis arguendum, atque igitur si legem illam æquè nobis atque *Iudeis* imperasset, eodem etiam supplicio ejus observationem exegisset. Subtilitèr quidem. Sed intelligendum est legem illam duabus partibus constare, præcepto nimirum, & supplicio præcepti violatoribus inflicto. Præceptum est perpetuum omnesque spectat, tam *Gentes* quam *Iudeos*: supplicium, quia judiciale est, licet nunc non imponatur, ob id tamen præceptum etiam vires suas amisisse nunquàm probaveris. Nam hinc sequeretur, adulteros & filios obstinaces levius nunc delinquere quàm solent, quia mitioribus pœnis coercentur: fures etiam gravius, quia quos *Moses* tantùm restitutione vel servitute repressit, nos capite plectimus. Exod. 22. 1. &c. Scottatorem qui virginem nec desponsam comprimit, iracundiam divinam multò vehementiùs provocare quis non putat, quàm qui jumentum vicino suo subducit? Alterum tamen *Moses* jubebat, eam quam vitiaverat ducere tantùm, vel, patre puellæ hoc non ferente, concinnè dotare, nos ne illud quidem exigimus, sed pœnitentiâ canonicâ castigamus: alterum vel quintuplum restituere, vel si hoc non possit, in servitutem septimalem venundari voluit ille, nos ultimo supplicio perstringimus. Deut. 22. 1. &c. Quamobrem ut externam pœnam, quam *Iudeis* Exod. 22. 3. fratrias suas contrà mandatum suum ducentibus, *Deus Henrico* non intulerit, hoc tamen vel *Iulij* scelus in suadendo, vel Regis illius delictum in contrahendo tales nuptias, nihil prorsus excusat. Multa enim ostendunt legum illarum, quas non solum tempore,

tempore, sed etiam spiritu eodem *Moses Iudeis* imperavit, partem nos adhuc obligare, partem tanquam in aërem evanuisse. Exemplum unum aut alterum sufficiet. *Deus Sabbathi* celebrationem septimo quoque die sic *Iudeis* imposuit, ut in alium aliquem illud obsequium transferre nullo modo possent. Eadem nobis etiam incumbit, sic tamen, ut Ecclesia nostra eisdem momentis se astringi superstitiosum putet. Ille igitur dies (ut nosti) sacris nostris præfigitur, quem illi suæ primum septimanæ semper numerabant. Neq; enim tam in die, quàm in officio quod dies exigit, religionem collocamus. Satis intelligis, quot quamque diversis cæremoniis mysterium paschatis tum continebatur, cum primum à *Deo* fuerit institutum: quarum aliquas ut fortè observaverit *Christus* in ultimâ suâ cœnâ, tamen aliquas eum manifestè neglexisse conspiciamus. Subsequentia verò tempora eandem sacramenti naturam semper retinuerunt, sed externam ejus speciem & singulas ejus recipiendi circumstantias mutarunt penitus, & tanquàm ociosas resecuerunt.

Exod. 12.

Lib. 4. sentent.
dist. 41.
can. 35. q. 5.
c. porro.

cap. 18.

Quid si quis eam duxerit, è qua frater ejus liberos suscepit? an non juris naturalis vincula perrupit? Certè *Bonaventura* asserit & glossographus in tractatum *Gratiani* de consanguinitate & affinitate dicit, *affines uxoris meæ vitandos esse in omni gradu, ut meos consanguineos, & qui aliter dicit, tanquàm Antichristum esse fugiendum*. Et ratio quidem hujus assertionis in ipso illo *Levitico* præcepto traditur apertissima. *Quia nimirum turpitudine fratris tue, fratris tui turpitudine est*. Vndè constat, non levius hîc esse delictum, quàm si cum consanguinea, quæ

quæ eodem, quo frater gradu me spectat, id est, sorore mea, copulari studeam. Quid ergo, si sine liberis mortuus sit frater? num sterilitas efficiet, quo minus natura violetur? Imò verò affinitas ipso conjugio contracta est viro cum uxoris, & uxori cum viri consanguineis. Quæ igitur nuptiis, vel ipso potius consensu primum coaluit, illa à sterilitatis vel fœcunditatis non futuro solum, sed incerto etiam eventu minimè dependet. Et ut nihil interest, multos an paucos liberos illa enixa sit, sic neque refert, aliquos an nullos. Affinitas enim soluto matrimonio durat, liberi sive sint, sive non sint, & nullâ temporis diuturnitate aboletur.

l. 5. de con-
dict. sine cau.

At dixerit aliquis, quomodo igitur Dialectici verè dicunt, *relatorum eundem esse ut ortum, sic etiam interitum*? Frater quis fratris sui morte esse desinit: quapropter quidni fratria etiam illa desinat esse tum, cum ille jam amplius frater non sit, per quem illa fratria fiebat? Huic, quisquis est, accommodatè respondet *Dionysius Carthusianus*. *Relata* (inquit) *desinunt esse dupliciter, primò ex corruptione subjecti, secundo ex subtractione suæ causæ. Nam fratrem meum cum uxore suâ conjunctum fuisse perpetuum est, nec aliter se habere potest. Quapropter & affinitas contracta nunquam desinit esse ex subtractione causæ.* Et licet mutuus intuitus, qui causæ efficienti cum suo effecto intercedit, tum incipiat, cum effectum progignatur, & alterutrius etiam interitu deleatur: tamen neque illud quod causa est alicujus effecti, ante effectum extitisse, nec effectum post causam extinctam superesse quicquam impedit. Ut igitur quis frater meus esse potest, priusquam conjugio suo

lib. 4. sentent.
dist. 41.

suo fratriam aliquam mihi faciat : sic si postquam hoc fecerit moriatur, effectum tamen hoc conjugij sui nihilominus durat, & quæ fratria inde mihi fiebat, ad ultimum vitæ spiritum fratria permanet.

Quòd si quisquam hîc ex illo *Deuteronomico* mandato divinam voluntatem nobis objiciat, atque quòd *Dominus* manifestam distinctionem adhibuerit inter eas, quarum altera fratri nostro peperit, altera penitus infœcunda est, indè disputet à nobis confundi non debere: satis illi jam antea respondimus, cum ostenderemus hæc duo præcepta sic accipienda esse, ut alterum sit divinum, sed caducum, & Iudæis solis imperatum, alterum non divinum tantum, sed etiam naturale, perpetuum, nullisque locorum, vel temporum limitibus circumscriptum. Argumentum hoc multò commodius in eum retorqueri posse putamus, & ideo concludendum, hanc legem *Deuteronomicam* minimè naturalem esse, quòd à sterilitate profluxerit. Nam cum sterilitas efficiat, ut affinem meam licitè possim ducere, quam fœcundam non possem: tùm certè tenendum est, vel affinitatem matrimonium levius impedire quàm consanguinitatem, vel saltem sterilitatem affinitatis jus suâ naturâ perimere. Illud omnes omnium temporum *Doctores*, tam nostri quàm vestri, detestantur & exhorrent: hoc verum esse non potest, quia non fœcunditas, sed conjugium affinitatem primò coagmentavit. Ex his ergò quòd appareat, affinitate adhuc persistente, quam omnes fatentur suâ naturâ conjugium prohibere, levirum potuisse fratriam sterilem conjugio sibi copulare: certè

certè meritò dixerimus tùm aliquid præter naturam *Dominum* imperasse, cùm *Iudeis* hanc legem præscriberet. Neque hoc quidem mirum illis esse debet, qui norunt eum naturæ esse *Dominum*, naturamq; ab illo, non illum à naturâ dependere.

Geometræ dicunt, quæcunque uni & eidem sunt æqualia, illa sibi invicem esse æqualia. Et nos conversim dixerimus, quæ sunt sibi invicem æqualia, cuicunque eorum unum æquale vel inæquale est, eidem & alterum esse æquale vel inæquale. Quamobrem cùm leviri atque fratriæ conjugium fratris sororisque conjunctioni semper æquale fuisse, non solum ex illo ipso *Levitici* mandato, sed etiam ecclesiæ testimonio suprà probaverimus: hoc si juri naturali congruat, congruet & illud: hoc si repugnet, & illud necessario repugnabit. Primum autem gradum consanguineorû transversalium (sicuti fratris & sororis) à connubio naturam ipsam prohibere licet nonnulli negaverint, prævaluit tamen eorum autoritas, qui defendunt. Hocq; non solum vir ille doctissimus *Covarruvias*, *Divi Augustini* plurimorumq; aliorum testimonio confirmat: sed etiam pater ille *Robertus* cum publico (ni fallar) applausu, suos auditores palàm *Romæ* docuit.

Euclid. I. cō.
sentē.

Parte 2. suæ
epit. cap. 6.
par. 10. nu. 5.
Bellar. cap. de
sacr. matrim.

Nùm expectatis dum ista clariùs illustrentur? Si quis tam hebeti sit ingenio, ut meridianum solem serenissimo cœlo lucere dubitet, vel tam moroso, ut cùm lucere videat, non hoc fateatur: tamen ab ipsis ethnicis consulo ut discar, in rebus obscuris audaciæ timorem antepondere. *Paulus* jurisconsultus, à nuptijs, quæ difficultatem aliquam habent, certius & modestius abstinere putat. Neque enim vestrum studium tantâ despicientiâ contemptioneq; refugimus, quin nostro nonnunquam

L. 14. par. 3.
de ritu nup.

duxerimus admiscendum. Facile hîc intelligimus quantæ sint pecuniarum vires, quæ non Christianos solum, sed rei Christianæ præfectos atq; ductores hâc clarâ Evangelij luce præcipites in eas syrtes conjiciunt, quas pagani in atrâ tot errorum nocte tam facile declinârunt.

Nunquàm satis mirari possum, quo furo illam suam indulgentiam *Iulius* obduxerit, ut hominem, quantumcunq; ejus potestati deditum, eâdem tam graviter eludere posset. Existimatisne scitum *Deuteronomij*, quod his conatibus prætexuit, ad hoc sufficere? At si illud rectè perpendamus, inveniemus jubere fratrem, ut fratri suo, non sibi, semen suscitet. Hoccinè quæsit *Henricus*, ut *Arthuro* sine liberis defuncto debitum hoc persolveret, an potius ut ex conjugē suâ sibi hæredes gigneret? Portenta sunt hæc. *Deus* ad externum tribuum atque familiarum incrementum, in quo *Judei* quasi apicem suæ felicitatis collocârunt, hoc eorum imbecillitati præter legem naturæ elargitus est, ut frater fratris demortui defectus hîc supplere posset, & prolem re verâ suam, quâdam quasi juris fictione non suam, sed fratris efficere: quapropter Papa *Henrico* vult esse author, ut fratris sui sine liberis mortui viduam in matrimonium acciperet, non ut illi, sed sibi liberos procrearet. Hoccinè lex illa fert? si non, quorsùm tùm *Iulius* ejus æquitatem hîc prætendit? vel quorsùm non quemlibet alium fratrem eodem modo ducere permittit, quæ vel numerosissimam fratri suo prolem peperit? Licet enim *Katharina* liberos *Arthuro* nullos eduxisset, dùm tamen *Henricus* non fratri sed sibi hæredes meditaretur, pessimè fecit Pontifex, qui legis divinæ speciem tam impijs suis designationibus obtenderet.

Finem

Finem aliquem in singulis suis præceptis natura sibi proposuit, & agendo quod illa jubet, ni ad metam etiam colliniemus ab eâ constitutam, graviter delinquimus. Atque igitur ut cum jure naturali conveniret *Mosaicum* illud, quo fratriam accipere jubet, nisi tamen eodem consilio accipiamus, quo ipse jubet, multò melius eam relinqueremus. Quorsum autem ducenda sit fratris uxor, non solum ipse legislator apertis verbis expressit: sed etiam *Rabini* & *Talmudistæ* rectè interpretantur, cùm dicant illud decretum fratrem cogere ad unicum tantum filium fratri suo suscitandum, atque, hoc facto, fratriam non amplius uxoris, sed affinis tantum loco reputandam. Hanc suorum interpretum opinionem *Judei* omnes ubicunq; dissipantur (si vera sunt quæ nos audivimus) nunc etiam sequuntur & observât.

Pepinus in
cap. 38. Gen.

Cùm *Moses* fratriam ducere præciperet, eam propiorem nobis supponit, quam re verâ est. Nam me eandem personam cum fratre meo, & eam eodem loco, quo fratri meo vivo fuerat, mihi nunc esse simulat, uxorem scilicet, quæ affinis tantum est, idq; ut quod ego facio, fratri meo, cujus vices gero, imputetur. At *Iulius* remotiorem *Katharinam* ab *Henrico* finxit, quàm fuerat, quæq; primo affinitatis gradu cum illo conglutinabatur, affinem dissimulabat, idq; ut suis, non *Arthur*i liberis operam daret. Quamobrem non solum Pontifex impiè fecit, cùm hanc indulgentiam suam tam specioso *Mosis* exemplo coloraret; sed & tantæ tamq; insignis nequitiae defensores, si imperitiâ peccent, aniliter delirant, si adulandi proposito, malitiosè prævaricantur.

Sed hanc *Leviticam* prohibitionem à naturali jure derivari nihil mihi vehementius persuadet, quàm perpetua constansq; Ecclesie nostræ consuetudo. Nam il-

lam si à primis ejus incunabulis usq; hodiernum diem deduxeris, hanc leviri fratriæq; conjunctionem semper exosam fuisse reperiēs. Ità ut semel aut iterū in illis nationibus ad hoc Pontifices conniverent, quæ recentè in ovile congregatæ sunt, sicq; se ante conversionem suam miscuissent: qui verò vel in Christianis adultis, vel adhuc etiam inchoatis saltem post ingressum suum tale aliquid ferret, nemo omnium ante *Iulium* extiterit. Nullosnè existimabimus tot sæculis fuisse inventos, qui hoc à Pontifice aliquo flagitarunt? At tūc, quid ni multò fortius concludamus hanc legem omnium animis sic à naturā insculptam atq; insitam, ut eam nullā indulgentiā, nullo privilegio mitigari posse crederent? Fuerunt aliqui, qui patres ecclesiæ hāc de re consuluerunt, à quibus si intellexissent, impunitatem à Papā concessam satis hīc esse posse ad iracundiam *Dei* leniendam: non dubito, quin vim exemplorum, quibus nunc tantum egent, hujus disciplinæ propugnatores in libros suos coacervassent. Sed reliquorum, qui tam enormi cupiditate prurierunt, successus conijcere licet ex illā epistolā *Basilij* magni ad *Diodorum* episcopum, quā certior eum fecit se vidisse literas quasdam illius nomine conscriptas, quas tamen ab eo profectas minimè credidit: quòd scilicet earum author, quisquis erat, asseruisset hominem uxoris suæ demortuæ sororem posse ducere, cujusmodi nuptias *Basilius* antea non solum nefandas atq; dirimendas pronunciaverat, sed & à sacris exterminatione castigandas, donec qui in illas irruissent, ad meliorem frugem se reciperent. Fusior est epistola, quàm ut singula, quæ ad propositi sui confirmationem vir ille sanctus affert, à nobis repeti possint. Vobis si libeat eam percensere, non dubito, quin fructus inde perceptos operā

Epistola. 16.

operâ vestrâ dignos putaveritis. Nemo tam stupidus & excors est, ut virum tam prudentem, tam pi-um, tam mitem credat illarum legum violationem tam acriter punire voluisse, quas humanas tantum & Magistratus arbitrio obnoxias esse judicaret. Ecclesia enim, cujus suavitatem & modestiam omnes ecclesiastici suis moribus adumbrare debent, nunquam magna sævit, nisi in eos, quos ab omni spe jam derelictos existimat, & in deteriora scelera præcipitados, quàm quæ vel difficillimâ pœnitentiâ deleri possint.

Sed unius judicium fortè vobis non satisfacit. Quapropter huic etiam, si volueritis, ascribite Divum *Augustinum*, quo teste, *Prohibitio illa de non ducendâ uxore fratris, & cetera omnia quæ in 18. capite Levitici prohibentur, debent, sine dubio, tempore novi Testamenti (remotâ veterum umbrarum observatione) custodiri.* Quibus verbis vir ille sanctus optimè sibi constat, qui (ut suprâ audistis) legem eam *Deuteronomicam* de semine fratri suscitando, veterem umbram ejus seminis fuisse dixit, quod Evangelij prædicatores fratri nostro majori *Iesu Christo* suâ industriâ culturâque producant. Idem etiam cùm in præfatione libri, quem *Speculum* inscripsit, profiteatur se selecturum esse omnia veteris Testamenti præcepta, quæ aliquid jubent vel vetant etiam tempore novi testamenti ad vitam pi-
am exercendam, moresq; pertinentia; *Leviticum* illud de fratriâ non ducendâ reliquis ejusdem naturæ annumerat, illud *Deuteromicum*, quod ducere jubet, ut jam antiquatum & obsoletum omninò prætermittit.

Possem plures adjicere, eosq; non contemnendæ auctoritatis viros, qui in hanc Divorum *Basilij* & *Augustini* sententiam jampridem pedibus iverunt : sed vos

q. 64. super
Levit.

Speculum.

Cap. 61.

Cap. 2. num. 2.

Cap. 10.

Cap. 17.

fortasse non tam singulorum judicia, quam conspirantia plurium suffragia permovebunt. Malo igitur vobis in memoriam redigere concilium illud celeberrimum è novemdecem reverendis episcopis temporibus *Constantini* magni conflatum, qui unico consensu sanxerunt, *eum, qui quis (eorum saltè jurisdictioni subditus) post obitum uxoris sue sororem ejus duceret, quinquennium à communione abstinere: nisi forte velocius dari pacem necessitas coegerit infirmitatis.* Huic adjungere etiam possumus concilium *Aurelianum* primum è 33. clarissimis præsulibus conflatum, qui vetuerunt *superstitem fratrem thorum defuncti fratris ascendere, & etiam quenquam se amissæ uxoris sorori sociare, eumq, qui hoc faceret ecclesiasticâ districtione feriendum.* Sed dixerit quispiam, has synodos provinciales, ut aliquam auctoritatem habeant propter eorum præsulum sanctimoniam qui eisdem interfuerunt, tantum interdicare tamen talia conjugia & anathematis notâ ad tempus premere, non conglutinata dirimere. Hi concilium *Aurelianum* tertium adeant, & illic intelligent, *In futurum, quod de incestis conjunctionibus in anterioribus canonibus interdictum est, observandum esse. i. ut ne quis sub conjugij nomine sociare præsumat relictam patris, filiam uxoris, relictam fratris, sororem uxoris, &c. Quod si qui in hoc incesto adulterio potius quàm conjugio fuerint sociati, quamdiu se non sequestraverint, à communione ecclesiasticâ repellantur.* Cum hoc conjungite synodû *Arelatensem* sub *Charolo* magno congregatam. De incestis conjunctionibus (inquiunt illi gravissimi Pontifices) sicut à sanctis patribus institutum est, nihil prorsus veniæ reservamus, nisi cum adulterium separatione sanaverint; Incestos verò nullo conjugij nomine deputandos, quos etiâ

desig-

designare funestū est, hos esse censemus, si quis reliet am fratris, quæ penè prius soror extiterat, carnali conjunctione violaverit, &c. Hæc omnia deniq; synodo Moguntinâ terminabimus, cuius sententiâ, *Si quis duas sorores duxerit, vel si quæ duobus fratribus nupserit, seu cum patre & filio, item si quis reliet am fratris, quæ penè soror extiterat, carnali commixtione violaverit &c. distringuntur, & ulterius nunquam conjugio copulantur, sed sub magna districtione sunt.* Istis acquiesco, non quòd plura adferre non possim, sed partim quia hæc in re manifesta nimis multa videntur esse, partim quia reliqua à viris illis doctissimis percensentur, qui *Iulium* pridem in hâc causa perculerunt.

Aliquis fortassis hîc objiceret præcipuorū celeberrimorumq; illorū totius ecclesiæ conciliorum sanctiones sicco pede hæc præterijisse, & ex obscurioribus quibusdam conventiculis illud avidè me corrosisse, quòd tam afflictam causam quantulūcunq; recreare possint. Sed tu, *Pontificie*, pro summa tua lectione, non ignoras illa prorsus hac de controversia nihil loqui. Neq; enim mirum, quòd apertior res est, quàm ut tam solennē descisionem exposcat. Non dubito alicubi repertos esse nonnullos, qui in hoc tam nefandum scelus se ingurgitare minimè reformidarent. Nihil enim est tam flagitiosum, in quo aliquis non delinquit. Episcopi igitur in suis synodis provincialibus, ut tam horrendo flagitio occurrerent, nunquam disceptandum censuerunt, hoc an crimen esset (neq; enim aliqua hîc mediocris causa dubitandi fuit) sed potiùs cuius supplicij metus homines audaces & impuros à tãta turpitudine detertere posset.

Quid igitur est amplius, quòd ad hujus consuetudinis fidē desideratis? Omnia quæcunq; congregata sunt concilia, vel judicia sua hâc de re tacuerunt, vel à nobis protulerunt. Patres ecclesiæ tam prisca quàm re-

Loco supra
recitato.

centes, hanc disciplinam nostram strenuè defendunt: nemo est omnium illorum, quorum auctoritatem vestro errori prætexitis, qui leviri fratriæque conjugum flagitiosum non existimavit. *Gregorius* ille magnus, in cujus humeros, velit, nolit, maximam hujus oneris partem conjicitis, nefandum peccatum, grave, & tremendo *Dei* judicio obnoxium esse dicit. Quapropter ut *Augustinum* hujusmodi nuptias inter *Anglos* ante ipsorum ad *Christum* conversionem initas dirimere non jusserit, monere tamen voluit, ut ab hujusmodi conjunctionibus ipsi recederent, nec (ut ipsius utar verbis) *Pro carnali delectatione tormenta aeterni cruciatus incurrant*. At frigidus orator esset, qui hoc modo lupanaria publica defendere non posset. Pontifex ea *Rome* in vico unico tolerat ac permittit: num ergò scorta illa, quæ tam lutulentam vitam insectantur, non peccant? Quorsùm ab ecclesiæ septis exterminantur? quorsùm tam assiduus sanctissimorum hominum è medio vico concionibus monentur eam impuritatem relinquere, rationemque vitæ honestiorem aliquam circumspicere? Nemo sic unquam disputavit: Prostibula *Rome* sunt, ubi bonâ cum Pontificis veniâ mulieres artem meretriciam liberè exercent. Ergò benè vel saltem non malè agunt, quæ sic victum quæritant. Quæ autem majores sunt hujus vestri argumenti vires? *Gregorius* in *Anglis* hoc vitio, cum jam infideles essent, irretitis, postquam ad *Christum* converterentur, leviorum, fratriarumque conjugia pro imperio suo dissolvere noluit, sed tantùm illos sedulò admonitos esse cupijt, ut ipsi suâ sponte quamprimum vindictam divinam huic sceleri debitam & imminentem subterfugerent, & hunc jumentorum potius, quàm hominum coitum

coitum cum sanctiori conjunctione cōmutarent. Ergò hoc connubij genus *Deum* (saltem *Pontifice* dispensante) minimè offensum reddit. Tuum acumen, *Pontificie*, multis modis exploratum jam dudum habui. Quapropter utcumque modesta (non enim demissam dicam) humilitas *Pontificum* auctoritati te astrictum hactenus tenuerit, acerrimumque tuum ingenium in defensione potius, quàm examinatione suorum scitorum exercere fecerit : non dubito tamen quin quemadmodum per hanc transennam oculi tui lucem minimè speratam persentiscunt, sic discendi aviditas, quæ plurimum semper in te viguit, amorem rationis multò vehementiorem in animo tuo deinceps excitaverit. Vestræ sectæ homines in voce *Pontificis* non minus quàm ethnici in *Apollinis* oraculo conquiescere soletis : illum nunquàm à recto veritatis tramite deflectere posse mordicis tenetis, singula quæ loquitur, *Deum* ipsum spirare defenditis : sed nobis ut hæresis semper visa est à bonis paparum præceptis recedere, quòd eorum vitio aliquo nonnunquàm offendamur : sic è contrà summa stultitia ad vitia quoque eorum accedere, quorum aliquo bono præcepto ducimur.

Obliviscere *Iulium* tam solutam nuptiarum libertatem *Henrico* concessisse : metum omnem tam sublimis auctoritatis depone : finge aliquem mediæ fortunæ hominem limen tuum accedere, ut tuam de huiusmodi conjugio sententiam imploret. Quòd aliàs sedulò facis, nonne te converteres ad caput illud *Levitici*, de quo tot verba jam fecimus, & ejus circumstantias pro rei magnitudine perpenderes ? Faceres profectò, ac primò omnium majestatem illorum verborum considerares, *Ego Dominus Deus vester*,

Cap. 18.

vers. 2, 4, 5.

vester, hincque conjiceret non vulgare aut quotidianum esse, quod Deus instituit: sed cum iterum eadem atque tertio geminari perspiceret, priusquam ad illud perveniat, quod *Israelitis* est imperaturus, augustum, sanctum atque stupendum aliquod numen illuc meditari judicaret. Pergendo denique, quæ ibi mandantur pervolvendo, & demum etiam incidendo in *Ego Dominus*, videtur sanè pertimescendum, ne horrore perfusus totis artubus contremisceret. Sed pessimè ferres, procul dubio, mentem cujusquam à libidine sic occupari & obsideri, ut rei tam execrabili colorem aliquem honestatis adhærescere posse speraret. Quid tandem, cum *Aegyptiorum*, quod hoc flagitio contaminati essent, magnam partem miserrimis truculentissimisque suppliciis primum exhaustam, deinceps exercitum undis marinis obsoptum, populum *Cananæum* vel cæsum funditusque extinctum, vel è terrâ, quam incolebant, fertilissimâ beatissimâque præcipitatum fuisse cogitares? Nonnè clientem tuum quantumcunque amore æstuantem & inflammatum cohibere motus suos hortareris, & omnem tam funestæ conjunctionis spem penitus abjicere? Annuis. At tùm certè tam angusti pectoris esse non debes, ut, quod suâ naturâ iniquum est, illud vocem Pontificis æquum facere posse somnies. Sic enim Papa diceret, *Ego Dominus*, & revera *Dominum* dominorum sibi ipsi postponeret, cujus generalis in terris vicarius tantum haberi capit.

Nihil dicunt, qui, ad tegendum *Iulij* dedecus, *Katharinam* ab *Arthuro* penitus intactam fuisse prædicant. Nam ejus diploma *Henricum* eam (licet fortè cognitam) ducere permittit. Quod quanquam tam
largiter

verf. 27.
& 30.

verf. 3.

verf. 37.

largitè Pontifex non concessisset, jejunam tamen eorum defensionem esse docebimus, qui *Katharinam* virginem *Henrico* traditam esse contendunt. *Nam ut nuptias consensus, non concubitus facit*: sic & omnia inducit, quæ è nuptiarum jure consequuntur. Quapropter vir foeminae in domum suam deductæ, licet adhuc carnalitè non cognitæ, donat quidem inutilitè, quia uxori dare intelligitur, quod leges vetant. Etiam quæ nupsit cuiquam, licet adhuc virgo sit, cùm vir moriatur, & dotem, & de dote actionem habere potest. Præterea jura tam divina quàm humana viri sui vendicat. Nam familiam suam mutando, & sepulchri, & privilegij cujuscunque particeps fit, quod ad virum suum pertinet. Denique, si quis absens per procuratorem suum aliquam uxorem duxerit, & antè reditum mortem obeat, illa quidem non minùs anno luctus astringitur, quàm si viri sui consortio jam diu gavisa fuisset. Hæc tamen Canonistas multos nihil movent, quò minùs affinitatem viro cum uxoris, aut uxori cum viri sui consanguineis antè seminum commistionem contractam esse negent. Ratio, si quid ego judicare possum, contrarium planè suadet. Nam affinitas verà è nuptiis procul dubio coalescit. Nuptias autem, ut diximus, non copula sine consensu, sed consensus sine copula facit. Quòd verò dixerit aliquis, canones non permittere, ut quis aliquam accipiat uxorem, cujus consanguineam antea compressit, idque quia jam per coitum affinitas inita sit: respondemus hoc fieri fictione juris, & ab homine ad publicam honestatem, non à Deo ad naturæ normam esse constitutum? Siquidem nullum tale præceptū sacrae scripturæ usquā cõtineant.

Atque

l. 30. de reg. jur.

l. 6. C. de do. int. vi. & ux.

l. 7. de rit. nup.

l. 1. cod.

l. 6. cod.

cap. 5. extra de eo qui cog. con. uxo. suad.

Panor. iuxta
Hostiens in c.
fraternitati
extra cod.

Atque hoc in causa est, cur egò potius viris doctissimis assentiar, qui contrarias partes tuentur, dicuntque copulam illicitè præcedentem affinitatem non efficere. Nam rationis præsidio non contemnendo sententiam suam munire videntur. Quia si coitus affinitatem dijudicet, tum vel sola seminis immisio hoc facit, vel etiam commistio requiritur. Si sola immisio sufficiat, tum coitus Zodomiticus æquè atque ordinarius affinitatem procrearet; quod omnes negant. Si commistio etiam accedere debeat, tum affinitas, nisi genitâ prole, nunquàm esse intelligitur. Quia spermata permisceri nemo dixerit, donec hoc soboles demonstret. Huiusmodi verò iudicium quàm incertum primò atque dubium, quàmque etiam fraudi obnoxium, nemo non videt.

Lib. 4. sentent.
distinct. 41.

Sed ut istas *Pontificiorum* altercationes paulò sordidiores relinquamus, ipsum præceptum *Leviticum* distinctionem in coitu minimè constituit. Nam turpitudinem fratriæ nostræ detegere illic prohibemur, quæ verba oculos, non tactum respiciunt. *Cham* ille maledictus, quòd in pudenda genitoris sui cum delectatione aliquâ oculos conjiceret, nosti quantam ærumnarû vim tum in se tum in posteros suos congesse-
rit. Quid futurum putassemus, si contrectasset manibus suis, aut foediore aliquâ contumeliâ patrem suum affecisset? Non omittendum est illud, quod dicit peritissimus *Durandus*, *Sponsalia*, scilicet, *quiddam affinitati simile contrahere, tantumque ab affinitate distinctum, quantum ipsa differunt à matrimonio*. In sponsalibus nihil est, quod cum coitu comparari potest. Atque igitur si ejus sententiam sequi voluerimus, coitus in affinitatis coagmentatione locum non

non habet. Possem hic medicorum cohortes contrà
vestræ disciplinæ defensores educere. Sed nescio quo
modo licet *sint omnia munda mundis*, verborum so-
nitum, quibus eos necessitas uti cogit, & refugit lin-
gua mea, & aures vestræ respuerent, procul dubio,
repudiarentque. Hæc igitur cum propositum nostrum
satis corroborârint, nosque multò effusiores, quàm
pro re tam apertâ, fuisse videamur, hîc vela contra-
hemus, & in gratiam cum amantissimo *Pontificio* no-
stro redibimus.

Arg ad Rom.
14. vers. 2.

Post aliquod intermissum silentium, dixit *Histori-
ographus*: Prudenter fecisti, *Theologe*, qui unâ fideiâ
duos dealbasti parietes. Hoc tuum acumen non me
solùm à viribus subtilissimi disputatoris protexit; sed
hos etiam *Anglos* maximo tibi devinxit beneficio,
quòd *ELIZABETHÆ* suæ natales tam pul-
chrè propugnaveris, & à labe, quam nos Catholici
tetriorem putavimus, quàm ut ullâ temporis diutur-
nitate deleri posset, unicâ ferè horâ perpurgaveris.
Hæc in principes officia mihi multùm placent, tam
justa præsertim, atque his temporibus necessaria, quæ
nulli dignitati, nulli ferè innocentiae parcut. Op-
tarem ergò, si non minori cum fide hoc fieri posset,
non solùm illam consanguinitatis suspensionem, quam
Henrico cum *Anna Bolena Sanderus* intercessisse
criminatur, tolli, sed etiam vitam *ELIZABETHÆ*,
quæ tot annos tam illustrem magnificumque popu-
lum fœmina rexit, ab illâ tùm luxuriæ & impudici-
tiæ, tum erga *Pontificem* & *Hispanum* injuriæ notâ
liberari. Sed vox populi, vox *Dei* est: & omnium do-
ctissimorum hominum, quibus *Anglia* nunc florere
dicitur, nemo est, qui hanc defensionem unquam au-
sus

sus est in se suscipere, sed omnes suâ taciturnitate culpam aliquam agnoscunt majorem, quàm ut scriptis depelli possit : atque igitur tantâ cum integritate hoc quenquam præstiturum esse magis omnes suspicantur, & si hoc vestrum quisquam pro suâ observantiâ cuperet, tempore tamen excluditur. Faciamus unum aut alterum passum, & fortasse mensa nobis extruetur. Hæc dixit, & nos veniam petentes, quòd aliàs invitaremur, non dimisit, priusquam reciperemus nos postero die ad prandium esse reversuros.

Finis primi Dialogi.

DIALOGVS II.

III



Ostero die redivimus ad prandium, ubi quidem lautè splendideq̃, multò familiariùs tamen quàm pro usitato fastu hujus civitatis excepti sumus. Mensis sublati, & aliquo tempore in sermonibus festivioribus posito, surreximus, & ab *Historico* ducti, in porticum denuò nos contulimus. Illuc non citiùs intraveramus, quàm *Sanderi* de *schismate Anglicano* librum, de industria (ut videbatur) cum duobus tribusvè aliis illic repositum in manus sumpserit, & locum istum illinc recitaverit. *Erat Anna Bole-* Prg. 14.
na uxoris Thomæ Boleni equitis aurati filia: uxoris dico, nam ipsius Thomæ Boleni filia esse non poterat, propterea quòd illo in Francia legatum agente, & biennium ibi commorante, Anna Bolena interim domi concepta est & nata. Cum enim Rex Henricus Thomæ Boleni uxorem adamaret, ut eà liberiùs frueretur, virum sub specie honoris in Franciam ablegavit. Interim Anna Bolena domi concipitur, & nascitur. Thomas autem Bolenus post biennium è Franciâ rediens cum uxorem suam peperisse filiam vidisset, ulcisciendi hujus adulterij cupidus uxore apud Archiepiscopi Cantuariensis delegatos Iudices in jus vocatâ repudiare in animo habuit. Uxor hujus rei certiozem reddit Henricum Regem. Is Marchionē Dorcestriæ ad Thomam Bolenum mittit cum ijs mandatis, ut abstineret à lite, oodonaret uxori, eamq̃ iterum in gratiâ reciperet. Bolenus quan-
quàm

quàm à Regis irâ sibi timendum videret, tamen prius mandatis ejus non paruit, quàm ab uxore audisset ipsam à Rege sollicitatam fuisse, nec Annam Bolenam alterius quàm Regis Henrici filiam esse. Proindè ingenua procumbens rogabat virum, ut sibi parceret, de cetero se fidelem ei conjugem futuram. Quod ipsum cum Marchio Dorcestriæ, aliq, viri primarij tam suo quàm Regis nomine peterent, Thomas uxori conciliatus Annam Bolenam filia loco educat.

Hunc locum cum percurrisset, quid dicitis, viri Britannici (inquit) hæccinè vera esse confitemini? Tam vera, respondit *Politicus*, (Nam alterum nostratum sic, alterum *Iuriconsultum* distinctionis causa nominamus) quàm quæ nullam fidem merentur. Non jam primum impudentissimum hunc libellum vidimus, legimus eum & relegimus, pluribusque mendaciis quàm paginis (penè dixissem, quàm lineis) eum scatere, non dubito, quin aliquis *Anglus* multo antehac universo terrarum orbi probavisset, nisi quòd libri istiusmodi parcius & furtim apud nos invehantur, inveci autem in hominum lue Pontificiâ infectorum manibus lateant, lucem publicam nusquam aspiciant. Nec tamen tam clandestinè istos illuc irrepere fatemur, ut consiliariorum oculos vigilantissimos evadant. Sed ij cum eos Regina monstrent, petantque si cupiat tam obscœnis calumniis responsionem aliquam adhiberi, semper illa quidem majores angustioresque gessit spiritus, vel synceriori potius innocentiae tum parentum, tum suæ testimonio freta est, quàm ut verbum illis fieri pateretur. Pontificem enim & Sacrificulos infestiores duxit, quàm
ut

ut defensioni cuiquam quamvis iustissimæ acquiescerent: principes verò nobilesq; exteros, & omnes in papissimum non juratos semper prudentiores æquioresq; existimavit, quàm ut tam incredilibus, tam inauditis, tam absurdis mendacijs fidem vel minimam adhiberent.

Statim *Historicus*: Nos testes sumus hesternorum horum doctissimorum hominum sermoni te multum debere; tu ipse (ni fallar) principis vestræ, quæ *Anna Bolena* filia est, existimationem tanto apud nos discrimine relinquendam minimè ducis. Licet igitur nos nihil moneamus, commune tamen subditorum officium hoc intelligis exigere, ut tum utrumque parentem, tum ipsam à tam tetrâ infamiæ notâ, modò si possis, liberares atq; vindices. Tantum abest, (subdit *Politicus*) ut subterfugiam hoc onus, licet grave mihi nimis, & ponderosum, ut illud subire penitus gestirem, nisi inter perorandum extimescerem me, per linguæ vestræ imperitiam, quæ mihi minimè nativa est, risum potius vobis esse commoturum, quàm veritatem tam seriò, quàm res tanti momenti flagitat, persuasurum. Imò quidem (inquit *Historiographus*) nihil est hîc quod subverearis. Sic loqueris Italicè, ut nisi te *Anglum* prodidisses, nos ex sermone *Florentinum*, aut ex aliquâ aliâ *Thusciæ* civitate oriundum coniecissimus. Sed quia nemo nisi diturno exercitio linguæ cujusquam singulos apices sic adipiscitur, quin in longiore sermone plerûq; labatur, si id tibi fortè contigerit, nos facillè feremus, & omnia te rectè dicere putabimus, quæ ingenuè, verèque dixeris. Paululùm respiravit *Politicus*, & in hunc modum exorditur.

HENRICVM Annam Bolenam primò genuisse, deinceps nuptijs maturam conjugio sibi

Politicus.

H I

copu-

copulasse, *Sanderus* affirmat. Scelus equidem truculentum, atque facinus ut inter homines Christianos inauditum, sic ullâ subsequenti vitæ sanctimoniâ vix expiandum. Divinam iracundiam fornicatio multum provocat, adulterium incendit, incestus planè inflamat. Omnium autem incestuum hic flagitiosissimus est, & à communi naturâ tantum abhorrens, ut non homines solum, sed & ipsa bruta parentum sobolisque coitum maximâ semper intestinâque detestatione fugisse philosophi scribant. Qui igitur tam atrox maleficio, tamq; portentosam nequitiam cuiquam affigere cupit, ineptissimus quidem est atque vecors, si satis existimet hoc verbis tantum asserere, levioribusve conjecturis inducere. Vitium hoc quò immanius & horrendius est, tantò rarius existit, atq; igitur vulgus ipsum haud facile credit, sapientiores nûquam sibi persuadent, eo vel improbissimū aliquem infici, quem argumentis ipsa luce clarioribus perstringi non sentiunt.

Henricus autem iste quis fuit? nûm de sæce hominum? nûm vetus sector aliquis aut gladiator? nûm moribus ita ferus atq; barbarus, ut hominum de se opinionem contemneret? nûm in omne nefas sic projectus, ut futuri iudicii cogitationem deposuisset, aut scelerum suorum conscientiam spem æternæ vitæ profligasset? Imò sanè *Henricus* parentibus natus est ijs, quorum cum alter certissimum jus ad imperium *Anglicanum* omnium confessione haberet, uter tamen justiori titulo idem vendicaret, multi gravissimè disceptarunt, nullus sic definivit, ut rem extra controversiam reliquerit. Patre fuit *Lancastrensis*, matre *Eboracensis* familiæ principe & hærede: quæ duæ diadema *Britannicum* acriter contentione, varijsq; successibus multos annos ambierunt.

bierunt. Quapropter *Deus est in utroq³ parente*, Genitor ejus *Henricus* septimus, *Rex fuit virtute, fortunâ, gloriâ, rebusq³ gestis clarissimus*; *Elizabetha* mater, *Edvardi* quarti filia, foemina modestiæ, pietatis, religionis commendatione nulli secunda. Ipse non solum corporis dignitate præstabat, sed ab optimis institutus præceptoribus, eruditione bonisq³ artibus sic profecit, ut cum *Martino Luthero* de religionis veritate congregari non dubitaret, & inde *fidei Defensoris* honorificam appellationem sibi suisq³ in regno *Anglico* successoribus à Pontifice tributam assecutus fuerit.

Hoc autem cum decimo quarto anno Regni sui contingeret, multum ante *Katharinam* repudiatam temporis interfluxit, ita ut istis virtutum initijs licet perpulchris nihil obstantibus, per multa facinorosa ad illud filiae suæ ducendæ scelus omnium nefandissimum sensim & pedetentim labi posset. Siccine? Usque annum decimum nonum sui regni sic in Ecclesiæ defensione permansit, ut quam prius doctrinâ & ingenio, nunc opibus atque gladio protegeret. Cum *Gallo* enim conspirans, exercitum *Romam* in Pontificis auxilium contra Imperatorem misit. Anno verò, si non eodem, at proximè ad summum subsequenti non tam ipse, quàm Cardinalis nuptias suas in controversiam vocavit. Quid tum *Henricus*? Pietatis credo septa statim transiit, & obedientiæ erga Pontificem fræna perrupit. Nihil minùs: ipsum *Clementem* septimum ut heri audivistis, supplex adivit, ejusque sententiam, exploravit, ut in eadem conquiescere, suamque conscientiam stabilire posset. *Clemens* conjugium hoc decreto suo dissolvit, ita ut toto hoc tempore non tam nos, quàm ipsi Pontificij eum summis laudibus efferendum procul dubio censeant. Usq³ ad nuptiarum quæ-

Ovid. lib. 13.
Meta.
Polyd. in
Hen. 7.

Hol. in Hen.
rico.

stionem totus à Pontifice fuit, in illâ discutiendâ Pontificem solum secutus est, Pontifice non auctore nihil fecit, donec tandem vaferrimè se elusum persentisceret, *Romaq;* non tam veritatis, quàm temporum & occasionum trutinâ singula ponderari intelligeret.

Qui igitur sic vitam egit, ut eorum consilijs religiosissimè semper adhæresceret, quos omnium sanctissimos integerrimosq; judicavit: non est credile eum deprehensus tandem fraudibus quibus irretitus tenebatur, tam velle famæ salutisq; suæ perpetuâ jacturam facere, quàm, capto saniore consilio, tam perfidos duces relinquere, & alios melioris fidei circumspicere. Quicquid enim deliquit, inscitiâ & credulitate deliquit, malitiæ vel levissimum signum non apparet. Per quos cœlum, & perpetuam animæ suæ beatitatem speraverat, ab illis in immensum inferni gurgitem se penè jam præcipitatum intellexit, idque non suo, sed ipsorum judicio. Quapropter revertendum censuit aliquandò, non *Deum* adhuc flagitijs accumulandis incitandum. Ad scelus tam horrendum ut aliàs adduci posset: nunc certè tristissimis divini judicij cogitationibus exterritus, tale aliquid minimè omnium auderet.

Dixerint forsan *Henricum*, licet multis virtutibus exornatum, juventutem tamen suam in lasciviam liberius effudisse. Non tam acerbè quidè hoc ferimus. Non enim est hoc solius *Henrici* vitium, sed illi cum omnibus ferè adolescentibus commune, quibus ad libertatem fræna paulò solutiùs relaxantur. Itaq; ut hoc mendacium sit, dum tamen vulgari hominum imbecillitate illum notet, non efferatis illis aut belluinis flagitijs premat, quorum atrocitatem communis natura exhorrescit, etiam ipsa nomina nemo sine summa

mâ detestatione audit, non equidem tam gravitèr succensebimus. Principes atq; nobiles omnes appellamus, qui juventutis æstus quandoq; persenserunt, quique remotis tandem custodibus suis, ipsi sciunt, quomodo mollem illam & infirmam ætatem transmiserunt, nùm quemcunq; luxuriosam adolescentiam traduxissè intelligunt, eò nequitia statim prolapsum esse putent, ut inter incestum atq; stuprum non distinguat. Non dubito quidè, quin singuli hoc argumentum derideant, dicantq; multis gradibus, longissimoq; intervallo hæc duo vitia invicem dirimi, & plurimos esse, quos incuntis ætatis fervor ad alterum eorum facillimè movit, ad alterum tamen nulla libidinis vis instigare, nulla lucri spes pellicere, nullus periculi metus impellere potuit. Videtis (viri ornatissimi) quomodò disputationis causâ concessimus illud, quod *Sanderus* non probavit, scilicet, Regem hunc non severissimis legibus juventutem suam astrinxisse, sed communi juvenum viâ ad annos maturiores pervenisse: & tamen intelligitis quantum absit, ut ex moribus ejus reliquâq; vitâ hujus criminis, quod ei tam audactè affingit, vel levissimam suspensionem injiciat.

Sed *Thomas Bolenus* è *Galliâ* rediens, cùm se absentem filiâ, cui ipse nullam operam dare potuit, auctum intelligeret, hanc contumeliam non ferendam censuit, sed uxorem in jus vocatam divortio segregare conatur. Teste igitur *Sandero*, eam in jus vocaverat. Vbi diploma Iudicis, quo uxor adesse jubebatur. Nùm sic perijt, ut nulla ejus memoria existat? At fora apud nos ecclesiastica notarijs publicis juratisq; non carent, qui vel minutissima decreta Iudicum non solùm optimâ fide describunt, sed summâ diligentia in Archivis reponunt

& custodiunt. Quapropter si diploma sit extinctum, quod cur credamus, causam quidem neque nos vidimus, nec *Sanderus* ostendit : at tamen libri illi majores, qui quicquid interloquuntur Iudices, fidelissimè continent, adhuc apparent. Illi citationis hujusmodi nullam omninò mentionem faciunt.

At si *Sanderi* narrationem benè animadvertamus, facilè intelligemus illum non modò uxorem citatam, sed & causam quādam tenus proVectam innuere. Nam illa postquā vocata jam fuerat, hoc Regi indicat. Rex quo potissimūmodo *Thome* iracūdia lenienda sit, quid ni primū apud se perpendat, deinde nūcium idoneum circumspectat? Cū de Marchione *Dorcestrie* cogitaret, cum illo rem altius adhuc exagitat, & tandem jubet ut hominem adeat. Marchio tantam severitatem viri ergā uxorem tantoperè exulcerati non temerè, non levitè deprecari statuit; ergò primò à Rege ad virum prudentem missus, quomodo ipsum pertentare, quibus argumentis suadere potissimū possit, non desidiosè cogitat. *Boleus* Regis postulata minimè contemnenda videt, tam insigne opprobrium devorare non potest. Ista difficultas consilium & deliberationem exposcit. *Reges quodrogant, jubent*, quicquam sibi negari, molestè ferunt. *Henrici* igitur iracundiam licet pertimescendam duceret, tam insigni tamen cum contumeliā declinandam minimè censuit. Iudicia tam aperta violati thori, virum & prudentem & peramantem non levitè percellunt. Ipsum quidem tantā ægritudine pressum & onustum rei tanti momenti parem fuisse nemo sapiens crediderit, sed amicos potius & consanguineos in istis angustiis necessariò consuluisse, quid sibi faciendum existima-

rent.

rent. Post habitam deliberationem (*si Sanderò credimus*) in iudicio procedendum statuit. Rex de-
nuò ad eum mittit, eum qui nuper petitionem Re-
gis non sine deliberatione rejecerat, nunc verisimi-
le est, non statim admisisse : tandem tamen exau-
dit, precibusque flectitur. Hæc omnia spacium po-
stulant non paucorum dierum, idque postquam
uxorem *Thomæ Boleni* in jus vocatam fuisse *San-*
derus asserat. Nos hinc colligimus non solum mo-
nitionem, quâ illa ciebatur, sed & viatoris responsum,
partisq; citatæ vel comparitionem vel non comparen-
tis contumaciam libris illis publicis fuisse commissa.
Tale nihil in illis extat, & tamen nihil tollitur, nihil
deletur, nulla vel levissima fraudis suspicio deprehen-
ditur. Quapropter nisi hujus unici calumniatoris
fides tantum apud vos valeat, ut nec plurium jura-
torum integritate, nec communiusu, nec apertissi-
mâ ratione præponderari possit, hæc non tam con-
vicia, quàm phrenetici cujusquam infomnia existi-
mare debetis, & ut solo risu digna prætermittere.

Certè quò magis istam *Sanderi* fabulam perpen-
do, tantò mihi apparet insulsiior atq; futillior. Nonnè
observatis eum dicere, quòd *Thomas Bolenus* è *Fran-*
ciâ rediens uxorem suam peperisse viderit? At non
pellicem tantum, sed & ab omni tam pudore, quàm pu-
dicitia desertam eam fuisse oportet, quæ cum sacrum
conjugij fœdus tam turpiter commaculasset, crimen
suum ne dissimulare quidem conaretur. Estnè credibi-
le eam filiam spuriam domi retinere, & cum mariti re-
ditum appropinquare intelligeret, nec è conspectu suo
ad tempus remove voluisse? Quàm hoc absurdum
est, quàm ab omni probabilitate abhorrens & alienum?

Loco supra
recitato.

Fœminæ ut nihil plerumq; habent præter castitatem in quo multum glorientur, sic eam multæ solertissimè custodiunt. Et si quæ sit salacior, quàm ut marito suo contenta vivat, crimen tamen suum multa arte tegit & obtendit: & sic deprehensa nonnunquam ut turpitudinem suam denegare vix possit, in perjuria tamen, imprecationes, & blasphemias audacissimè prorumpit, ut pudicitia existimationem aliquam vel levissimam tueatur. At tamen hæc *Boleni* uxor, nè vel à perditissimis omnium scortis impudentiâ vinceretur, filiam suam quam in absentia mariti & conceperat, & pepererat, non abscondit quidem alicubi apud suos, sed domi ab illo ipso conspiciendam reservavit.

Quid hoc monstri est? aliæ meretrices viros suos fallunt quidem, & sibi tanto placent magis, quò hoc faciunt astutiùs & artificiosius. Vnica *Boleni* uxor ab initio rerum humanarum reperta est, quæ matrimonij vinculum violare satis non duxit, nisi illud marito suo, quamprimum posset, indicaret. Hic quidem vel ipsius *Sanderi* me miseret, qui petulantiam suam tam pueriliter, tam ineptè prodit. Cum enim dicat *Bolenum* reversum vidisse filiam, quam ipse non genuerat, idem planè dicit, ac si fateretur tanta maledicendi libidine se laborare atq; prurire, ut dum *HENRICVM*, & *ELIZABETHAM* convicijs proscindat, nihili faciat, quàm aperte, quàm ex professo mentiatur. Dixisset homo imprudens, hanc mulierem filiam hanc spuriam, quamprimum in lucem eduxisset, alicubi clanculum elocasse, valde anxiam fuisse, nè hæc sua perfidia ad mariti aures perveniret: vel si non sic, tamen cum de viri reditu nuncius afferretur, eam, ad minimum, summo metu perterritam, in locum aliquem amotum & secretum ablegasse, atq; abdidisse,

abdidisse, ne forsan repentinus contumeliæ suæ conspectus eum ad furorē aut rabiē majorem irritaret, quàm vel suis blanditiis, vel amicorum intercessione sedari posset. Sic enim, licet mendacij labem *Sanderus* non effugisset, at tamen prudentiæ existimationem, quam multò chariorem, quàm integritatis laudem semper habuit, aliquo modo sartam tectam conservasset.

Sanderus, si revivisceret, cuperem mihi responderet, *Thomas Bolenus*, postquàm tam manifestum adulterij argumentum in uxore suâ deprehendisset, utrùm tam atrocem injuriam cum ipsa primùm expostularet, an potius ne verbo quidem, aut saltem non multo sermone habito, rem ad *Archiepiscopi* delegatos deferret? Interrogavit eam primò, ni fallar, cujus illa infans filia esset, & cùm intelligeret à conjugē suâ esse editam, percontabatur procul dubio, quomodo hoc fieri posset, ut ipsa, se biennium absente, tam paucorum mensium infantulum pepererit. Veritatem cum exploratam haberet, verisimile est eum inter reliqua petiisse, quis eam sollicitasset, & spuria quis pater esset. Quid tum illa? protervè forsan se gessit, & apertam infamiam potius incurrere, quàm patrem prodere elegit. Nemo hoc dixerit, ut opinor; sed eam potius crimen, quod negare non potuit, optimo quàm potuit fūco colorasse, dixisse se multis precibus fatigatam, & vi penè oppressam, priusquam vinceretur, idque ab ipso Rege, à quo, si voluntati ejus cupiditatieque denique restitisset, non leve periculum sibi vel marito suo pertimescendum fuit. Cùm *Bolenus* Regis nomen audivisset, quid fecisse putatis? num, illo inconsulto, conjugem vocasse in jus? Aut *Henricum* non novit, qui hoc credit, aut saltem rem

rem tantam satis pro dignitate non expendit. Nam illa cum *Henrici* nomen huic delicto suo prætuleret, *Bolenus*, si fidem ejus sermoni haberet, vidit se dedecus hoc ulcisci non posse, quin Regis offensioni se objiceret, id est, si non morti, certissimæ tamen calamitati & ærumnæ. Si Regem falsò accusatum suspicaretur, eum adivisset procul dubio, ut non solum conjugem adulteram divortio tantò facilius separare, sed & *Henrici* iracundiâ quoq; premere, & tanquam præcipitem in crucem agere posset.

Hoc igitur quod *Sanderus* dicit, nimirum *Thomam Bolenum* uxorem vocasse in jus, deinceps à Rege ad lenitatem motum sed non flexum, & tandem cum *Henricum* hujus criminis socium intellexisset, iracundiam suam remisisse, mendacium suum nullis tenebris obducit, quemadmodum ipse putavit, sed detegit potius & ipsa luce clarius reddit. Nam quod primò omnium uxorem facturam quilibet mentis compos juraret, hic infans & furore prorsus occæcatus ultimò eam, nec omninò nisi coactam fecisse refert. Neque quidem evaserit dicendo illam metu sic fuisse perculsam, ut Regem appellare non auderet. Nam non tam inepta atque sciola fuit, quam Rex hic magnanimus amore suo dignam putavit, ut cum spuriam ostendisset, patrem ejus se virum suum celare posse confideret, aut cum patrem indicandū videret, illud serò potius faceret, quam tum cum minima famæ suæ jactura secutura fuisset.

Vnicum adhuc *Sanderi* argumentum excutiamus. In illo tempore quo *Henricus* nuptias cum *Annâ* meditari cognoscebatur, *Thomas Bolenus* (si Deo placet) in *Gallijs* denuò agebat, & hæc nova non prius audivit, quin, deserto legationis munere, statim in *Angliam* advolaverit,

volaverit, Regi scilicet indicaturus, *Annam* esse filiam suam, atq; igitur conjugem esse non posse. Cui indicaturus? *Henrico*, quasi, si aliquid tale fuisset, ipse hoc melius non nosset, quàm *Bolenus*? Vt *Sanderi* fides hîc consistat, postulandum est ad morem Geometrarû principium: nimirum, ut vir potens & illustris stuprû mulieri inferat, eamq; hinc gravidam faciat, & hoc ab ipsâ aliquandò non intelligat. Istud si concedamus, *Sanderus* statim inferet quod vult, sed si denegemus, languescit disputatio protinus atq; cadit. In gratiam ergò tam boni theologi, fingamus *Henricû* post *Thomæ Boleni* discessum, uxorem ejus sollicitasse, compressisse, nec semel aut iterum, sed sæpius, donec tandem conceptum indicia proderent, tandem nec eam interrogasse, nec ab illa audivisse quorsum res devenisset. Hoc multum quidem est, neque tamen satis. Nam adhuc supputetis oportet, eam Regi filiulam in absentia mariti peperisse, sicque hoc illum celasse, ut nunquam significaret, nec secessionem quidem ad tempus peteret ad utriusq; existimationem, quâ jam eos graviter laborare necesse fuit, sustinendam. Hæccinè minùs probabilia videntur? Si fateamini, tum de sacrificuli hujus auctoritate penitus actum est. Nam nisi vera concedamus, quæ non modo lippus, sed etiam oculis planè captus aliquis primo intuitu falsissima dijudicaverit, *Henricus* aut *Thomæ Boleni* uxorem gravidam non fecit, aut saltem se fecisse cognovit. Næ igitur *stolidum* illum meritò dixisset, quem legationem suam deferuisse, tantoq; labore, & tam celeri festinatione in *Angliam* properasse videret, ut eum ejus rei certiolem faceret, quam ipse multò melius novit. Noverat fortasse, sed oblivisci potuit. Ocio certè non videmur tam

tam abundare quàm abuti, qui hominem impurum in istas ineptias sequimur. Si quisquam ex Venere furtivâ filiam se suscepisse sciverit, siccinè statim omnem hujus facti cogitationem abijcit, ut nullâ ejus vel delectatione vel mœstitiâ in posterum moveatur? *Henricum* in omnem intemperantiam profusiores esse *Sanderus* vult, quàm ut ullo ejus tædio caperetur: at nos, si hoc verum sit, meritò dixerimus cum liberos quos genuerat, cum voluptate fuisse recordatum, etiam nunquàm aspexisse, accersivisse. Sed ut alij propter locorum fortè disjunctionem illi è memoriâ potuerint elabi, tamen *Anna*, quæ cum parentibus in Aulâ atque ob oculos ejus quotidie versabatur, nunquàm potuit. Videtis igitur, uti spero, hunc conviciatorem, quantumcunque suo judicio vafum & astutum, laqueo, quem aliis struxit, teneri irretitum, & iis ipsis circumstantiis, quas ad mendacium hoc stabiliendum fulciendumque tam affabrè dolavit, redargui penitus & everti.

Durè nobiscum agitur, quibus non satis est denegare, quod adversarij nullo colore nobis objiciunt, nisi etiam innocentiam nostram apertissimis argumentis confirmemus. Quoniam tam difficilis & molesta provincia nobis obtruditur, eam ut poterimus, sustinebimus, & necessariis evincemus argumentis, *Thomam Boleum* vel in *Angliâ* fuisse, cum *Anna* conciperetur & nasceretur, aut saltem *Henricum Annam* in matrimonium petiisse, cum tantum decem annorum esset, atque uxorem duxisse, priusquàm illa consensum matrimonio per ætatem præbere potuisset.

Legatio hæc, quâ *Sanderus Thomam Boleum* sub specie

specie honoris in *Franciam* ablegatum esse prædicat, anno salutis humanæ post millesimū quingentesimum decimo nono, eoque jam penè decurso suscepta est. Viceſimo igitur *Anna*, ad minus, nasci debuit, si post patris discessum concepta fuerit. Anno post totidem viceſimo octavo *Henricus* suas cum *Katharinâ* nuptias ventilare cœpit: Viceſimo nono in *Annam* primum animum conjicere: ante triennium peractum, anno scilicet *Domini* post mille quingentos tricesimo secundo, & die *Novembris* decimo quarto eam conjugio sibi copulavit. Hic igitur calculus, qui quidem est verissimus, ostendit aut *Annam* conceptam fuisse, priusquàm pater ejus legationem illam obiverit, aut saltem *Henricum* eam jam vix novennalem deperisse, & in matrimonium petiisse. *Deus* bone: homo jam plusquam quadragenarius tantillæ ætatulæ puellam uxorem cupiebat? Quis ille? certè non *Henricum*, non Regem magnanimum prudentissimumque, sed stultum, insanum, aut delirum aliquem esse oportet, qui tale aliquid in animum induxerit. Vix me contineo, quin exclamem: sed hæc impudentiæ ~~responsum~~ risu fortè dignior est, quàm ut cuiquam bilem commovere debeat. Herclè si præmium mendacibus hodiè proponeretur, quemadmodum olim in *Olympo* currentibus proponebatur, ego ad tale aliquod obtinendum, non historiæ veritatem, *Sanderum* hæc scripsisse judicarem.

Sed *Sanderum* cum *Sandero* conferamus; videbimus quàm nostrâ refutatione non egeat, quippè qui sibi ipsi manifestè contradicit. Ipse non multò post locum ab illustrissimo nostro *Historiographo* modò percursum, asserit *Annam Bolenam* ante illud tempus, quo

1519

1520

1528

1529

1532

p. 16.

quo eam Rex amare cœperat, cumque 15. annorum esset, à quodam qui *Thome Bolen* à poculis, atq; etiam ab altero, qui eidem à sacello fuit, compressam, deinceps profectam esse in *Galliam*, tantâq; illic lascivia diffluxisse, ut in tetram ignominiam, atque adeò *Gallorum* omnium, præsertim Aulicorum, apertum derisum se projecisset. Quomodò obsecro utrumque horum conviciorum verum esse potest, ut *Anna* primum absente patre conciperetur, anno nimirum 1520, vel ad minus in exitu 1519, deindè post justum puerperij tempus nasceretur: & tamen priusquam *Henricum* amore teneret irretitum, id est, ante nonum annum à natalitiis completum, in *Gallijs* fuisset, & ibi tam turpiter se gessisset, ut communi omnium ludibrio haberetur? Aut ænigma quidem est hoc obscurissimum, aut illustrissimum mendacium. Vos vestro utimini iudicio, nos *Sanderum* Sphynge non negabimus, *monstrum* scilicet *horrendum, informe, ingens*: donec tamen *Oedipus* detur aliquis, qui mæandros hos esse doceat, & illis nos explicet, ego mysterium hîc nullum contineri credam, sed hunc hominem mendacissimum cote (quemadmodum nos loquimur *Angli*) vel etiam creticâ remunerandum.

Æncid. 3.

1532.

Hol. p.

Audite reliqua: anno 1532 die *Novembris* 14 duxit *Annam Henricus*, quî sc. annos undecem cum semisse ad summum complevisset, si *Sanderus* eam in absentia patris conceptam & natam fuisse verè dicat: 7 Septembris proximè subsequētis *ELIZABETHAM* nostram peperit. Eam ergò concepit, antequam annum duodecimum peregisset. Quod ut fieri posset, quàm rarò tamen fiat, medici optimè intelligunt, quorum dogma secuti legumlatores feminam ante annum duodecimum

munum completum nuptias contrahere non permittunt. Nec tūm quidem patiuntur, quia tam citò omnes concipere possunt, sed potiùs quia naturæ æstus tunc temporis aliquantulum accendi solet, & eas ad conjūctionē proclives, licet ad pariendum non adhuc habiles efficere. Cum igitur *Anna*, quandò ab *Henrico* ducebatur, non solū eleganti formā corporisq; compositione præstanti fuerit, sed & ætate nuptijs idoneā, & (quicquid *Sanderus* contrā dicit) ingenij virtutisq; dotibus vix cum aliquā ejus temporis fæminā conferendis: fieri non potuit, quin aliquot annos ante legationem patris susceptam nasceretur.

Sed dixerit forsan aliquis, *Thomam Bolenum* antè hoc tempus legatum in *Franciam* ab *Henrico* potuisse mitti. Nusquā hoc apparet: Non solū historias nostras perscrutati sumus, sed & reconditiora illa monumenta, quæcunq; apud eos extant, qui pristinorum inter *Anglum* & *Gallum* cōmerciorum memorias custodiunt, indagari pervolviq; novimus, & nullum vestigiū, nullam vel levissimā conjecturam talis cujusquam legationis reperiri. Tantū semel *Mariā Henrici* sororem *Ludovico Gallorū* 12 nupturam cū multis alijs *Angliæ* nobilibus, postquā *Henricus* solium *Ang:* conscendisset, anno quinto comitabatur. Sed tūm in mense *Septembris* à *Doroberniā* solverunt, in *Angliam* antè proximè subsequētia salvatoris natalitia singuli redierunt. Verisimile putatis, ut tam longam legationem aliquis apud *Gallum* obiverit, & nullas suæ negociationis literas ad regem aliquandò scripserit? Literæ autem legatorum solertissimè custodiuntur, & nunc haberi possunt, quæ multò ante illa tempora scribebantur. Cum ergò nullæ tales à *Boleo* extent, res ipsa clami-

834
Hol. p.

clamitat legationem hujusmodi illi nullam unquam fuisse delatam.

Sanderus tempora notavit, sed ætates personarum vel summa hallucinatione ignoravit, vel perniciosissimâ fraude reticuit. *Annam*, quando cum *Henrico* copulabatur, vicesimum quintum annum si non complevisse, tamen egisse nos *Angli* constantissimè teneamus, & ipse calumniator non obscurè indicat. Quindecim enim annorum fuisse prædicat, (licet falsò) priusquam in *Gallias* mitteretur: Postquam autem illuc appulisset, primò apud nobilem quendam educatam, & deinceps ad aulam Regiam se contulisse. Quàm diu vel apud nobilem illum, vel in aulâ degerit, silet prorsus: nos tamen aliquot annos hic consumptos esse minimè dubitamus. Tandem in *Angliam* revertitur, & apud parentes commoratur. Incidit controversia de *Henrici* cum *Katharinâ* uuptiis. Integrum interfluit quadriennium, & *Anna* ducitur: cum nimirum *Henricus* 23 annos & sex menses cum imperio nostro fuisset. At tum si *Anna* plures annos vixisset, quàm regnasset *Henricus*, quî fieri potuit, ut hoc *Henrico* jam Rege, *Thomas Bolenus* honoris causâ in *Gallias* mitteretur, & *Anna* interim conciperetur? Superstite adhuc *Henrico* septimo nata est, dumque *Henricus* filius adhuc in Ephebis esset, sedulusque præceptorum suorum auditor, à quibus pater cum erudiri cupiebat, ipse eam disciplinam imbibebat, quæ reliquam ejus vitam summis doctrinarum prudentiæque laudibus tantum illustravit. Quin iret se perditum, aut ad minus invidiâ rumperet *Sanderus*, si nunc viveret, & ad hos calculos mendacia sua revocari videret? In vestro nunc est arbitrio, *Sanderonè*

an historijs annalibusq; nostris fidem habueritis, hosti nimirum exulcerato, an obsignatis tabulis, homini natu multò minori, quàm ut tantæ vetustatis scientiam aliquam habere possit, an illis memorijs publicis, quæ summâ integritate tùm conficiebantur, & usq; hodiernum diem non minori retinentur.

ELIZABETHA nostra, quam ex *Annâ* suscepit *Henricus*, mortuâ sorore suâ *Mariâ*, licet amicis non careret, inimicos tamen tot tantosq; habebat, ut non sine difficultate aliquâ diadema *Britannicum* obtinuerit. Nam non solum nobilium potentissimos, sed & episcopos omnes, à quorum aliquo juxta priscam *Angliæ* consuetudinem ungi & coronari debuit, factio Pontificia sic abripuerat, ut eam, quòd *Lutherano* dogmate tingi crederetur, solemnitatibus illis usitatis decorare ad tempus procacissimè recusaverint. Quid eos facturos existimamus, si hujus maculæ, quâ *Sanderus* nunc tandem eam coinquinare studet, vel levissimam suspicionem tergiversationi suæ prætexuisse possent? Vel si tùm repugnandi tempus non fuerit, at tamen qui, regnante *Mariâ*, minimas molestiarum anfas contra eam quotidie artipuerunt, qui cùm veras non invenirent, iniquissimas finxerunt, qui caput ejus innocentissimum infinitis machinationibus petierunt, nemo dubitare potest, quin si eam prolem judicassent incestuosam, ab omni imperij spe in perpetuum exclusissent. Religionem enim ejus, quam in medijs ærummis suis minimè dissimulabat, tam acerbo tamq; intestino odio semper insectabantur, ut pleriq; non regni successionem tantum illi intercipiendam, sed & vitam ipsam adimendam censuerint. Hæc natalium labes eorum

culos vigilantissimos evasit, qui veritatem hujus rei perscrutari & facillimè potuerunt, & libentissimè voluerunt: & nunc tandem, nescio quo viſo vel ostento, *Sandero* patefacta est, cùm è tot millibus, qui illis temporibus vixerunt, nesciamus si quisquam superstes relinquatur, cujus judicium tùm cùm *Annas* ceretur, per ætatem aliquod esse potuit. Atquè hæc sunt non omnia quibus hæc *Sanderi* calumnia refelli posset, sed fortè tamen plura, quàm contra hominem tàm confidentem tantique supercilij vos expectabatis.

Lib. 30.
pag. 319.

S I C non citiùs locutus fuerat *Politicus*, quàm *Historiographus* avidè *Sanderi* librum denuò corripuerit, & indè verba sequentia percensuerit. *Hæc Ecclesie contra ipsam sententiã, & catholicorum novis incrementis quotidianis non mediocriter offensa Elizabetha, convocatis ordinibus, leges valde iracundas & cruentas contra veteris fidei cultores promulgat: quibus primùm cavetur, ne quis Elizabetham hereticam, schismaticam, infidelem, usurpatricem sub pænâ capitis vocet. Item ne quis aliam quamcumque certam personam nominet, cui regnum vel in vitâ, vel post mortem ipsius deberi dicatur, exceptâ Elizabethæ naturali prole. Ea enim sunt ipsa verba decreti. In eam enim homines vel adulationem, vel necessitatem ita perduxit heresis, ut quod illud nobilissimum regnum illegitime illius Regis sui proli egrè unquam concessit, nunc naturali, id est, spurie soboli Regine, in cujus sexu fornicationis peccatum est fœdus, non denegarint: paritèr & Reipublicæ, è pro-*
ximi

ximi successoris ignoratione extremum periculum, & Elizabethæ incontinentiam prodentes. Istis statim adjunxit verba quædam ex libro *Thome Bozj de signis Ecclesie Dei*, quem etiam prius in porticum cum reliquis invexerat. *Exemplo sit Elizabetha Angliæ Regina, quæ nullum unquam sibi virum voluit adungere, quò liberiùs scortari cum quolibet per summam licentiam posset, nonnullosq; è suis amafios vario prætextu, ut patrata à se facinora tegetet, occidi jussit. Et deinceps etiam alia. Quid illud? ter enixa passim prædicatur ex illicito coitu: ac propterea fuit in Comitij Angliæ publicis decretum, ut illi defunctæ in Regno possent succedere ex hujusmodi concubinato nati.* Hæc sunt, inquit, quæ non solum tempore propius accedunt, sed etiam reipsâ principem vestram acriùs premunt. Quam ergò veritatem in se habent, nos jam diù scire gestivimus, tu non evades, donec ostenderis.

Lib. 12. cap. 3.

ELIZABETHAE igitur (inquit *Politicus*) nativitatem satis, opinor, ex his, apud æquos rerum æstimatores, contra petulantissimas istorum calumnias esse propugnatam. Venio nunc (quoniam sic vultis) ad mores ipsius vitæque instituta, quæ eò acerbius ab istis exagitantur, quia ortus, si quid vitij vel labis habeat, aliorum id planè crimen, non nostrum existimatur: in vitâ quicquid delinquitur, id omne sine dubio est nostrum. Itaque qui sanctissimæ virginis deformandæ

causa, patrem illius incestuosum, matrem adulteram fuisse vociferantur, ij si filiae quoque impudicitiae crimen intentaverint, quis admiretur? At hic illud primò absurdum est, eos castitatem in alijs tantopere desiderare, qui non modò nullum flagitium à corpore suo ipsi repudiant, sed aliorum etiam libidinem tanquam satis naturæ vitio incitatum publicâ autoritate doctrinâque sua armant & incendunt. Hi sunt enim qui passim non in Hispaniâ solùm, & alijs Italiæ civitatibus, sed & Romæ lustra constituunt, & prostibula tanquam nequitiae scholam aperiunt, quò omnes omnium libidines non modò impunè confluant, sed ultrò etiam invitentur: Hi sunt, à quibus jam illa fluxerunt dogmata, *si non castè, tamen cautè*, atque ejus generis præterea multa. Et dubitari potest, cujusmodi sacra in angulis, intempesta nocte, privatim ac soli celebrant, cum hujusmodi præcepta palàm in vulgus, in lucem atque oculos omnium emittant. Deinde illud etiam hac in re est indignissimum, quòd ea homunciones in principem, è terra ac ceno nati in unctam Domini convitia ingerant, quæ vel in infimos ab illustribus viris falsò conjecta, omnis benè instituta Respublica legibus severè vindicat.

Sed quoniam ità volunt, geratur eis mos, audiamusque, si Dijs placet, & *Clodios* hos contra adulterium, quod est ridiculum, & *Thersites* contra *Agamemnonem* debacchantes, quod est iniquissimum: nec quàm indignè, sed quàm verè dicant, videamus. Nostram enim innocentiam alios in criminis similitudinem vocando, minimè defendimus, sed culpam potius excusamus. Hoc nos non judicamus esse

esse satis, neque quidem istorum aculeos evadere cupimus, nisi quæ obijciunt, à veritate quàm à modestiâ longius abesse doceamus. Pudicitiam parùm castè **ELIZABETHAE** asservatam criminantur. Vtrum igitur florente adhuc ætate, nec dum confirmatâ, an hâc jam corroboratâ & planè maturâ? Habet illa quidem superior vitæ pars probabiliore ad suspicandum causas, vel quia amplissimi regni nova accessio, tumescentibus plerumque hominum animis, laxiores in ipso statim honoris initio licentiæ remittit habenas, vel quia ipsa natura liberiùs profundit adolescentiæ cupiditates. Atqui in hoc tam lubrico ætatis tempore, in quo difficillimum est sine prolapsione consistere, sic se gessit **ELIZABETHA**, ut non modò à crimine, sed ab omni etiam criminis suspitione libera esset & soluta. Nondum enim exciderat ei *Marianæ* tempestatis memoria: securis, quæ tam diù ante oculos obversabatur, vix dudum à cervicibus depulsa, & quibus ex periculis, & in quod honoris fastigium emerferat, perpetuò admonebat, nec sanctissimam virginem passa est committere, cum *Deum* piè colendo salutem & regnum à misericordiâ ejus accepisset, ut eundem lascivè provocando, ad superioris fortunæ scopulos, vel majores etiam, severo ejus judicio allideretur. Immò quidem summa impietas esset, *Deum Opt. Max.* tam inconstantem aut fastidiosum suorum defensorem existimare, ut quos à tot tantisque periculis tam mirificè liberavit, eos statim fœdis ac impuris voluptatum lenociniis corrumpendos atque depravandos tradere velit.

Sed accessit ad hanc mentem cum nativo pudore, tum divino timore munitam summa etiam rerum maximarum & perpetua occupatio, quæ, cæteris destituta adjumentis, luxuriantes naturæ impetus & libidinis flammæ liberius effervescentes sola per se ipsa restringere semper solet & retardare. Cujus enim assiduitatis, quanti laboris existimamus recentis adhuc regni partes omnes, omnes articulos lustrare primum animo, ac cogitatione percurrere; deinde singulis quid è re esset, providere; universas juris æquabilitate temperare leges; si quæ essent minus salutare, refigere; novas surrogare; utilitatem subditis, amicitias cum cæteris confirmare; ita in pace vivere, ut belli curam nunquam deposuisse; ita bellum gerere, ut pacem maluisse facile appareat: atque hæc omnia ita, ut cum divina hæc virtus & industria tam latè, fuscæque ad omnes se porrigeret, tamen singulorum etiam plurimorum temporibus & causis non deesset? Quid illud? Pontificem omnium ferè animis infixum ejicere, lucem Evangelij, verumquæ (quem nos credimus) *Dei* cultum invehere ac renovare, portum præbere, in quem jactata apud exteros religio tuto se recipe-ret, & piè celebraretur, utrùm oscitantis inertia, an summæ diligentia, lascivientis ingenij, an admirandæ pietatis videatur?

An illa si desidia & languori, & his qui ex eo orti atque sunt, amoribus se dedidisset, ad illam infinitam rerum divinarum, humanarum, publicarum, privatarum, domesticarum, exterarum curam atque usum etiam hanc tam multiplicem politionum artium scientiam potuisset adjungere? & quas singulas

las in *Academiae* umbrâ, summo otio, flagranti studio homines ingeniosissimi vix assequuntur, eas propè omnes in aestu aulico, vitâ occupatissimâ, maximis negotijs complexa esset? Illud verò quis non admiretur, cùm in tot tantarumque rerum cogitationes perpetuò distraheretur, cùm & procerum salutationibus, & supplicum querelis, & exterorum principum oratoribus assidue vacaret; cùm foemina pro viris, una pro omnibus invigilaret; cùm eodem tempore Ecclesiam verâ religionem, Rempublicam optimis legibus, seipsam omni disciplinarum genere instrueret, quomodò tantum surripere temporis potuit, ut tot linguis ediscendis sufficeret? quo in genere tantum studio atque industriâ consecuta est laboriosissima princeps, ut vix ferè perfectiùs quisquam unam eamque vernaculam, quàm illa multas ac peregrinas noverit? Quis igitur locus libidini? aut ubi incontinentiae suspicio potest adhærescere? Quod si vitam tam exercitam & districtam laboribus, voluptatum tamen illecebris deliniri atque irretitam teneri probabile esset, quid de illo omni sacrificulorum opimo atque saginato grege censendum est, qui segni & languido marcescentes ocio ita vivunt, ut solum edant, ita spiritum hunc ducunt, ut animam tantum pro sale habere videantur.

Quid si *ELIZABETHA* aliarum delicta, si quas fortè non satis illibatam castitatem habuisse cognoverit, graviter vindicaverit? Quid si quæ misericors sæpè in proditores, semper severa ac insensa fuit impudicis? parumnè id aperte loquitur, nihil illi unquam sanctius aut antiquius castimoniâ, nihil stupris aut adulterijs fuisse turpius? Infra hos jam triginta

quinque annos, quos felicissimè regnavit, vidit curia *Anglicana* non sanè multas, sed vidit tamen aliquas ex illâ virginali honoratarum puellarum turbâ, quæ Regineæ Majestati perpetuò ancillantur, quas partim assidua ac importuna dissolutiorum aulicorum blandimenta, partim matrimonij ostentata spes, partim amplitudo petentium cum summâ & corporis dignitate, & præmij pollicitatione conjuncta pellexit in fraudem. Num igitur connivebat in his *ELIZABETHA*? num non succensuit? Illa verò non succensuit solum, sed & castigavit, nec verbis tantum asperrimis, sed etiam poenis afflixit. Omnes à curiâ ablegatæ, carceribus inclusæ, infamiâ notatæ, idque non sciente solum, sed jubente etiam *ELIZABETHA*, gravius etiam ulturâ, nisi ad iracundiæ magnitudinem legum accessisset auctoritas: facilèq; verecunda princeps in alienâ culpâ suam probavit innocentiam. Neque enim unquam cuius peccati licentiâ sibi ipsa permetteret, ejus tam acre supplicium in alias constituisset, in eas præsertim, quæ & propter muneris sui opportunitatem, si quid ab ipsâ peccaretur, facile intelligere possent, & propter poenæ suæ iracundiam cupidissimè vellent effutire.

Et credo si tam pervulgato corpore fuisset, quàm isti nebulones eam videri volunt, ea infamia aut certorum hominum inclusa scientiâ, ad aliorum aures ac cognitionem minimè pervenit, aut si etiam in vulgus emanavit, omnes à matrimonio illius ambiendo deterruisset. Si non omnes, at saltem plurimos, si non plurimos, at certè excellentioris dignitatis altiorisque ingenij viros. Quis enim, non dico princeps,

princeps, sed ingenuus eo se conjugio sciens implicaret, ex quo æternam, & nomini, & posteritati suæ labem aspergeret? Nullinè igitur eam in uxorem expetiverunt? Id verò nè *Sanderus* quidem ipse dissimulat, qui disertè eam nonnullis tacitam nuptiarum spem fecisse, plurimos postea ludificasse affirmat. Neque sanè mihi necesse est quenquam nominare, cum illud satis apud omnes constet, planè nullam fuisse unquam, quæ plures haberet procos, vix ullam quæ angustiores. Nec vident censorij isti *Catones* scilicet, dum lectissimæ foeminæ, quam perditam cupiunt, falsum impuditiæ crimen affingere conantur, se eorum honori, quibus maximè favent, certissimam angusti pusillique animi notam inurere. Nisi id fortè dicant quod erat in dividendo secundum) morum *ELIZABETHÆ*, ac vivendi rationis expertes omnes fuisse atque inscios: quòd Regina potens, formosa, prudentissima esset, id omnes intellexisse; quòd lasciva, luxuriosa, impudica, nè fando quidem inaudisse. Primum cui hoc probari potest, homines obscuros in claustra & tenebras abditos, qui vix unquam non dico curiam, sed solem viderint, peregrinos atque hospites in Repub. communis vitæ insolentes, quid in interiore parte ædium, quid in cubiculo, quid in lecto agat Regina, investigasse: viros nobiles, rerum aulicarum peritissimos, non solum in principum negotiis versatos, sed ipsos etiam ad principatus fastigium evectos, nihil scire, nihil subodorare, nihil suspicari potuisse? Atque eò certè minùs, quòd eorum nonnulli assiduo convictu, & quòd ab ejus latere vix unquam recesserunt, per se ipsi omnia persentiscere sine precariâ aliorum operâ

operâ possent: omnes autem erant ejusmodi, qui & gratiam in potentiâ, & vim in mercede, & voluntatem explorandi haberent in amore, cujus acutissimam aciem adeò nullum peccatum amassij est quod effugiat, ut etiam quod non sit, esse tamen suspiciosus plerumque somniet.

Deindè si istis autoribus credendum est, erat res ita & pervulgata, & aperta, ut nihil magis vereri Regina videretur, quàm nè turpitudinem suam atque flagitia quisquam ignoraret. Ter enim ex illicito coitu peperisse, ac, nè parùm testata res videretur, decretum etiam in publicis *Angliæ* comitijs scripsit (ut audiivistis) impurissimus ille canis, (vel cane quicquid est odiosius) *Thomas Bozius*, ut illi defunctæ in regno possent succedere ex hujusmodi concubinato nati, nec erubuit os illud impudens unâ cum perjuro parricidâ *Sandro* legem sancientiæ Regineæ salutis causâ necessariò latam, malitiôsâ interpretatione ad ejusdem contumeliam iniquissimè detorquere. Cæterùm hæc quàm rectè dicantur, postea disceptabitur: interim illud quidem apparet, si vera hæc essent, *heroas* illos ea nec ignorare potuisse, nec scientes nuptias ejus ambire voluisse: sin falsa, ita uti sunt, integritatem ELIZABETHAE ab istorum convitijs fartam tectam conservari.

Age verò tam effrænatae voluntatis fuisset, nonnè tantum abest, ut tot ac talium virorum connubia aspernaretur, ut aliquos etiam ipsa ad matrimonij societatem ultrò alliceret ac invitaret si non mutui amoris, at certè libidinis vel explendæ vel occultandæ gratia? Multa enim audacter peccantur in matrimonio, quæ in cælibi vita muliebris verecundia, & liberorum ex concubinato metus retardat: fitque sæpenumero ut facilius ad-

ulteri-

ulterium committatur, dum turpi adulterij crimini honestum mariti nomen tanquam integumentum quoddam obtenditur. At *noluit*, inquiunt, *sibi virum adungere, quò liberiùs scortari cum quolibet per summam* Bozjus vt supra.
licentiam posset. Ex dissoluta scilicet repente facta fuisset verecunda, & unius hominis suspicionem vultumque perhorruisset, quæ paulò antè omnium gentium judicia vocesque neglexit. Quasi verò aut *Iuliam Tyberius*, aut *Messalinam Claudius* deterruit, quò minus corporis sui copiam quibuslibet passim & licenter faceret? Quòd si observari se paulò diligentius, si voluntati suæ fræna injici modumque statui sentiret, aut non potuisset, credo, Regina potens, aut noluisse adultera infesta pariter & invisâ (quam etiam nec amasijs suis pepercisse *Bozjus* refert) quâvis ratione viam sibi ad pristinam libertatem aperire.

At enim (inquiunt) quid verba audimus cum facta videamus? aut cujus supra re atque oculis tenemus, de ejus innocentia cur levibus conjecturis crederemus? Ter enixa est. Maximum sanè profusæ libidinis argumentum, si modò verum: sin falsum, petulantissimi conviciatoris non ferendum mendacium. Ter enixa est *Bozi*? Quî id ipse scis? aut quî fidem cæteris facis? Nam si verbo solùm asseris, mihi quoque facile est verbo negare: nec sanè video cur principem defendenti subdito, quàm insontem accusanti inimico minus credendum sit. Ac in privatorum causis, & quotidiano forensium judiciorum usu contrà alienam estimationem nihil admittunt Iudices, nisi & perditâ Rei vita, & testium religio, & ipsum crimen denique ostendatur, atque oculis propè subijciatur: tu
cùm

cùm principis augustissimæ famam , non ad unius urbis, sed ad universi orbis tribunal traduxeris, cùm multiplicem ei partum objicias, nullo adhibito teste, nullâ morum levitate, nullâ facti probatâ suspicione, ipsum te solum, nec solum modò, sed & injuratum, nec injuratum modò, sed & inimicum audiendum putas? At ita, inquis, passim prædicatur. Scitum est hoc quidem, *mendacium quod ipse cuderis, falsò in vulgus conferre*: cujusmodi (*Deus bone*) authorem eum nimirum, qui & facillimè fallit & fallitur. Nihil est n. tam leve, nihil tam inane, nihil tam imprudens, quàm vulgus: quod non judicio aut ratione, sed impetu plerumque animi ducitur ad suspicandum, & in quamcunque partem incubuerit, sive rectè, sive perperam, quicquid temerè arripuerit, non minùs effert confidentèr. Itaq; sapientes ea, quæ sensisset populus, semper suspecta, plerumq; revocanda, sæpè etiam punienda duxerunt: & si quandò in veritatem fortè incidit, non tam quis, quàm quid diceret, considerandum existimaverunt. Verùm sit ità sane: sit populus æquus rerum æstimator, & incorruptus Iudex: hoc est fingamus in temeritate consilium, in errore prudentiam, in maximâ perturbatione summam integritatem. Qui sunt hi tandem, à quibus passim ista iactari dicis? Si exteri ac peregrini; aut finxisse hæc eos, aut à domesticorum fide ac sermone hausisse necesse est: Si domestici atque indigenæ; mirum est id quidem, adeò eos & Stentoreâ voce fuisse, ut eorum verba in *Italiam* atque *Hispaniam* emanent, paritèr & submissâ, ut nè in *Angliâ* quidem audirentur. Nulla. n. est istiusmodi criminis apud nos mentio, nulla opinio, nulla suspicio, quod certè evenire non potuit in Repub. omnium gnarâ &

nihil

nihil reticente. Quod si qui fortè fuerunt, qui aut religionis repurgatæ odio, aut degeneri in patriam animo apud imperitam plebem hæc clanculùm mulsi-
tare atq; in aurem insusurrare ausi sint, quis non intelligit, à quo fonte profluxerint? An verò cujus vitam ac caput à multis obsideri, ac nefariè peti videmus, ejus fama atq; existimatio, admiramur, si ab eorum affeclis, & conductis operis perfidè oppugnetur?

Sed illuc redeo: *ter enixam* dicit *Bozjus*. Cedo igitur ubi tam multiplex partus conceptus, ubi genitus? Nec enim res aut obscura esse potuit, aut in accusatione præteriri. Quis per solennes illos decem menses, ter etiam repetitos gravidam vidit? quis toties parientis ejulatum audivit? Nam si oculis, atque auribus solertissimis fidissimisque indicibus, arte tamen aliquâ semel imponi potuit: at secundò certè non potuisse probabile est: si iterùm effugit hominum sensus, nùm tertio latuisse credemus? Non n. semper sælix est astutia, & fraus interdum ingeniosè oblecta & subducta è conspectu sæpius iterata effert se tandem profunditq;. Quod in hac causâ eo etiam erat ad cognoscendum facilius, quia cæteris fæminis, si quid ejusmodi eveniat, aut secretis eis esse licet remotisque à congressu multorum, aut si prodeant etiam seq; in turbam dent, tamen non sanè à multis observantur: principis & secessum à plurimis adiri ac frequentari propter variam tantarum rerum rationem necesse est, & vel levissimam in quocunque genere mutationem apprehendi propter defixam in eâ semper omnium oculorum aciem.

Illud etiam quero, quæ obstetrices, quæ nutrices, quæ utrisq; merces constituta est? Nec enim ignobile
aut

aut ignotū fuisse præmiū oportet, quo & tanto arcano silentio, & ejusmodi alumnis tam regia cura atq; nutritio coëmeretur. Ipsi etiam liberi ubi tandem sunt? mortuine an vivi? si mortui, ubi sepulti? quis funus prosequentium mœror? quæ exequiarū pompa? si vivi, quæ nomina? ubi educati? quibus insigniti honorum titulis? quibus indicijs ac blandimentis prædedit se atq; extulit amor matris in prolem suam, is qui nec à feris occultari, quin erumpat interdum, potest? Nihil horum scitur, nihil dicitur, nihil ne suspicando quidem significatur: & tamen quenquam tantā esse impudentiā & nequitiā, ut ejusmodi mendacium in sacrosanctam principis majestatem tam confidenter, tam publicè conferre audeat?

De schim.
Aug lib. 3.

At, inquit *Bozius*, propterea fuit in Comitijis *Angliæ* publicè decretum, ut illi defunctæ in regno possent succedere ex hujusmodi concubinato nati. At, inquit *Sanderus*, *in eā homines vel adulationem vel necessitatem perduxit hæresis, ut regnum illud nobilissimum naturali, hoc est, spuria Regina soboli non denegarent*. Primò quis hoc unquam credat, Reginam consultissimam spurijis suis regnum destinari voluisse: Sed qui ij tandem essent, aut ubi gentium, noluisse fari, cum præsertim ex promulgatione hujus legis, sibi ipsi certissimum dedecus, ex ignoratione autem filiorum, error apud plebem, ex errore non minimum de regno periculum eisdem crearetur. Quid. n. esset facilius, quàm & nescienti, & credulo, & potentium clientelis obnoxio populo falsum hæredem subijcere, & imperitæ multitudinis ignorantia abuti, ut legitimo favere se putet, supposititium successorem ad regni solium eveheret? Deinde quàm non hæc inter se cohærent, quæ ab ipsis dicuntur,

cuntur, Regiam tam publico præconio plurimos in celeberrimo totius *Angliæ* concursu fornicationis suæ testes colligere: & ejusdem tamen tegendæ causâ, nonnullos ex amasijs suis occidi jussisse.

Verùm hæc quæ calumniæ suæ prætexunt Comitæ, quandò habita, aut ubi memoriæ prodita sunt? extant, quæ huc maximè spectare videntur, duo potissimum *Statuta* (sic enim trium ordinum sanctiones proprio appellantur apud nos nomine) alterum primo Regiæ nostræ anno, alterum decimo tertio latum. Num quæ in utrovis syllaba est, num quæ litera, quæ istorum convitio suffragetur? Planè nulla. Quod quò magis appareat, ipsa utriusq; statuti, quia verba vos non intelligitis, sententiam optimâ fide referemus. Nos (sic principem alloquitur universus conventus) *majestatis* Cap. 3.
tue amantissimi, fidelissimi, obsequentissimi subditi, Cap. 1.
qui triû ordinum regni vestri Anglicani personam sustinemus, & divinâ & humanâ lege adducti, facere nō possumus (nisi officia nostra in sublimitatē vestram ac heredes vestros a vobis legitime oriundos planè excidere nobis pateremur) quin celsitudinem vestram humiliter obtestemur, ut autoritate hujus parliamenti decretū, ratum, ac declaratum sit, nos recognoscere, agnoscere ac confiteri eundem statum, jus, titulum ac successionem, ut præmittitur, sublimitati tuæ inesse, & ad eandem, nec non ad heredes ex vobis oriundos pertinere plenè ac in solidum, & in quâlibet ejusdem parte, ad eundem modum ac formam, quo mentio, declaratio, confessio antea facta est, eique nos humillimè ac fidelissimè subycere nosmetipsos, heredes, ac posteros nostros in perpetuum. Quibus igitur tandem defert hoc decretum regni successionem?
 Num

Lib. 12. de signis Eccl. Dei.

Num spurij ELIZABETHAE? undè elicitur? quæ sententia, quæ clausula, quod verbum huic interpretationi vel probabilem conjecturam relinquit? Hæredum nomen sæpissimè inculcatur. Atqui eo nomine spurios apud nos nunquàm venire, certissimi juris est. Hæredes igitur ELIZABETHAE cùm designat decretum, excludit nothos. Sed ut quod juris subtilitate verum est, idem etiam quasi sensuum iudicio esset comprobatum, adjicitur *legitimè oriundos*, quod rem omni dubitatione liberat. Sed non opus est, ut hujus statuti expositioni multùm inhæreamus, quippè quòd *Sanderus* aliud disertis verbis intelligat: *Bozius*, quicquid dixit, à *Sandero*, & ejusdem farinae perfugis emendicaverit. *Propterea* (inquit *Bozius*) *fuit decretum in publicis Angliæ comitijs, &c.* Quid hoc est *propterea*? viz. *quia ter enixa est*. At ter enixa esse non potuit ELIZABETHA, tùm cùm prius istorum decretorum ferebatur. Regnum foelicissimè auspicata est ELIZABETHA 17 Novembris, & Comitia hæc ipsa, in quibus hoc latum est, in 23 diem Ianuarij tum proximè sequentem indixit. Eadem post rejecta in 25 ejusdem mensis, conclusa ad extremum sunt & dissoluta 8 Maij. Adeò ut, à regno inito ad Comitia finita, non toti sex menses numerentur: quod quidem tempus uni puerperio nimis angustum esse cùm ipsa natura testetur, triplici partui formando perficiendoque satis iustum fuisse, *Bozium* quidem, qui nihil non fingit, ficturum tamen non existimo. Nisi hoc fortè dicat ELIZABETHAM non dùm Reginam toties peperisse, id quod nec in summa maledicendi licentia quisquam unquàm objecit, nec per *Mariam*

& infensam, & omnes anfas supplicij arripientem ipsa impunè tulisset.

Nihil ergò adjuvatur *Bozius* à primâ hâc lege: nunquid à secundâ? Attendite quid dicat. *Decernatur auctoritate prædictâ, quicumq; in posterum, quoad dicta Domina nostra Elizabetha vixerit, per libellum opusvè aliquod typis scriptorvè mandatum directè & diserte declaraverit, & affirmaverit, quocumq; tempore, antequàm id ipsum decreto Parliamenti hujus regni ratum affirmatumq; sit, quamvis certam ac definitam personam, quæcumq; tandem ea fuerit, esse aut jure esse debere heredem ac successorem Regineæ Majestati quæ nunc est (quam Deus diù incolumem velit) nisi eadem naturalis sit suæ Majestatis soboles: quòd is illivè pro primâ vice annuâ carceris pœnâ ac dimidiâ bonorum partè mulctetur. Quòd si qui iterùm deliquerint, tum illi, & eorum singuli, &c.* In hoc omni capite cùm illud solum laboratur, ut eorum coerceatur audacia, qui contra jus fasque quemlibet, pro arbitrio suo, regno destinarent, isti legis sententiam ante pedes positam ne attingunt quidem: unius vocabuli ambiguitatem ad apertissimi decreti sensum depravandum inflectunt. Itaq; cætera dum legunt, quasi ne intelligerent quidem, ita callidè ac dissimulanter prætereunt: simul ac naturalis sobolis mentio facta est, avidissimè hoc arripiunt. Quid igitur ais *Bozi*? Spurijs Reginæ ad sceptri hæreditatem hîc vocantur? Quid si nè liberi? quid si planè nulli? Consulite legem, sive verba consideres, multa omnes vetant, nihil cuiquam tribuunt: sive sensum intuearis, facillimè reperiēs, non quid præstituatur, sed ne quis nominetur hæres, illic sanciri. Verùm fac sanciri: & quoniàm ita vis, quam

Anno 13.
Eliz. cap. 10.

De adopt. in
principio.
Par. 10. de
hæ. quæ ab
intel. deterû.
in Institur.
Par. 4 l 44.
de ritu nupr.
& gloss ibid.

legem prohibere videmus, fingamus imperare: quam supplicium constituere planum est, demus amplissimum honorem mandare: nûm quæ spuriorum ratio illic habetur? Ità inquirunt. Nam *naturalis soboles* cum nominatur, spuria significatur. Næ illis nimis multis non illustribus solùm, sed & honestissimo loco natis æternam adulterini ortus notam inurunt, si ad quos *naturalium* nomen pertinet, cum eis omnibus spuriorum etiam infamiam communicent. Quantò consultius Iurisperiti, qui ità liberos distribuunt, ut quosdam faciant *tantum naturales*, quosdam *tantum legitimos*, quosdam & *naturales & legitimos*. At *legitimi* distinctio non adjungitur. Quasi verò id aut novum sit, cum non rarò in jure naturalium appellatione, non naturales tantum, sed etiam ex justis nuptijs concepti significantur: aut eam notam hùc affigi necesse fuerit, cum nemo sit, nisi qui planè peregrinus atque hospes in legibus nostris sit, quin id, quod apertè desideratur facillimè supplere atque sufficere possit? Quis enim non videt clausulam hanc, quam tam invidiosè premunt, totam esse ex superiore decreto desumptam atque depromptam, salvâ eâdem sententiâ, verbis tantum paululum immutatis ac inflexis? Nam quos illic & hæredes & ex ipsâ legitimè oriundos nominant legislatores, hîc prolem naturalem appellant.

Quòd si sensum, quem tantoperè urgent, his verbis subesse velint, illud saltèm ostendant (quod semper quæri solet) *cui bono*. Diximus enim jam antè nihil hinc, ad spurios pervenire posse, cum non certum aliquem successorem definiant, sed definientes ac publicè apud populum divulgantes lex reprimat

ac refraenet. Ipsa verò ELIZABETHA nil nisi dedecus apud omnes, odium apud justos successores consequeretur. Ità ut si prae malitià intelligere possent isti quid dicunt, legis sanè nemini malae, nostris temporibus accommodatissimae sententiam tam calumniosà interpretatione nunquàm violassent.

Nunquàm satis mirari possum, quorsùm illa verba sive *Sanderus* sive *Rishtonus* in impurissimum libellum suum effuderit, quibus dicit *ordines Regni nostri, naturali Reginae nostrae soboli successionem imperij non denegasse*. Certè enim neque *Sandero*, neque Papae ipsi, illà quam refert constitutione, eam denegarunt, nec cuiquam alij, quem priscæ regni leges non excludunt. Tantùm prohibent, ne quis ququam ad eam sermone suo designet præter Reginae liberos, eos nimirum, ad quos in præcedenti constitutione jus imperij proximè post illam spectare declarassent: id est, non naturales solùm, sed & legitimos, nec quidè jam eductos, sed in posterum fortè educendos. Nàm jam tùm illa ætate ELIZABETHA fuit (proh dolor, quod tùm fuit, nunc non est) ut nubendo spem sobolis habere posset.

Idem hîc ordines mihi videntur fecisse, ac si dixissent: Intelligimus hominum nostrorum cogitationes in varias partes distrahi, alijs hunc, alijs illum ad imperij fastigium exoptantibus, alijs etiam fortassis subverentibus, ne talis aliquis per ipsam principem in filium adoptatus ad regnum evehatur, quem ipsi minùs amant. Pertimescendum equidem est, nè subditorum mentes in re tanti momenti vacillantes atque disceptæ in factiones aliquandò coalescant, atquè ità non solùm principi nostræ serenissimæ præmaturus interitus,

sed & ipsi Reipublicæ, cujus illa longè majorem quàm sui ipsius curam semper gessit, intestinum aliquod periculum hinc immineat. Huic malo non melius occurrì posse judicamus, quàm declarando primùm, tùm ipsa *Elizabetha*, tùm proceres imperij quàm longè absint ab omni successoris cogitatione: deindè sanciendo, ne quis successionis jus privato sermone in què alium, quàm Reginæ sobolè conferat. Alios autem omnes ad imperium nominari præter *Elizabethæ* liberos vetuerunt, non quòd liberos jam haberet (ut isti impudentissimi calumniatores mentiuntur) sed si quandoq; justè haberet, illos solos ad imperium nostrum omnes expectarent, quos & ipsæ leges cæteris omnibus sic prætulerunt, ut de ipsorum jure, nisi cum læsâ quodammodò majestate, nemo dubitare posset : & etiam ipsi justos *Elizabethæ* successores in priori illâ constitutione pronuntiassent. Hæc sententia, viri ornatissimi, hic scopus hujus decreti fuit : tranquillitas scilicet Reipublicæ nostræ, cui Pontificij omnes nimis invident, & salus principis, quàm nefandissimis insidijs indies aggrediuntur. In alium intellectum quòd isti malitiosè illud detorse- rint, hoc quidèm non nostrorum ordinum, sed ipsorum conviciatorum labes est.

Quid est ? nùm expectatis, dùm hanc tam apertam, tam aridam, tam jejunam calumniam ulterius adhuc persequamur ? Immò quidèm jam non solum animis intelligere vestris, sed oculis conspiciere videmini, quàm ab omni tùm veritate, tùm suspitione sit aliena. Non satis firmam impuditiæ notam virgini pulchritudine corporisque constitutione præcellenti posse imprimi judicârunt, nisi liberos aliquos illam eduxisse simularent. Viderunt enim quemlibet
inter-

interrogaturum, quomodò fieri posset, ut mulierem singulis corporis dotibus tam insigniter exultam tam assiduus concubitus nunquàm gravidam faceret: Atque igitur ad tam execrabilis mendacij maiorem fidem tres illi liberos affinxerunt: sed, Deus bone, quàm frigidè, quàm stupidè, quàm insulsè? liberos illi esse dicunt, sed hoc nè levissimo omnium argumento probant. Si vel infima omnium muliercula in tanti momenti iudicio apud vos sisteretur, nec luculentioribus iudicijs percelleretur, nonnè impunè absolvendam duceretis? nonnè accusatores vaferrimæ calumniæ reos constitueretis? At ELIZABETHA *Regina* est, multisq; non solum mulierum, sed & virorum fortissimorum, sapientissimorum, potentissimorum millibus præstituta, quos summâ æquabilitate & clementia semper rexit, ipsa quidem unico dei tribunali subdita & obnoxia: Ejus igitur existimationem impudentissimorum perfugarum nuda mendacia apud viros probos atque prudentes comminuere nullo modo debent. Multi sunt in *Angliâ*, qui Pontificem adhuc complectuntur, multi etiam huc illuc grassantur sacrificuli: si nostra fides nulla sit, hi habeant in mandatis, ut veritatem istarum rerum exquirant. Illi tandem, si illud reperiant, quod isti criminantur, prodant, circumstantijs ostendant, testibus aut evidentiâ facti evincant: & tum non solum *Regina* nostra incontinentiæ hanc notam lubens subibit, sed & nos mendacissimæ vanitatis, & omnes *Angli* crassissimæ assentationis labem patientissimè feremus. Interim ut nos Italos iniquæ religionis condemnamus, omnem tamen vel *Dei* timorem, vel suæ existimationis curam abjecisse minimè credimus: ità vos nostram disciplinam, quoniam ità vul-

tis, reprehendite, sed Christianos existimate, vel si Christianos esse non patiamini, saltè non omnem virtutem sic exuisse putate, quin si non ipsam, at ejus umbram aliquam atque speciem retineamus. Quòd si semel vobis persuasum fuerit, statim cogitabitis fieri non posse, ut populus tam magnanimus meretriculæ, quæ omnibus se divulgat, imperio tam conspiranti consensu tot annos contineretur. Hoc vobis (ut de charitate nihil loquar) communis tamen ratio persuaserit, licet ipsam ELIZABETHAM non cognoscatis. Sed ipsius virtutes si vobis perspectæ essent, illam herclè nobis invideretis, nec tam nostro, quàm terrarum orbis imperio dignam judicaretis.

Hic silentium sibi imponenti *Politico* gratias singuli egerunt maximas: tantùm *Pontificius* aliquid in defensionem ejus axiomatis, *Si non castè, tamen cautè*, volebat subtexuisse: sed eum in ipso sermonis ingressu amputavit *Historiographus*, dixitq; opportunitatem rerum hujusmodi tam perfectè cognoscendarum rariùs offerri, quàm ut nunc sine incommodo prætermitti possit.

Statim autem libellum alium in manus sibi assumpsit per quendam G. S. A. conscriptum, quem doctorem juris civilis apud Colonenses nonnulli asserunt, & ex ejus pagina 8. recitavit, verba quæ sequuntur. *Memorie itaque proditum est, certòq; constat, Inam à Cerdicio Angliæ Regem XI. omnibus virtutibus ornatissimum, rebus unde quaque optimè felicissimèq; gestis, pietatis & religionis causâ Regnum suum Pontifici, Ecclesiæq; Romanæ in perpetuum vetigale fecisse, in singulas domos singulis numis argenteis (quos sancti Petri denarios vulgò vocant) impost-*

Confutatio
causarum, qui-
bus Elizabe-
th. Angl. &c.

impositis, qui etiam quotannis à Pontificio quaestore isthic colligebantur.

Quem imitatus Ethelvolphus, vir omni laude dignissimus, eam quoq; insule partem quam, Egbertus pater regno adjunxerat, perinde Pontifici, & Ecclesie Romanae, cum sub Leone 4. voti gratia Romam esset profectus, vectigalem fecit, legeq; sancivit, ut qui ex suis possessionibus triginta denariorum vectigal in singulos annos caperent, aut plures domos haberent, pro ijs quas habitarent singuli singulos denarios quotannis Romano Pontifici ad diem, qui Apostolis Petro, Pauloq; , vel ad summum vinculis Petri sacer est, solverent.

Aluredus autem à Cerdicio XXI. postquam, Ethelredo fratre ex vulnere defuncto, Regnum obtinuisset, id amplius huic pietati atq; reverentiae in Pontificem ecclesiamq; Rom. adjecit, quod ilico Romam sit profectus ad regium diadema ab Adriano II. Romano Pontifice impetrandum, non iuste se regnaturum ratus, nisi ab illo Rex confirmatus fuisset.

Henricus deinde II. ut D. Thomae Cantuariensis Antistitis, viri sanctissimi, eadem expiaret, & se, & filium Henricum, successoresq; omnes beneficiarios (vulgò feudatorios) Pontificis & Ecclesie Romanae de Regno Angliae & Hyberniae, (quam paulò antè ab Adriano IIII. Pontifice primùm in beneficium, sive feudum, sub dominiij titulo, acceperat) in perpetuum fore jurejurando obstrinxit.

Iohannes similiter, cum Angliam Hyberniamq; invassisset, Arthurumque Gaufredi fratris sui filium, legitimumq; in Regnis successorem, quem Richardus Rex patruus testamento sibi heredem scripse-

rat (præter innumera in super nefanda perpetrata facinora) interfecisset , eorum omnium & præcipuè tanti parricidij luendi causâ , pœnitentia ductus regnis se abdicavit , Pontificiq; Rom. Innocentio I I I. ad Pontificij Legati Pandulphi pedes regijs omnibus depositis insignibus reddidit , nunquam eadem ipse , aut hæredes & successores nisi à Pontifice Romano accepturi . Atq; ita privatus cum vitam egisset dies quinq; , sexto die , uti ingens munus , & omnino desperatum beneficium , à Legato accipit diadema , procerumq; totius regni consensu , Pontificis & Ecclesie Rom. se beneficiarium esse , omnesq; successores suos in perpetuum fore juravit . Et in hujus rei testimonium , proq; omnibus servitijs officijsq; , quæ beneficij causâ , rebus postulantijs , præstanda forent , Angliam atq; Hyberniam no vo quoq; , atque perpetuo tributo mille marcarum sterlingarum oneravit , quæ Rom. Pontificibus singulis annis , ad festum D. Michaelis Archangeli , solverentur : præter denarios sancti Petri , quos Inas & Etelvolphus , uti dictum est , in singulas domos imposuerant . Quæ omnia cum præsentente Cancellario Archiantistiti Cantuariensi , quatuor Antiistitibus , sex Comitibus , multisq; alijs regni optimatibus acta essent , jurejurando se in super Proceres ordinesq; , Regni Legato obligârunt , se , quâ parte fide decederet , quâcunque ratione coacturos ut promissa præstaret . Eâ quoquè de re instrumentum conscriptum est , ejusque exemplum authenticum Ioannes Bodinus Romæ in vaticano se vidisse affirmat .

His sic lectis in *Iuriconsultum* oculos convertens , hæ tuæ vices sunt , inquit . Vides nos singulos pensum suum absolvisse : tu qui debita solvenda doces , non dubito ,

dubito, quin hoc onere sic labores, ut ab eodem liberari cupias.

QVONIAM nullam video subterfugij spem (inquit *Iurisconsultus*) aliquid audendum est. Ad hanc autem provinciam suscipiendam me preces vestrae multum movent, sed exempla quidem incitant & impellunt. Nemo vestrum est, qui vices suas non obivit: quamobrem ego licet facultate impar, si tamen voluntate similis non essem, tetram sanè rusticitatis erga vos, & erga dulcissimam patriam meam impietatis labem evadere nullo modo possem.

Hic opinionis error, quo nostram Angliam Romano Pontifici vestigalem esse plurimi existimant, non admodum vetustus est, nec tam altis defixus radicibus, quin eum funditis è mentibus vestris extirpari & excindi posse confidam. *Polydorus Virgilius*, qui ante annos tantum sexaginta suam historiam in lucem emisit, primus omnium hanc pecuniam Pontifici quotannis pendi solitam *vectigal* appellabat; verum ipsius verba si leviter examinemus, ille ipse *vectigal* quod dicit, reverà non facit. *Officia autem ejus Regis* (inquit de *Ina* loquens) *pietatis plena infinita traduntur: & illud in primis, quod regnum suum Romano Pontifici vectigale fecerit, singulis argenteis numis, quos denarios vocant, in singulas domos impositis. Fecit idem ejus exemplo, ut opinor, ductus Offa Merciorum Rex, qui non multo post id temporis regnavit. Fuit is annus salutis 740. Hoc vectigal, prout quidam scribunt, auxit posthac Ethelvolphus, seu Athulphus Rex, qui ut proximo libro demonstrabitur, totius ferè Insulae imperium obtinuit. Omnis Anglia hoc tempore istuc vectigal pietatis & religionis causa Romano Pontifici pendit domesticatim*

Iurisconsultus.

Polyd. Vir. lib. 4 Ang. histo.

sticatim collatum, & numi illi argentei vocantur vulgò denarij Divi Petri, quem Pontificius Quæstor, quem non inscienter collectorem nuncupant, exigit. Cum ille hanc Anglorum liberalitatem pietati & religioni ascribat, ab officij necessitate minimè profectam esse confitetur. Ità ut cùm hunc censum vestigal appellet, vel incuriâ verbi, vel studio latinitatis, vel saltem nimiâ in Pontificem propensitate suâ videatur esse lapsus.

Hor. in com. in
Verrinam
quartam.

Hujus autem rei non minimū argumentum est, quòd eum, qui hujus pecuniæ procurandæ causâ in Angliam mittitur, Quæstorem vocet potius quàm collectorem. Nam Quæstores Provinciales, apud veteres Romanos, quibus *Polydorus* Pontificis emissarios hîc comparare studet, cum magistratu fuisse quilibet antiquitatis non expers faciliè intelligit. Vocationem, prehensionem, togamque prætextam habebant. Hi Pontificum cursores, licet honorum quàm pecuniarum nihilo negligentiores, coercionem aliquam, vel jurisdictionem nunquàm exercuerunt. Cùm igitur vestigal illud sit, quod fisco vel Reipub. imperij nomine præstatur: hi verò denarij, nisi *Inam* etiam regnum suum Pontificis imperio subjecisset, vestigal nullo modo nuncupari possunt. Tale autem aliquid illum fecisse, nemo omnium testatum reliquit, neque verisimile est. Nam *Ethelvolphum*, qui aliquot annos eum in regnum Saxonum Occidentalium jam totius ferè Insulæ ditione auctum administravit, Regem omnium historicorum consensu & fide præstantissimum, nec pietatis magis, quàm rerum optimè gestarum laude celebrem & illustrem, partim quòd *exteram potius, quàm indigenam uxorem*

rem duxisset, partim quòd filium Iuniorem Alfredum, quasi alijs sorte regni exclusis, in Regem Romæ fecisset coronari, proceres sui domum redituros non sine summâ difficultate in solium admiſerunt. Saxonicorum principum munificentia tum suam, tum Romanam ecclesiam, multum debuisse faciliè concedimus, sed Romanam, ideò quòd in illorum partes contra Britannos nimis propensè inclinaret. Nam & ipse Augustinus, quem Anglorum apostolum antiquitas celebrauit, cum à Gregorio magno ad excitandas fidei scintillas, quæ propè jam sopitæ in illa insula jacuerant, illuc mitteretur, Britannos in angulum sui territorij redactos & compulſos adivit, petijtque ab episcopis Britonibus subiectionem, & suadebat, ut secum genti Anglorum communem evangelizandi laborem susci- perent. Illos, cum Augustino subiectionem denega- rent, quia suum Archipræsulem habebant, refuge- rentque eis evangelium prædicare, quibuscum de a- ris & focus quotidie dimicabant, Hedelbertus Rex Cantiorum, ascitis ad hoc scelus reliquis Saxonum regulis, infestissimis armis adoriebatur, imparique militum numero pugnantes in fugam convertit, & innumeros tum Monachos, tum Eremitas ad Deum pro salute suorum orandum congregatos crudelif- ſimè trucidari fecit. Vt igitur nihil miremur Saxo- num Reges summâ liberalitate erga Pontificem Ro- manum fuisse usos: eos tamen regni sui jus quod- cunque habuerunt, integrum & illibatum conser- vasse minimè dubitamus. Quod certè fieri non potuisset, si denarios istos nomine vestigalis nume- rassent.

Mar. West.
p. 308.

Galf Mon.
cap. 12.

Quamobrem hanc largitatem, quam Polydorus co-
rum

Math. West-
mon. p. 265.

rum pietati religioniq; tribuit, vel puram eleemozinam, vel eam, quam sub modo vocamus, donationem fuisse contendo: & certè fides nonnullorum historicorum me movet, ut modalem potius, si sic per vos loqui liceat, quam puram donationem esse putem. Nam *Inas* religionis causâ *Romam* petens, ex consensu & voluntate *Gregorij* secundi, qui tùm illic sedebat, domum quandam in illâ civitate extruxit, Anglis, qui illuc disciplinæ causâ confluxere, receptaculum. Scholæ enim *Anglis* a temporibus *Augustini* jam interdictæ fuerant, propter assiduas hæreses, quæ ex ijs quotidie pululabant: atque igitur homines nostræ nationis ad fidem Catholicam imbibendam, sincereq; perdiscendam, *Romam* frequentes proficiscebantur, & illius dogmate stabiliti domum ad reliquum populum instituendum revertebant. Hic mos ut in omnem futurorum temporum perpetuitatem propagaretur, *Inas* singulos denarios ad eorum sustentationem, qui *Romam* scientiæ causâ concesserunt, è singulis regni sui domibus quotannis conferendos esse sanxit.

Hoc autem ipsa *cen sus* appellatio non obscure indicat: *Saxones* eam *Rome-scot* dixerunt, id est, si interpretemur, *Romæ* collectam. Collecta verò pecuniam illam significat, quam in diversorijs vel tabernis esculentorum poculentorumque causâ solvimus, non illam quam principes nomine imperij vendicant. Hospites igitur nostri fuerunt *Romani* Pontifices, dùm his nummis *Anglos* ad se proficiscentes ex pacto alerent, non Reges. Nunc quòd neque illo cælesti pane, nec vino de vera vinea nos alant, quibus solent, ijs ut ingratis, vel ut hostibus derelictis, alios hospites quærendos censemus, vel domi potius nobis ipsis providendum ducimus,

mus,quàm lutulentas eorum sordes tam longo itinere, tamquè immensis sumptibus adhuc comparandos.

Iampridem summâ *Dei* bonitate, sanctissimâque multorum *Anglorum* beneficentiâ effectum fuit, ut duæ apud nos exædificarentur florentissimæ Academiæ, *Cantabrigiæ* nimirum, & *Oxonienfis*, splendidissima *Musarum* domicilia, tantâq; undiq; doctrinarum exornata varietate, quanta vel ipsam *Romam* si non superare, tamen æquare facilè possit. Ex istis fontibus purissimis rivi jam copiosissimi profluunt, qui nostram terram universam saluberrimis scientiarum omnium, sed theologiæ præsertim aquis abundantè irrigant atq; recreant. Quapropter istæ naturales scaturigines cum illam veterem Insulæ nostræ siccitatem suavissimè temperent atq; molliant: non opus est, ut tantis vel laboribus vel sumptibus transmarinas illas clepsidras redimamus. Siquidem *Romani* suas aquas, quas huc mittere solent integras & synceras, nescio quo toxico nuper misceant, ut illuc injectæ, plantas, quibus applicantur, omnium florentissimas radicitus exurant & corrumpant. *Romana* Ecclesia olim obedientiam summam ergà principes vel ethnicos suis imperare solet, & omnibus Christianis sanguinem in fidei causâ potius effundendum docere, quàm terrestris Reipub. statum vel levissimè perturbandum. Nunc verò summam non ecclesiarum tantum, sed & regnorum moderatricem se profitetur, ita ut Reges omnes Christianos per illam regnare, vel præcipientes è solio deturbari jubeat. Hoc Principes nostri jamdudum subolebant, sed tamen excommunicationis Pontificiæ fulmine, quod præ cæteris semper extimuerunt, perterriti,

jugum

jugum hoc servitutis, quod sentiebant, molestissimum non ausi sunt excutere.

Tandem *Henricus* octavus, cum huic illorum tyrannidi nullum modum esse, nullos cancellos præscribi cerneret, cum se ipsum in re summi momenti turpitudinis eludi perspiceret, quam ut tam insignem contumeliam sine summo dedecore devorare posset: licet invitus, huic immensæ potentiae se objecit, & non solum illius potestatis nervos, quæ tantum papæ solent abuti, præscidit, sed pecunias etiam, quibus illam servitutem majores nostri tanti emebant, interceptit, & partim ad usum imperij communem transtulit, partem subditis suis condonavit ac remisit. Quid enim denarij illi? Quamprimum *Romam* adducerentur, in *Vaticanum* recta pergebant, jejunos *Anglos* domum illam ruinofam juxta basilicam B. Virginis incolentes, nunquam vel à limine salutârunt. Vndè tandem eò res devenit, ut vel nulli illuc reperirentur, vel multò pauciores, quam qui millesimam partem tot numorum, quot anni singuli *Romam* attulerant, consumere possent. Tollebatur ergò causa primæ dispositionis, atque igitur ipsa etiam dispositio cessare debuit. Quod si quis objicit ejusmodi numos in perpetuum Pontificibus fuisse datos, ut *Anglos* illuc doctrinarum causâ confluentes alerent atque sustentarent, nec interesse, sint aliqui vel nulli, dummodò qui sunt, alimentis non destituantur: respondemus primum hoc, quod illi assumunt, esse controversum, & donec illi ostendant, quod asserunt, meliorem esse causam possessoris.

Deinceps ut elargiamur illis, sic inter Pontificem & *Anglum* in initio convenisse: cum tamen illi in modo

desce-

l.6.par.2. de
jur.patron.

Bartol.in.l.
Quamvis.par.
si conductor.
n.de acq. vel
onfir.pof.

defecerint, ita ut Angli apud eos, licet paucissimi, miser-
rima tamen penuria sapissime conflictarentur, nec è
tot denariorum millibus vnum aliquem haberent, quo
se reficerent: *Henricus* donationem illam non solum
merito revocavit: sed etiam (nisi quod Pontifex maio-
res spiritus gerat, quam ut apud Iudicis cuiusquam
tribunal sisti velit) omnes illas summas, quæ in usus
à donatore destinatos minimè conferebantur, optimo
jure condixisset. Nemo dicat me Pontifici injuriam ali-
quam hic intulisse: nam si probationem res exposceret,
hoc infinitis testibus confirmarem. Sed habemus confi-
tentem eum ipsum reum, qui reus esse dedignatur. Tā-
tum enim hic a ratione abest, ut hujusmodi conventio-
nem huic donationi unquam interpositam fuisse, neget
ac detestetur.

l. 1. & 3. C. de
dona. quæ sub
mo.

Nè igitur stomachum tam sancto patri commovea-
mus, dummodò ipse spem omnem cogitationemq; ve-
tigalis in posterum abiciat, quod vindicare nullo mo-
do potest, nisi etiam Regem nostrorum Regum quo-
dam modo se pronunciet: sermonis causâ largiemur il-
lam tūm *Ine*, tūm reliquorum, quos ejus exemplum se-
cutos esse *Polydorus* affirmat, donationem puram fu-
isse, nullaque vel conditione vel modo temperatam.
Et tamen quia tanto fastu Pontifices nuper inflati
sunt, ut eam non Anglorum beneficentiæ jam accep-
tam retulerint, sed dominij jure nescio quo vindicave-
rint: quidni nimis immemores, quidni ingratos, quid-
ni tantâ largitate indignissimos judicemus? Cum i-
gitur Pontifices rationem hujus donationis nullam
allegare velint præter voluntatem ejus qui dedit:
certè negare non possunt, quin donatariorum ingratitudo,
qui tam munificam liberalitatem non agnoscunt,
iustam

l. i. l. pru. l. final
C. de revo.
dona.
Ser. 2. de cont.
Mundi.

justam donationis revocandæ causam donatori præbeat. Ità ut meritò Divus *Bernardus ingratitudinem, ventum urentem, siccantem fontes pietatis, & fluenta gratiæ* nuncupet: Siquidem non solum animum benefaciendi multis tollat, sed ipsum etià qui dedit aliquid, id ipsum quod dedit, repetere faciat.

Sed objecerit aliquis nec in *Inam Gregorium*, nec in *Ethelvolphum Sergium* quicquam unquam cõmisisse, undè illos tam splendidæ suæ benignitatis pæniteret: atque igitur nihil dicere nos, qui successorum suorum injurias urgemus. Iam enim res integra non est, & beneficium, quod priùs à meritis donatariorum tacitè dependebat, illis jam mortuis necessitatis est, non voluntatis. Certè huic argumento manus traderemus, si beneficium hoc actus fuisset, ejus solà causà præstitus, & commodum præcipuè spectans, in quem primò confertur: sed cum successivus fuerit, (ut nostri loquuntur) & in omnes posteros etià uberiori quotidie copià fluat ac dimanet, non negandum est, delicta successorum æquè justas revocationis dare causas, atque primi donatarij. Nàm aliàs adversarios nostros interrogaremus, quo jure *Clemens* quintus milites illos tot tamque opimis suis possessionibus ejecit, quos, quòd ædes templum *Hierosolymitanum* spectantes incoherent, *Templarios* vetustas appellavit? principes eorum, cum non longè a sepulchro habitarent, Christianos peregrinos pietatis atque religionis causà illuc appellentes hospitio excipiebant, eosque non solum per sacra loca ejus civitatis, sed etià totam aliquandò terram sanctam armati conducebant & comitabantur, nè forsan in truculentissimorum *Agarenorum* manus inciderent. Vndè tandem evenit, ut hic ordo celeberrimus haberetur, & quem

Chassan. parte
no. confid. 5.

quem primò è novem tantum hominibus *Gelasius* Papa circa annum salutis 1117. instituerat, spatio ducentorum annorum in tantam excrevit multitudinem, quanta non solum in singulas Christianismi terras diffundebatur, sed amplissimas etiam ubiq; facultates assecuta fuit. Tamen quòd eorum aliqui tandem suæ originis obliti ad *Saracenos* defecissent, neq; virtutes majorum suorum, nec innocentia nonnullorum *Clementem* movere potuerunt, quò minùs totum ordinem excinderet, & ejus possessiones partim ad milites *Rhodianos*, partim ad novas religiones transferret. Huic non dissimile *Tyberij* facinus in *Isidis* sacrificulos *Iosephus* meminit & laudat: sed tam insignis historia viros tam doctos minimè latet: ego pergo.

Lib. 18. Iuda.
antiq. cap. 4.

Fortè adhuc persistunt adversarij, negantq; donata ecclesiæ propter ecclesiasticorum ingratitude[m] posse tolli. Nam quæ dantur ecclesiæ, *Deo* ipsi consecrari intelliguntur, nec ob hominis commissum aliquod revocari possunt. Hi rectè quidem dicerent, si de ijs rebus loquerentur, quæ divini cultus necessitatem attingunt. Sed ecclesiæ Pontificiæ facultates mirum in modum augentur, nec cum opulentissimis summorum Imperatorum thesauris conferendæ sunt. Illa pristina integritas in luxum, petulantiam & libidinem degeneravit: ita ut diadema, quod aureum etiam à *Constantino* datum *S. Sylvester* repudiasse fertur, jam gemmis undiq; distinctum, tripliciq; exurgens gradu tam inflato saltui vix par esse videatur. Evanuerunt tempora, quæ pastorum tam anxiam in animabus *Christo* lucrificandis sollicitudinem viderant: hodierna charitas divitiarum cumulis in homines ecclesiasticos congerendis absolvitur atque definitur. Non

ego sum is, qui venustum Ecclesiæ splendorem invidet, quivè sacerdotibus ex arâ victum denegat, sed is potius, qui animarum nostrarum curatores in illâ rerum affluentia degere cupit, ut non solum habeant, quod ipsis satis esse possit, sed etiam quod in egenos atque nudos munificè largiantur. Immo quidem ab imis præcordijs illos tanquam Satanæ mancipatos, nec religioni solum, sed & omnibus rebus publicis rectè institutis internecionem machinantes, qui cum diversis in locis ecclesiarum peculium miserè distraxerint, avidissimèque corroserint: adhuc fauces suas non claudunt, sed ipsis earum cadaveribus, quæ ferè sola restant, sitientèr inhiant, insidiasque quotidie struunt. Verum qui in prædijs, pecunijs, omnibusque omnium generum facultatibus Ecclesiæ conquirendis religionem suam solummodò constituunt, eos quidem amore regni terrestris tantum distineri iudico, ac si superni illius omnem curam jam abjecissent, & æternæ vitæ spem mundanis delicijs vendidissent.

Neque longi temporis præscriptione Pontifex quicquam adjuvatur, quia causa tam diuturnæ solutionis apparet. Vestigal enim esse non posse supra ostendimus, ad *Anglorum Romæ* studentium factam ipsi non concedunt. Aut aliam igitur ostendant, aut nos ex nostrorum Regum munificentia profectam, sicque ejus continuationem nullam in posterum solvendi necessitatem imponere concludemus. Nam nisi casualiqueat, idque in specie, præsumitur liberalitas, quo casu præscriptionem nunquam currere tam *Iurisconsulti*, quam *Canonistæ* tenent. Cum ergò *Polydorus* ipse *pietatem atque religionem* in causâ ponat, quid aliud quam puram eleemosynam intelligit, & beneficam
sine

Balb. parte 3.
prin quæst. 10.
de præscript.

Vbi supra.

sine omni synallagmate propensitatem? A sanctis quaererem Pontificibus, ut bonâ fide mihi respondeant, utrùm Metropolitanum *Atheniensem* vectigal, aut etiam censum quemcunque triennalem contra *Moscovitas* atque *Russos* præscribere è posse putent, quòd ille singulis triennijs terras illas peragret, & incolarum liberalitatem afflictis *Græcæ* Ecclesiæ Christianis imploret? Certè non dubito negaturos. Nàm & æquè Beatus *Paulus Corinthios* ad hoc onus necessitate juris impulisset, quòd ejus rogatu semel tantùm pauperibus *Hierosolymitanis* subvenissent. At nec majori ratione denarios istos ab *Anglis* ipsi exigant, quòd illa quondam fuerit principum nostrorum ergà illos benevolentia, quæ nunc non est. Nàm quòd certam & destinatam pecuniarum summam quotannis reportarent, quam *Orientales* variam & incertam colligunt: in hoc quidem habuerunt, quòd tantò majores gratias agerent, non nummos firmiori jure vendicarent.

Plures possem adducere rationes quæ hanc eorum querelam morosam, futilem & inanem ostenderent: sed ipsi sunt actores, & quod allegant, probare debent. Tantùm exclamant & vociferantur afferri sibi injuriam omnium atrocissimam, denegari tributum, sed tantùm asserunt, non evincunt. Proferant testes, vel, si quæ in *Vaticano* delitescant, instrumenta: nos nisi justam exceptionem habuerimus, dabimus quod postulant. Interim quod tam bonâ fide possidemus, vel æquè bona sua cum venia permittant, vel nos muliebres istas ejulationes nihili facturos intelligant.

Nulla hîc est serenissimæ ELIZABETHÆ

culpa. Nummos istos *Henricus* propter summam sibi à Pontificibus inuistam contumeliam subtraxit, *Edouardus* sextus detinuit, *Maria* quòd incognitâ causâ restituerit, patris sui nimis fuit immemor, cujus honorem atq; decus, non nostro tantùm, sed & totius terrarum orbis imperio prætulisse debuit. Nostra Regina si tanto favore eos indignos putet, cujus parentes tot calumnijs affecerunt, cujus natales tantâ malitiâ semper infectati sunt, cujus etiam imperij jus tam infinitis odiosisq; mendacijs consperferunt: sibi ipsis hoc, quantumcunq; est, detrimentum suum ascribant, ejus innocentiam, majorem certè, quàm ut cui eorum maledicta possunt adhærescere, vel agnoscant, vel pro communi illâ modestiâ, quam omnes non perfrictæ frontis profitentur, æquioribus arbitris dijudicandam relinquant.

Nunc restat ut eâdem breuitate dispiciamus, sitnè regnum nostrum Pontificij feudatarium. Historici non de authore tantùm hujus servitutis, sed & de tempore quo primùm inibatur, valdè dissentiunt. Nàm ut illud de *Aluredo*, tanquàm responsione penitus indignum prætermittam: cùm *Sebastianus Munsterus* dicat *Henricum* secundum ad expiandam Thomæ Cantuariensis cadem, regnum hoc sedi Apostolicæ in feudum concessisse, *Iohannes Bodinus* testatur ob hoc censum tantummodò esse auctum, & alibi dicit Reges nostros Angliam & Hyberniam summâ potestate rexisse, quousq; *Iohannes*, qui fraude in regnum euaferat, se regnumq; suum ac subditos omnes dedit in Romani Pontificis potestatem. Anno. 12. *Polydorus* pœnam illi indictam esse refert, ut scilicet ducentos milites Hyerosolymam mitteret ad rem Chri-

Lib. 2. Cosmo.
cap. de Regi-
bus Ang.

Lib. 1. cap.
9. de Rep.

In Henrico. 2.

Christianam tuendam, atque intra triennium ipse in Syriam cum alijs Christianis principibus exercitum duceret, facturus communi hosti bellum, quod postea Richardus ejus filius gessit, & de sacerdotali ordine deinceps optimè promereri studeret, Regemq; hæc omnia se præstiturum jurejurando affirmasse. Præterea subicit, aliquos esse, qui produnt Henricum esse passum ita lege sanciri, ut ipse & Henricus filius sic Angliæ regnum obtinerent, ut nemo post illorum mortem Regis nomen ferri intelligeretur, nisi quem Pontifex Max. designasset. Sed aperte fatetur hujus rei annales Anglicos nec meminisse, nec Reges qui secuti sunt, observantes fuisse. Neubergerensis hanc historiam fusè describens, Regem, juxta morem publicè pœnitentium, nudum ecclesiasticæ disciplinæ se subjecisse dicit, sive de feudo, sive de tributo verbum nullum facit. Mathæus Parisiensis formam regiae submissionis solennitè & exactè depingit, aiens promississe Regem ad mandatum Legatorum, quòd tantum daret de pecuniâ suâ, unde ducenti milites ad defensionem terre sanctæ possent sustineri per annum. Insuper quòd promitteret deinceps appellationes liberè fieri, & quòd consuetudines quæ suis erant introductæ temporibus contra libertatem Ecclesiæ in irritum revocaret, & quòd possessiones Cantuariensis Ecclesiæ, quæ post recessum Archiepiscopi ablata fuerant, integra redderentur. Præterea quòd clericis & laicis utriusque sexus, qui pro beato martyre de regno exierant, cum pace suâ recipere bona omnia & liberè redire liceret. Quibus etiam verbis epilogi loco subtextit. Et hoc totum promittere & jurare ac fa-

Rerum Ang.
lib. 2. cap. 25.

In Henr. 2.

cere ex parte Domini Papa Regi injunctum est in remissionem omnium peccatorum. Rex verò juvenis (de Henrico filio loquitur) quicquid Rex pater juraverat & promiserat, ipse juravit & promisit. Istis ergò Historicorum autoritatibus rectè perpen- sis atque ponderatis, facile est videre, quàm anile & fabulosum sit illud *Munsteri* figmentum, quàmque non modò ab omni veritate, sed & similitudine ve- ritatis alienum. Nam qui optimam fidem meren- tur, non nostrates solum sed & exteri, qui diligen- tius rem explorârunt, hoc non tacent (nam illud suspicionem aliquam haberet) sed longè aliter refe- runt. Ergò quicquid hoc sit juris, quod Pontifex in regno nostro vendicat, à solo *Iohannis* facto proflu- it, & descendit.

Atquè hîc quidem historici tam parùm inter se consentiunt, ut eorum aliqui fiduciarios Pontifici- bus, aliqui feudatarios *Anglos* factos esse prædicent. At cliens & Vassallus (quorum ille *fiduciarius* pro- priè dicitur, hîc *feudatarius*) multùm inter se diffe- runt. Quippè licet uterque fidem suam astringat: cliens tamen patrono jurisdictionis tantùm fidem præstat, ut civis; vassallus domino dat etiam cum hominio conjunctum. Deinceps cliens agros suos quos habet, pleno jure possidet, Vassallus mini- mè proprietarius est, sed tantùm utitur fruitur prædijs suis, & in hoc tam propè abest ab usu- fructuario, ut quod hic ad solum vitæ tempus ob- tinet, ille sibi & hæredibus in perpetuum. Præte- reà Vassallus beneficium quo gaudet, saltèm nisi ali- tær conventum fuisse liqueat, sine senioris veniâ di- strahere non potest; cum hâc lege cliens minimè

tene-

Cujac.
Duaren.
Gerard.
passim in
confuct. feud.

teneatur.

Plures sunt horum differentia, sed singulas non persequimur. Ab historicis scire cuperem clientes an Vassallos Pontificum Reges nostros constituent, sed hoc inter ipsos non convenit. Præterea de summâ pecuniæ Pontifici quotannis per *Anglum* solvendæ multum dissentiunt. Alij enim centum markas, alij mille: septingentos scilicet pro *Anglia*, tercentum pro *Hybernia* regno *Iohannem* promississe referunt: omnes tamen pecunias intervenisse consentiunt. Quod quidem tantò facilius adducor ut credam, quia nihil lucrum non olens Pontificum palatis admodum arridere solet. Sed tamen hinc aliqui concluderent, nos illis minime factos esse feudatarios. Quia prædia quæ pro stipendijs dantur fruenda, nonnullorum sententiâ, minime in beneficiorum (id est, feudorum) numero reputantur: Sed quia novimus viros doctissimos adversam partem defendere, neque substantiam feudi mutatam existimare, licet pecuniæ promissio intercedens pactum aliter formaverit: hic non insistemus, nè res dubias arripiendo pro concessis, causæ nostræ diffidere videamur.

At primum quidem animadvertendum est, Pontifices feudum illud à Regibus nostris exposcere, quod *ligium* dicitur, id est, quod omnium maximè ligat, & illi præstat, qui superiorem non agnoscit, ab huiusmodi Vassallo, qui dominum aliquem alium non habet, cui fidelitatis aut Vassalagij nomine subicitur. Hoc ergo si illis minime deberi probaverimus, videbimur, quod volumus, affecti; siquidem nullum aliud ipsi vendicent. Pontifices autem Imperatorum Romanorum potestati ab ipsa Cathedræ suæ fabricatione subditos

qui negat, aut imperitiam suam in historijs, aut quod multò pejus est, malam fidem illicò prodit. Desidiosi aliquot Imperatores muneris sui majestatem neglexerunt: nonnulli etiam improbi & nefarii, qui scelerum suorum vindictam à suis extimescentes, sub poenitentiae prætectu *Romam*, tanquàm ad asylum, refugerunt, & flagitiorum impunitate diadema suum quasi Pontificibus vendiderunt: sed justum imperium Papas in *Cæsares* unquàm exercuisse, singula quæ usquam terrarum extant antiquitatis monumenta refragantur.

In sua Saxonia.

Immensior est hic campus, quàm ut tantillo tempore pervolari possit. Legite non solum *Crantzij* & reliquorum Germanorum historias, sed & Itolorum, atque adeò ipsius *Charoli Sigonij* libros de occidentali imperio conscriptos: & rebus orbis Christiani probè constitutis, Pontifices nihil unquàm magni momenti, non authore *Cæsare*, fecisse, vel aggressos esse comperietis. Si (ut diximus) contingeret aliquem ad solium imperiale quandoque sublevari, qui vel ignaviâ, vel vitæ turpitudine tam splendidam dignitatem dedecoraret: hunc non solum prisci, sed recentiores etiam, modò priscæ notæ, Pontifices piè monere, sanctoq; consilio in gyrum rationis reducere solent, imperij majestatem semper illibatam & intactam ipsis reliquerunt. Sed omnes non item. Quippe qui in terrestrem pompam potius, quàm in muneris sui justam præstationem oculos suos convertos habuerunt: Imperatorem, cui quicquid habent, acceptum referre debent, deprimere, & autoritatis Apostolicæ nescio cujus prætectu, concilicandum proterendumque à suis subditis exponere non reformatarunt. Verùm *Christus*, cujus vicarium se Papa profi-

profitetur, nihil tale cogitavit unquam, *regnum suum de hoc mundo non esse* palam significavit, *Cæsari* nec quidem Christiano tributum & alios solvere iussit, & ipse solvit.

Iohan. 18.
vers. 36.

Christe Iesu, tu illam secularis potestatis habuisti rationem, ut ipse cælorum terræque dominus, Imperatorum etiam ethnicorum decreto te submiseris, & tamen vicarium tuum principibus terræ vel religiosissimis dominari sinis? Quomodo igitur est tibi animus mutatus? Aut potius quia tu semper idem es, nec quicquam unquam fecisti, quod bonum non fuit, quomodo a vestigijs tuis sic iste declinavit, ut non solum Imperatoribus tributum neget, sed & sceptrum etiam & solium invidet, tributum, solium & sceptrum iustis dominis ablatum sibi quotidie rapiat & accumulet? Nos non miramur cum Insulæ nostræ tam audacter ambire principatum, qui totam *Europam* suis cupiditatibus non satis amplam & spatiosam invenit, qui Reges terræ sibi feudatarios tenere non satis arbitratur, quorum cervices pedibus suis non premit. Verum hoc quantâ cum injuriâ facit, vel illud unicum declarat, quod illa omnia quæ ipse possidet, ab ipsis Imperatoribus, idque peculij nomine acceperit. Peculium est, quod filius vel servus, qui sui juris non sunt, eorum, quorum potestati subijciuntur, permissione & arbitratu possident. Opimum fateor esse peculium, quod isti partim à *Constantino*, partim à *Charolo* Magnis consecuti sunt: sed hoc cum precario teneatur, in causâ esse debet, cur tantò submissius, non insolentius erga principes ipsorum successores se gerant.

Non satis assequor, quam rationem tantæ potestatis suæ prætexunt, ut non nostrum solum, sed & multa alia
regna

Iohan. 18. vers.
21.

regna sibi feudum debere somnient. Nam hujus generis beneficia sub hac solent dari conditione, ut qui illa acciperent: eos armis adjuvarent, a quibus in se collata sunt. At Pontifex procul ab armis semper abesse debet. *Petrum* pugnaturum *Christus gladium in vaginam reponere* jussit, eoq; certè dicto monuit non illum tantum, sed & successores ejus omnes jus gladij debere refugere. Sedes illa Pontificia igitur tam amplis dotibus ornata est, ut qui eam possident, tantæ liberalitati acquiescentes nihil amplius expeterent, quàm principum bonitate accipiunt, precibus assiduis pro eorum salute vacarent, orbemq; universum Christianum *Deo Opt. Max.* quotidianâ oratione & divinis officijs commendarent, cujus moderatores tam foelicem a barbaris Christi hostibus tranquillitatem, & longè pulcherrimâ opulentissimamq; vitæ conditionem sibi conciliaſſe vident. Arma si quandoq; meditentur, obliviscuntur sui, stationem a summo Imperatore sibi præstitutam deserunt, destinatos muneris sui fines apertè violant & transiliunt. Sed nec armorum tantum, sed & terrestres dominij cogitationes illis sunt abijciendæ. Nam & hoc sine illis non rectè sustinetur, & ipsum eorum jus hominibus spiritualibus docet à rerum sæcularium contagione prorsus abstirendum.

l. 18. r. de cont.
empt.

Nostri certissimo tradunt axiomate, neminè plus juris in alium transferre, quàm ipse habet. Itaq; qui rem alienam vendit, eam non alienat. *Iohannes* igitur cum alienum regnum invaſiſſet, illud in feudum Pontifici dare quipotuit. Regnum cum injuriâ occupasse tam manifestum est, ut hoc Pontifices si velint, dissimulare nequeant. Siquidem *Hericus* ejus nominis a Normanno secundus, filios habebat *Henricum*, *Galsfredum*, *Richardum*

&

& *Iohannem*. *Henricus* sine liberis ante patrem moriebatur. *Galfredus Arthurum* genuit, & diem suum ante patrem obiit. Patrem ergo in regno *Richardus* iusto ordine secutus est, qui quod liberos nullos superstites relinqueret, ad *Arthurum* imperium iusto successionis jure devolvitur. Quod igitur *Iohānes* gratiā matris opeq; Antistitis *Cantuariensis* regnum perperam invaserit: perpulchrum est hoc & Pontifice dignum feudum, quod *Innocentio* Rex tam justus. dedit prius, ut deinceps acciperet.

Causam hujus inite servitutis alij aliter referunt. Non nulli scribunt *Iohannem* à *Philippo Gallorum* Rege armis petiitum in ultionem fæderis, quod cum *Othone* Imperatore contra ipsum percusserat, sibi multum timuisse, cumq; in *Anglorum* fide non multam spem collocaret, quorum imperium & contra *Richardī* fratris testamentum, & jus successionis occupatum multā crudelitate jam diu vexauerat, diademate suo in legati Pontificij manus oblato, regnoque sedi illi in feudum concessio, petiisse à Divi *Petri* successoribus, ut ipsum in posterū ab hostium quorumcunq; viribus tanquam suū protegerent, & defenderent. Aliqui ob *Arthurum Galfredi* fratris natu majoris filium, regniq; nostri justum hæredem, interemptum, aliq; multa flagitia sua perpetrata, non solum interdicti Pontificij fulmen cum sensitse, sed etiam *Philippum*, *Gallorum* Regem, quem legatus Pontificij in eum ut virtutis & religionis contemptorem excitaverat, cum ingenti exercitu transmissurum expectasse dicunt. Atque igitur cum domestico odio laboraret, & exteris hostibus undiq; circumfusum se perspiceret, *Pandulphi*, qui tum *Innocentij* apud illum legatus fuit, suggestu Pontificis ad misericordiam

ricordiam confugit, & in signum futuræ subjectionis, diadema suum in legati manus oblaturum promisit, nec se nec hæredes suos deinceps nisi ab *Innocentio*, Pontificibusque successoribus accepturos.

Vtrinque scelus est, & longè truculentius, quàm ut cuiquam, nedùm Pontifici, tantum emolumentum afferre debuit. Tragicas vociferationes (viri ornatissimi) contra *Innocentium* à me non expectetis: quippe qui non odiosis convicijs, sed solidis argumentis quod propositum est, efficere cupio. Nemo vestrum est interim, qui ignorat, quàm sit a naturæ legibus abhorrens & alienum, ut fraudis & impuritatis præmium tam opimum quis ferat. *Iohannes* patricida, tyrānus fuit, in omni vita tam turpis & flagitiosus, ut exteri jam ad iustissimum supplicium illum raperent, domestici non ampliùs sustinerent: papa tamen in regno nequissimè tam parvo quàm administrato contra utrorumque vires eum confirmare non dubitavit, dummodò illud sibi beneficiarium agnosceret. At *Phariseos* ipsos & *Domini* uostri carnifices nollem à *Petri* successoribus avaritiâ & ambitione superari. Numulos, quibus *Iudas Christum* venderat, cum a proditore reducerentur, illi in ærario suo minimè reponendos censuerunt: isti vel regnis opulentissimis sanguine quæsit in *Vaticano* suo locum reperiunt. Certè licet *Innocentius* sic contrahendo fædissimè lapsus fuerit, tamen ejus successores si non religiosiores, at tectiores & politicoterous judicarem, quàm ut feudum sic acquisitum tam audacitè vendicent. Sed monita nostra quia respuunt, vendicent quàm diu voluerint: nos tale aliquid deberi strenuè pernegamus. Nam quæ quis ob turpem causam promittit, melius retinet, quàm solvit: imò verò quæ dedit, si accipi-

Math. 27.
vers. 6.

ens in culpâ etiam sit, quemadmodum hic fuit *Inno-*
centius, iustè repetit & condicit.

Sparsum in tit.
de cond ob
turp caus.

Ex his, quæ dicta sunt, intelligimus donum hoc fuisse
eiusmodi, ut illud nec Pontifex accipere, nec *Iohannes*
dare posset: & ut alter accipere, alter dare potuisset,
causam tamen intervenisse tam turpem atq; scelestam,
ut & ipsi *Iohanni*, suis successoribus multò magis iustis-
simam conditionem præbuisset. Sed disputandi causâ
fungamur regni nostri fuisse iustum possessorem, se-
dem, quæ solet Apostolica dici, regiam esse, nulli sub-
ditam, & cuiuscunque feudi capacem, rationem, quâ ad
târam beneficentiam *Iohannes* ducebatur, cum pietate
& religione convenisse: tamen ipse donandi modus
tâm apertè claudicavit, ut Pontifici nullam prorsus uti-
litatem attulerit. Regi enim *Anglorum* regni sui dimi-
nutionem, multò magis alienationem interdictam esse,
quilibet vel in politiâ vel jure nostris mediocritèr ver-
satus agnoscit. Nam Regibus summum jus admini-
strandî, non etiam alienandi sui Regni conceditur. At
quid si populi consensus accedat? Nam *Iohannes Bodi-*
nus vir summæ eruditionis, fidei etiam minimè con-
temnendæ dicit, *apud ipsum extare formulam huius fi-*
ducie, quam ex actis Vaticanis expressam legit. Ex il-
la autem constare, quod *legatus Innocentij tertij fidem*
à Iohanne accepit anno 1213. præsentè Cancellario, sex
Angliæ Pontificibus ac totidem comitibus, infinitâq;
populi multitudine consentiente. Nihil horum nega-
mus: tumultuarium hunc consensum tale aliquid
potuisse Pontifici dare nunquàm tamen confitebi-
mur.

Vbi supra.

Celebrem illum Regis ordinumque conventum
(quod nos Gallica voce *Parliamentum* dicimus) jam
antè

Polyd.in Hen-
rico.I.

anteà prudentissimè instituerat *Henricus* primus, quem tanti momenti esse voluit ut deinceps quicquid ad *Rempub:* benè gerendam ejusque conservationem deliberandum foret, illud ad Consilium referretur, & si quid aut Regis aut populi jussu decretum factumque esset, id totum pro nihilo haberetur, nisi ejusmodi Consilij autoritate foret comprobatum. Quapropter quòd dicat *Iohannes Bodinus* è tot episcopis & comitibus, quot *Anglia* nostra habet, tantum sex utriusque dignitatis hanc formulæ subscripsisse: satis pro nobis evincit, consensum hunc, qualiscunque fuerit, mutilum atque mancum fuisse, nec valuisse quidem hilum. Hic enim noster *Conventus* in duas domos distinguitur, superiorem, quæ ex majori nobilitate constat, & inferiorem, quæ ex multitudine conflatur, & quicquid vel hic vel illic propositum majoris partis consensu indiget, in auram inutiliter expirat & evanescit. *Parliamenti* igitur nostri autoritatem nobis ostendant *Pontificij*, quâ jus hoc suis *Pontificibus* confirmant; & parebimus: interim nè putent populum tam magnanimum jura majestatis tam parvi facere, ut cuicunque titulum prætexenti tradere velit.

Nihil satis esse potest illis ad immunitatis nostræ confirmationem, quibus ista non sufficiunt: & tamen hæc non sunt omnia, quæ nos adjuvant. Nam feudum, quod *Pontifices* nunc multò impensius vendicant quàm solent, cum ipso *Iohanne* statim extinctum nunquam revixit. *Henricus* ejus filius, qui proximus omnium illi successit, licet haberet legatum *Pontificis*, qui tum in *Angliâ* versabatur, suæ causæ defensorem; principum tamen votis regnum illud adeptus est, imò quidem ab episco-

episcopis *Vintoniensi* & *Bathoniensi* coronatus. Ab *Henrici* autem tertij morte usq; *Henricum* 8, qui Papam funditus exculsit, nostri annales ne memoriã quidẽ ullam hujus servitutis faciunt. *Iohannes Bodinus*, Vbi supra. *Henricum octavum* pape fidelitatem jurasse tradit, sed quã verẽ *Blondus* satis testatur, qui in historiã suã de imperij declinatione, quam annos circitèr 150 ante *Bodinum*, & *Henrico* sexto (ut videtur) apud nos regnante, composuit, hoc Vassalagium ante suam ætatem sublatum esse non obscure significat. Quid multa? *Mariam* nostram non dubitatis omnia, quæ patrem suum injuriã Pontificibus detraxisse putaverat, sine omni difficultate fuisse illis restitutam. At illa cùm Ecclesiæ principatum *Romam* referendum esse duceret, & constitutionibus, quæ Pontificibus à primã ipsorũ ejectio- Anno 1. & 2. Phil. & Mar. ne detrimentũ aliquod attulerant, abrogatis, rem *Anglicanam* ad pristinum illum statum, quo antè exturbatos Pontifices steterat, omninò revocaret: de feudo tamen hoc vel de summã pecuniarum quotannis eo nomine solvendã nè quidẽ verbum fecit. Si illa *Henricum* patrem idem primum, idq; cum injuriã Pontificibus denegasse credidisset, ipsa etiam, ni fallar, agnovisset. Sed vel *Henricum* abstulisse, vel eam restituisse nemo refert. ELIZABETHA igitur quid hic commisit? Nihil, ut videtis, cujus exemplum à dilectissimã Pontificis filiã non accepit. Quamobrem illa, si dum viveret, de hãc re nè appellaretur quidẽ, nec mortua reprehendatur: cur hæc tantã insidiarum varietate quotidie petitur, quantam qui *Deum* non habuit defensorem, nemo omnium prudentissimus unquã evasit? Hic paululũ respiravit *Iurisconsultus*, sed *Historiographus*, ut ad novum adhuc congressum eum incitaret,

ret, verba hæc ex eodem autore legit, petitque quid ad illa respondet. *Quidenim ille in te beneficiorum contulerit, quâq; ingratitude, nè dicam perfidiâ, illi gratiam retuleris libet paucissimis commemorare.*

Pag. 20. &
seq.

Quòd conjurationis Thomæ Viati, in laudatissimam Reginam Mariam, Regi Catholico tunc desponsatam, te quoque consciam participemq; fuisse, non incerta argumenta fuerint, probarunt alij. Quamobrem cum in carcerem esses conjecta, extremumq; tibi capitis periculum immineret, Rex Catholicus, cum in Angliam ad matrimonium consummandum venisset nihil prius antiquiusque habuit, quàm tuo nomine intercedere, neque antè destitit, quàm in gratiam suam libertati restituta esses.

Que vel suo nomine, cum jam inde ab eo tempore tibi patris loco, (uti qui vitam conservasset) esse debuisset: uxore deinde suâ Reginâ defunctâ, summum hoc beneficium altero etiam auxit, &c. Hic manus suas vix continuit vir ille magnificus, quò minus librum abjiceret in malam rem. At nunquâ (inquit) hominibus catholicis persuaderi poterit, ut, relicta hac maledicendi libertate, potius rem ipsam sequantur, quàm inani conviciorum strepitu bilem suam exerceant. Hoc dedecus donec ex eorum libris penitus absterferint, hincum & turbulentum simultatis prodent, sanctum & temperatum illum *Iesu Christi* spiritum nunquàm redolebunt. Atque certè authoritas tanti viri nō minus apud me valere debet, quàm ut verba hîc aliqua putidissima, quæ ille ex autore isto de *Anna Bolena* quondam *Henrici* conjuge percelsere recusavit, me etiam prætermittere faciat. Sunt enim otiosa, & malitiam viri ostendunt, ad causam nihil pertinent. Imò quidem

quidē vos omnes mirum in modum obtestor, vt quæ Magnatum personas lædunt, religionem nihil adjuvāt, semper deinceps fugiatis. Nā virulentus hic in principes invehendi mos, vtcunq; plerisq; nostrarum partiū hominibus gratus sit, iudicibus tamen prudentioribus nihil præter audaciam & superbiam authoris probant. Nos illa verba describere pergemus, quibus *Historiographus Iurisconsultum* respondere cupiebat. Attamen tantum absuit, ut adversum te optimus Rex quidquam moliretur: quin potius usq; adeo cause tue faverit, ut ipsius solius commendatione regnum adepta esse videreris.

Hoc minimū est, quod omnia etiā amanti sime sua defunctæ conjugis monilia, torques, armillas, ceteraq; ornamenta pretiosa, non exigui sanè pretij, liberalissimè tibi concesserit, cū sibi habere potuisset.

Deinde nihil de pristinā ergā te benevolentia remittens, cū de pace componendā inter ipsum & Henricum secundum Gallia Regem Cameraci ageretur: cūquē jam sola superesset difficultas de Caletō restituendo: tam acriter negotium illud urgebat (id per Legatos tuos ab ipso, tanquā serio, te petente) ut potius honestas quasvis pacis conditiones negligere, quā non obtinere decrevisset. Interim cū ē re tuā non fore tibi videretur tam firmam inter hos Principes pacem conciliari: veritanē, cū omnia in Angliā turbare jam tum in animo haberes, Rex Catholicus nullo hoste impeditus (propter falsam eam, quam de te optimam spem conceperat) scelestos tuos conatus coerceret atquē retunderet, eam omnino impedire moliebaris, eamq; ad rem clanculū quoquē Legatos tuos, sive potius

susurrone, apud Gallum habebas, qui asserebant te restitutionem Caleti flocci facere: contra, qui ab alterâ parte apud Regem Catholicum erant, importunissimè ad ejusdem restitutionem sine intermissione urgendam, Regem sollicitabant: quæ res non exiguum pacis desperationem adferebat. Verùm tam singularem perfidiam ubi Rex Catholicus ex indicijs perspexisset: nihil moratus extemplo pacis conditiones, de quibus inter pacificatores utrinque convenerat, ratas habet, quæ pax huc usq; non sine summo Christianæ Reipublicæ bono duravit.

Beneficium
Philippi pri-
mum.

Hol. in Elizab.

Sand. in schif.
Angl. i. p. 18.

Quatuor hîc (statim inquit *Iurisconsultus*) commemorantur *Philippi* erga ELIZABETHAM beneficia, videamus quàm præclara. Primum atque summum illud meritò ducitur, quòd ab ea *Viat*i cõjuratione resperfa justum mortis supplicium deprecatus sit. Magnum profectò atq; memorabile, si tale aliquid fuerit, nec ullâ temporis diuturnitate oblitterandum. Sed tanta hîc fuit ELIZABETHAE innocentia, ut & inimicorum infestissimorû dolos, & curiosissimorum examinatorum solertiam, & tristissimum turris *Londinensis* squalorem non superaret tantùm, sed facilè contemneret. Immo cum nec astus contra illam invenire, nec fraus effingere vel levissimam hujus facinoris suspicionem posset, gratiæ favorisq; spe ad aliquid confitendum (ac si plus illi scivissent, quàm ipsa cogitavit) callidè circumvenitur. Sed Virgo Deo & rectâ conscientia sic sublevata est, ut lenitatem & minas eodem loco haberet, nec quicquam præter summum jus expeteret. ELIZABETHA *Viatum* accederet, quem matris suæ truculentissimum hostem, pestilentissimumque accusa-

cusatorem cognoverat? Sed hoc testibus & alijs indicijs evicisset hic qui affirmat, nobis satis sit negare, quod tam perniciosus adversarius probare non potuit, præsertim in hoc curriculo, quod spaciosius multò est, quàm ut moram aliquam in ipsis carceribus patiatur. Cùm nihil igitur in virgine tam augustâ reperiretur justâ reprehensione dignum, scitum equidem est hanc insignem clementiam in *Philippi* preces conferre, quam ipsa crudelitas nullò criminis prætextu, nullâ fictione illi denegare potuit.

Quòd *Philippum* ei tam propitium in imperij Beneficium 2. affecutione dicat hic fabulator, ^{auspiciis} hoc certè dicit. Nam *Philippus* cum uxoris suæ *Mariæ* nescio quo fastidio caperetur, vivam adhuc illam regnantemque deseruit, & in patriam clàm se subduxit. Post aliquod deinde tempus *Maria* diem obit, & ELIZABETHA, ut erat jure sanguinis imperio proxima, sic unanimi omnium consensu Regina declaratur. In ipsâ tantùm inauguratione difficultatem aliquam intercurrisse minimè diffitemur. Quippè eam Pontifici infensorem Episcopi nostri (singuli quidem sectâ Pontificiâ tincti & imbuti) putaverunt, atque igitur pectus illi unguentis illis sacris perfricare, caputque diademate redimire, omnes præter unicum *Carleolensem* pertinacitè recusarunt. Hic matris (ut iste vasserrimè calumniatur) nulla labe, nullum hujusmodi quod fingit à patre subditis suis insusurratum impedimentum, nulla procerum hæsitatio, nullum *Philippi* beneficium fuit. Ordines imperij nostri ad Parlamentum convenerant, tùm cùm nova de *Mariæ* interi-

Hol.in Eliz.

tu promulgarentur. Illis auditis, nobiles sine omni cunctatione sororem ejus ELIZABETHAM, veram legitimamque Regni hæredem declarandam judicantes, prolocutorem (quem vocamus) jubent ordinem plebejum ad se convocare. Eum cum ascendisset, statim Hethus Archiepiscopus Eboracensis, Angliæq; Cancellarius in hunc modum affatur. *Huc convocamini, ut intelligatis nos hodiè de obitu nostræ Reginae certiores esse factos. Qui casus licet meritò tristissimus censeri debeat, hoc tamen habet admistum letitiæ & suavitatis, quod Deus Opt. Max. adhuc nobis superstitem conservaverit ELIZABETHAM ejus sororem, & Regis nunquam satîs laudati Henrici octavi filiam: de cujus ad hoc imperium jure, nulla cuiquam dubitatio esse potest. Quamobrem proceres celsioris domus, si vos etiam consenseritis, prætinus ad palatium procedendum ducunt, & ELIZABETHAM hujus terræ Reginam pronunciandam.* Quibus verbis auditis, ordinem integrum summâ letitiâ gestientem exultantemq; vidisses, unicâq; voce clamantem *Vivat ELIZABETHA Regina, diu nobis felicitèq; præsit.* Hæ preces non majori alacritate, quàm pietate atq; zelo videntur fuisse fuscæ, quæ coelos tam mirificè penetrârunt, & beatissimû tot annorû imperiû ELIZABETHÆ nostræ apud summû rerum moderatorem obtinuerit.

Ibidem.

Beneficium 3.

Monilia, torques, armillas, quæ *Mariæ* fuerant, ELIZABETHÆ *Philippus* dedit. Quid hîc, obsecro, magni est? quid, quod integrâ atq; salvâ Regis existimatione repetiisse potuit? Ille uxorem vivam & bonâ valetudine reliquit: ejus ornamenta igitur non sine summo dedecore abstulisset.

Ar

At cum non multò pòst in *Hispaniâ* jam existens eam audiret esse mortuam, quid ageret? illa in *Hispaniam* sibi mitti posceret? at hoc angustum & jejunum. Distraheret? at hoc sordidum & tanto Monarchâ indignissimum. Cuiquam alij, quàm sorori daret? at hoc danti inhumanum, accipienti invidum. Regem ergò tam magnificum exiliter frigidèque laudat hic insulsus admodum declamator, cum tantillum munus ejus ergà uxoris suæ sororem, augustissimam etiam Reginam, in eorum beneficiorum numero reponit, quæ pietatis religione quâdam & quasi Sacramento hominem homini devincire solent. Hostis hosti multò splendidiora sæpissimè dedit.

Sed ornamenta hæc quid si *Philippus* non dederit? quid si pacto non tam ELIZABETHAE, quàm ipsi regno reliquit? Certè aut exigua fuerunt, aut hoc ità se habet. In ipso enim nuptiarum tractatu convenit inter principes hos, ut *Philippus* in regni diadematisque societatem ad *Mariæ* tantum vitam ascisceretur, eaque mortuâ sic se ad suos reciperet, ut de gemmis, lapidibus pretiosis, reliquisq; magni pretij rebus, nihil è regno asportaret. Quapropter aut novo quodam dogmate, pactis conventis minimè standum ducit hic subtilis Iurisconsultus, aut saltèm in *Philippo* nihil magni videt quod laudet, in quo vulgare hoc & minutum tantâ commendatione efferendum putat. Nàm si de magni momenti rebus sentiat, hæc relinquere *Philippum* fides data jussit, ità ut non dederit, nisi quòd non ademerit: si de vilioribus & contemptioribus, hæc quidem reposcere pudor vetuit. Hæc tamen omnia si *Philippum* dedisse confiteremur, non tam solidas munificentiae laudes statim

Hol. in fine
Edov. 6.

tum illi tribueremus: quippè qui auri & argenti signati tantam viam à nobis exportavit, quanta omnium quæ in *Europâ* sunt Reginarum monilia, torques, armillas, & reliquum quæcunque ornatum multis gradibus superavit, ipsumque graviori decore, quam naves suas pondere oneravit.

Beneficium.4.

Quamobrem inter icendum foedus illud *Cammeracense* (nam nunc ad ultimum *Philippi* beneficium accedimus) dissimulasse aliquantulum *ELIZABETHAM* cum *Hispano* nunquam puduerit, saltèm de rebus ad Reipublicæ suæ statum pertinentibus, cui neminem bene optare scivit, qui *Romano* Pontifici tantum in delicijs esset. Sed eam tamen duos illos Reges tam crassè luisse prorsus inficiamur. Nunquam enim vel mentis vel conciliatorum tam inops fuit, quin multò rectius suas designationes ad exitum perducere potuerit. *Gallus* & *Hispanus* de pace ineundâ deliberant. *Angla* (si huic *G. S. A.* nescio cui trium literarum homini fidem habeamus) *Hispano* persuadet, ut aut *Caletum* sibi retradi faciat, aut pacem inchoatam & imperfectam relinquat: *Gallo* tamen significat se flocci facere quod ab illo tam vehementer contendit. Quis unquam, saltèm qui apud se est, hoc crediderit? *Gallum* ita hebetem & obtusum existimabimus, ut cum *Caletum* tanto ardore, idque *ELIZABETHAE* nomine peti intelligeret, quod sine summo regni sui incommodo concedi non potuit, potius re infectâ legatos *Hispani* dimitteret, quam *ELIZABETHAE* hunc ad se nuncium illi patefaceret? Aut *ELIZABETHAM* tam temerariam atque futilem, ut cum *Gallo* consilium illud communicaret,

ret, ad quod non ità multò pòst cum aliquâ suâ contumeliâ prodendum, cum aliquâ necessitate teneri viderat? Nescio quis sit in scholis aut in clientelis hic Doctor, qui has ineptias in vulgus tam confidentè effudit, sed in publicis & principum rebus non dubito, quò hospes admodum & peregrinus.

Vultis quòd res est? In pace illâ *Cameracensis* (de quâ hic loquitur, nihil scire videtur) componendâ, *Hispanus* summum ardorem *Caleti* nobis recuperandi præ se ferebat. Sic enim & honoris sui, quem illud oppidum amittendo multum diminuerat, & amicitiae nostrae, quam tenere potius quam promereri cupiebat, contemptum minimè se proditurum existimabat. Instat igitur *Gallo*, ut *Caletum* nobis restituat, eumque non levitè urget. *Gallus* autem tanti ejus societatem emendam esse non duxit, nec solum iniquissimam pacis conditionem, sed sibi etiam turpem & ignominiosam jure existimavit, ut oppidum situ ditioneque ad majores suos spectans, quod virtute suâ non multò antè receperat, nunc nimio sive *Philippi* metu, sive pacis studio desereret. Tandem huc redacta res est, ut aut pacis, aut *Caleti* spem omnem nobis deponendam *Philippus* ELIZABETHAE significaret. Illa causam fuisse intellexit, cur *Philippus* hoc oppidum antea, cum nostrum esset, nobis conservasset, nullam autem, cur *Gallus* illud obtentum nunc tam facile desereret. Atque igitur quia hoc foedus inter duos Reges potentissimos initum rebus suis perniciosum esse posse vidit, nisi ipsam in eo tertiam ascriberent: *Caletum* potius *Gallo* permittendum, quam foedus retardandum censuit. Hic si fidem nobis non habeatis,

Adrian, lib. II.
f. 1098.

habete tamen Italo, qui illorum temporum historiam literis mandavit. (*Che ella temendo (inquit) che accordato il Re Catolico, non zinnanessè â se sola la quistione col Re de Francia, &c.*) Cum ergo nullo *Philippi* beneficio **ELIZABETHA** teneatur, ingrata illi dici non potest. Sed peccare erga aliquem possumus, cujus benè meritis minimè obligamur, præsertim *Philippum*, quocum nobis fædus jam intercesserat, in omnibus futuris temporibus religiosè excolendum. Hoc jam ruptum, vel saltem pessimè concussum intelligimus, cujus rei *Philippus* an **ELIZABETHA** causam dederit, vestrà bonâ cum veniâ libet paucis explorare.

Quod si pacatiore animo fecerimus, quàm istius Doctorelli putida insolentia postulat, non ideò causâ deteriores, sed modestiâ potius superiores nos judicate, qui religione nostrâ docti principum quantumcunque nobis infestorum majestatem sacrosanctiorem semper existimavimus, quàm ut orationis petulantia & impuritate sic depravari & deformari debeat. Non peccavit *Philippus*, quòd hic homuncio stupidissimus procacissimusque tot maledictis **ELIZABETHAM** nostram insectatus sit, sed peccant quicunque de hoc eum castigare possunt, nec tamen appellant: neque magis **ELIZABETHAM** nostram suis rabulis pervellendam, quàm seipsos nostris dilaniandos objiciunt & exponunt.

Aliqua tùm *Philippum*, tùm etiam **ELIZABETHAM** commisisse nemo ignorat, è quibus justissimæ offensiones exceptæ sunt. Sed uter alterum primò irritaverit, nec inter ipsos nec multos alios convenit. *Philippus* **ELIZABETHAM** *Belgicas* illas
contra

contra eum conspirationes fovisse criminatur, ELIZABETHA *Philippum* à se minimè laceffitum hoc tantum prætexuisse contendit, nè sine colore aliquo subditos suos tam *Anglos* quàm *Hybernos* ad rebellionem concitasse videretur. Ad faciliorem, hujus controversiæ disceptationem res paulò altiùs repetenda est.

Singulæ illæ septemdecem provinciæ, quarum circuitu atque plexu *Germaniam* inferiorem antiquitas definivit, non ità pridem diversorum gubernatorum, diversis etiam honorum titulis insignitorum imperio subditæ fuerunt: Ità ut qui illis præessent, alij Duces, alij Comites, alij Episcopi dicerentur, & vel Imperatorem, vel Regem *Franciæ* dominum suum atque patronum tanquàm feudatarij omnes agnoscerent: Sic tamen, ut nec hic, nec ille absolutum in eas imperium exerceret, sed certis potiùs conditionibus annexum, quas eorum uterq; , tum cùm ipsarum patrocinium fusciperet, se religiose observaturum, sacramento se obligavit.

Tandem has omnes *Charolus* quintus partim hæreditatis jure, propter matrimonium iuter *Maximilianum Austriæ* ducem, avum nimirum suum & filiam *Ducis Burgundici* contractum, partim victorijs suis diversisq; , machinationibus harum omnium dominatum adeptus est. Qui quamvis propter immensam suam potentiam pristinas earum libertates, & inveterata privilegia nonnihil concuteret, nō ità tamen labefactavit, quin *Philippus*, cùm earum singularum curam à *Charolo* patre suo sibi commissam acciperet, solenni jurejurando singulis polliceretur, non solum earum leges & consuetudines, quibus diversis regebantur, sed & im-

Anno. 1559.

munitates etiam quascunq; integras illis perpetuò conservaturum. Hoc non obstante, *Philippus* non unâ tantum viâ aggressus est has provincias jam sibi unico dominio parentes eisdem etiam legibus submittere, & ad unici quasi regni formam redigere. Sed illam semper in populo constantiam, eumque antiquarum legum suarum amorem sensit, ut ipse, dùm apud eos permaneret, nihil alicubi innovaverit, sed anno Domini 1559 discessurus in *Hispaniam*, provinciarum gubernationem eandem, quam ipse eam acceperat, sorori suæ *Ducissæ Parmensi* commiserit, nisi quòd consilium quoddam aliud, præter illa quæ prius fuerunt, privatum scilicet, & numarium, stabiliverit, quod propter res magni momenti quas tractabat ad provinciarum gubernationem præcipuè spectantes, Consilium status appellabat. Hujus consilij præsidem Episcopum *Arrensem* constituit, & quod vera evangelij lux tum in diversis apud eos locis explendescere cæpisset, *Philippus* diplomate Pontificio munitus, novorum priusque inauditorum archiepiscopatum episcopatumque ad ecclesiæ, si *Deo* placet, confirmationem, melioremque rerum ecclesiasticarum procurationem fundamenta jecit.

1560.

Hæ novitates magni cujusquam mali suspensionem nonnullis tam è nobilitate, quam è plebe attulerunt: qui non ita multò post, anno nimirum 1560, cum *Hispani* designationes publicè declarabantur, *galerusque rubeus* (illud Cardinalium insigne) ad episcopum *Arrensem* mitteretur, apertè ostendebat sibi has rerum mutationes non leviter displicere. Nam sine statuum consensu attentatæ, nihil aliud quam inquisitionis *Hispanicæ* invectionem, & harum provinciarum ad

Neapeli-

Neapolitanorum Mediolanensiumque exemplum subjectionem aperte minitabantur. Hinc multi ordinis *Theuto*: milites, multique principes à Cardinalis commercio se alienarunt, à Consilio abstinerunt, & anno 1562 ad *Philippum* literas scripserunt, quibus animos suos à Cardinali aversos significabant, & vel se vel illum ab hoc status consilio abdicari petebant. Interim Episcoporum auctoritati prælati Antuerpienses, & principes societatem quandam ineuntes à Consilio se detinuerunt, donec Cardinalis sub prætextu visendæ matris suæ in *Burgundiam* se recepit.

1562.

Philippus adhuc in Inquisitionis stabiliendæ proposito, & diplomatum quorundam rem religionis spectantium executione firmiter perseverat. Unde nonnullorum nobilium quædam confœderatio anno 1565 causâ religionis inita sese prodidit. Nam magnus fit undique populi concursus, & imagines multis è basilicis fractæ deturbantur. Qui tamen tumultus partim diplomatum mitigatione, partim principis *Auraica* cæterorumq; Satraparum prudentiâ & moderatione sic sedatus est, ut dux *Albanus*, cum à *Philippo* in auxilium præsidis missus illuc appelleret, omnia pacata invenerit, nullam urbem, nullum hominem ejus imperio refragantem deprehenderit.

1565.

Adhuc pergit *Philippus*, & ad illud hîc efficiendum, quod *Neapoli* prius effecerat, consilium aliud erigit, illud nimirum quod vulgò turbarum appellatur, verè quidem turbulentum & tumultuosum, eiq; *Vargonæ*, *Hispanum* cruentum atq; crudelè præficit, nonnullos nobiles capite plectit, decimumq; denarium (tributi non ferendi nomine) subditis exprimit, castellum *Antverpiæ*, *Vlissingia*.

Vlissingia propugnaculum extruxit, ita ut populus hinc fundamenta perpetuæ servitutis jacta sentiens exulceraretur admodum, & suæ libertatis vindicem illico circumspiceret. Princeps autem *Aurica*, cum *Philippum* contra jusjurandum res non solum novas sed truculentas planè & provincialibus infestissimas meditari videret, (Nam *Dillenberge* tum fuit) populiq; jam tam duræ servitutis jugo oppressi non levi miseratione percelleretur, armis non tam lacessendum Regem, quàm expellendam perfidiam atque tyrannidem esse duxit, atque igitur facilè captis illis oppidis *Brillâ* & *Vlissingâ* bello huic initium dedit, quod ad hodiernum diem non sinè horrenda innumerorum Christianorum strage protractum intelligitis. Quæ hinc, obsecro, culpa ELIZABETHAE? Ex his enim quæ jam diximus, luce clariùs apparet, *Hispanos* suâ ambitione atque crudelitate populum hunc ad arma vel invitum perpulisse, & *Philippum* tot molestiarum causam suis ministris quàm *Belgis*, nedùm *Anglis* multò justius posse ascribere. Hinc si nos fide dignos non existimetis, at tamen si ipsius *Philippi* literas ad Reginam nostram, quas ego aliquandò legi, videretis, certè luculentius aliquod istarum rerum testimonium non desideraretis.

1576

Tumultus isti *Belgici* hoc initium habuere, quod quam ELIZABETHAM nostrā non pertigerit, audivistis: jam etiam quem progressum sortiti sunt, consideremus. Usque annum 1576 nemo unquam ostenderit ELIZABETHAM nostram vel militibus vel pecunijs ejus dissidij authores adjuvasse. Imò verò quòd *Philippus* eos rebellium loco haberet, illa se etiam inimicam atque hostem eis præbuit, subditisque

tisque suis, qui clanculùm ad illud bellum transmiserunt, multùm irascebatur, etiam mercatoribus *Anglis* omne cum eis commercium interdixit, & bellicis ipsorum navibus omnem usum suorum portuum denegavit. Tandem percrebuit rumor, *Gallorum* Regem eorum patrociniùm contrà *Philippum* in se suscepturum; quapropter ut ELIZABETHA non solùm a culpâ hic, sed omni etiam culpæ suspitione se liberaret, virum nobilem prudentissimumque, *Henricum Cobhamensem* illustrissimæ *Brokij* familiæ equitè auratum, ad fovendum illud, quod ELIZABETHAE cum *Philippo* jam priùs intercesserat, amicitiae fæderisq; vinculum, in *Hispaniam* mittebat. Qui citiùs in *Angliam* non rediverat, quàm à *Philippo* etiam ELIZABETHAE legatus adesset ad fœdus renovandum, quo *Angli* & familia *Burgundica* sese pridem constrinxerant, nec non multi alij nuncij (inter quos fuit Ducis *Albani* Commendatarius) huc è *Belgiâ* mitterentur, qui amantissimè à Regina nostrâ excepti, responsa non alia quàm ipsi optabant, ad *Philippi* præfatos semper retulerunt.

Hen. Cov.

Præterea, cum ELIZABETHAM ad tumultum *Belgicorum* pacificationem non solùm suæ tranquillitatis cura (Nam illis admodùm vicini sumus) sed vetus amor etiam, quo cum *Anglis* conjungebantur, plurimùm incitaret, sedulò quidem, nec sine multis impensis rem inter Regem & eos componere studebat. Et hoc animo inter alios virum, ut aliàs prudentem, sic harum controversiarum peritissimum *Iohannem Wilksæum* in *Hispaniam* misit. Cujus nuncius cum nihil apud *Philippum* obtinuisset, *Hispanico* legato, qui tùm in *Angliâ* fuit, significavit se omnes, quis noverat hujus

Wilksæum.

huius pacis vias attentasse, sed nullâ profecisse: non levi timore percelli, nè hi Regis sui conatus provinciarum incolas salutis omni tandem spe destitutos ad *Gallum* accersendum impellerent, atque ità *Angliam* si non hostibus, at tamen amicis non ità fidis circumdarent. Quamobrem jam postremò omnium honorificam aliquam legationem ad *Iohannem Austriacum* se meditari dixit, quâ illum vel ad pacem flecteret, vel saltem certiores faceret se tantum suarum rerum discrimen diutius sustinere non posse, & potius auxilium ad provinciales missuram, quàm passuram, ut illi ad *Anglorum* tam insigne præjudicium cum Gallo se copularent. Ad hoc etiam negotium dicto *Wilksæo* utitur, qui apud Ducem nihilo plus, quàm prius apud ipsum Regem, assequitur. *Belgæ* magis quotidie oppressi, *Gallum* omnibus modis ad se pelliunt. ELIZABETHA in tanta pacis desperatione non sic frangitur, quin adhuc illustrissimum, sapientissimumque Dominum *Cobhamiensem*, & *Franciscum Walsinghamum* sibi à secretis equitem auratum conjunctim ad *Austriacum* & Provinciales legaverit, eisque in mandatis dederit, ut eos, si fieri posset, ad pacem pertraherent; sin non posset, at tamen Gallo ingressum in *Belgiam* intercluderent. Hoc legati strenuissimè quidem nitebantur, sed nec pacem eis persuadere poterunt, nec *Belgæ* à Gallo prorsus avertere. Hoc tamen apud hos assecuti sunt, ut nulla provinciarum pars ab *Hispano* ad *Gallum* alienaretur, utcunque *Gallum* ad *Hispanorum* crudelitatem retardandam cohibendamque accersere certissimum jam haberent.

om Cobh.
Franc. Wal-
singhamus.

Quid multa? *Franciscus Valesius* ad hoc eligitur, ille
ingres-

ingressum quærebat quàm potuit tutissimū, atq; igitur ELIZABETHAM flagitat, ut suâ bona cū venia in *Angliam* primū veniat, & hinc in *Belgiam* transmittat. Quid illa jam faceret? *Valesium* provincias illas suum in patrociniū suscepisse intelligit, atque expeditionem ad illas decrevisse: hoc dolet, sed impedire non potest. Sola electio illi nunc superest, utrū Gallum, quem regno suo propinquiorem futurum videt, quàm cuperet, aliquo amicitiae officio promereri, an postulatis pernegandis offensionem ejus subire vellet. Certè cū nec à *Belgis* nec *Philippo* impetraverit, ut illius introitum præpediret, nunc si pacem subditorumque suorum tranquillitatem amet, quemadmodum semper amavit, necessitate cogitur sic se gerere, ut eum postquam provincias illas tenuerit, sibi quàm possit, pacatum & benevolum reddat. Iter ergò huic duci per *Angliam* concedit. Illi licet res feliciter non succederent, uti nostis, *Belga* tamen post eum fugatum non desciverunt à *Gallo*, sed potiùs sui gubernationem ad eum, aliter atque ELIZABETHAE priùs receperant, transferendam censuerunt. Hoc nullo modo ferendum Regina nostra duxit: ipsa igitur ijs, tot præsertim injurijs præter pactum atque iusiurandum *Philippi* læsis & afflictis potiùs quadam tenùs subveniendum duxit, quàm res suas in tam apertum discrimen præcipitandas: Sic tamen, ut summam eorum potestatem aut protectionem, quarum utraq; oblata fuit, nullo modo assumeret, nè quicquam *Philippo* eriperet quod suum esset, sed tantum eos in recuperando suo jure adjuvaret, quod Hispanorum fastu atque tyrannide tantoperè labefactatum, quantocunq; suo sanguine redimere constituerant.

Sed

Sed interrogantem acutum hunc disputatorem mihi audire videor, cur *Robertus Lecestria comes, Majestatis Angliæ vicarium, gubernatorem, ducemque supremum confederatarum Belgicæ provinciarum &c.* se appellaverit? Respondeo, æstu quodam suo, hoc illum fecisse, tamque acrem principis offensionem propter hoc incurrisse, ut licet aliàs maximâ apud illam auctoritate esset, eam tamen ad hujus sui facti comprobationem nunquam pertrahere potuerit. Et quamvis ex possessione duorum oppidorum munitissimorum maximam earum provinciarum perpetuò sibi retinendarum opportunitatem se sciret esse nactam: nihilominus restoribus (quos *status* vocant) illa restituit, nec citius spem aliquam pacis cum *Philippo* concipit, quàm legatos suos ad eam rem satis instructos, ad *Parmensem* mitteret, eandemque cupere omnibus modis se ostenderet. Ejus autem legati, cum ad loca huic negotio præstituta accederent, diploma suum ostendunt, at nullum apud *Hispanos* inveniunt: aliquot menses nugis, nescio quibus, transmissos attendunt, & interim classem illam *Hispanicam*, cujus pondere contremuit Oceanus, strepitu cæli repleti sunt, quamque invincibilem ipsi appellabant, versùs *Angliam* properare audiunt. Quod stratagema quàm *Philippo* dedecorosum, quamque ipsi *Deo* odiosum, turpis eventus optimè indicavit.

Videtis igitur **ELIZABETHA** quàm ingenuè & amantèr erga *Philippum* semper se gessit, fœdus cum illo initum quàm religiosè conservavit, conatibus ejus erga vicinos nobis *Belgas* injustissimis, suæq; Reip. periculosissimis, quàm tardè & invitè se opposuit. Nunc si placet, *Philippi* ergà eam facta paucissimis examinare
statutum

statutum est, ut intelligatis, hic pessimus calumniator quam nullam causam tot effrenatarum vociferationum habuerit, quotq; non tam imputis quam iniquis falsisq; contumelijs Reginam hanc magnificam, piam, innocentem, candidissimamq; violaverit.

Multos olim habebamus *Anglos* scabie illâ Pontificiâ sic infectos, ut post susceptum ab ELIZABETHA imperium, paucissimi ab *Angliâ* exilium nullo modo sustinuerint, sed conscientiae religionisq; colore in partes transmarinas, & praesertim *Hispaniam* clam se subduxerint. Hos non solum optimo splendidissimoq; hospitio excepit *Philippus* (nam illud non ita inhumanum, aut illi invidiosum fuisset) sed multa contra Reginam suam nativumq; regnum machinantes tam pecunijs quam consilio adjuvit atq; fovit. *Anglos* non paucos solius mercaturae causa *Hispaniam* accedentes, in sacram (quam illic vocant) domum solâ conscientiae causa pertraxit, eosq; quod missam si equentare recusarent, non corporibus solum crudelissimè afflixit, sed bonis etiam omnibus nequissimè spoliavit. Quod Regi quam turpe sit, in amicos, eosq;, quibuscum datâ fide publicè commercium exercet, ut nos taceamus, ipsum jus Gentium, & communis ratio clamitat. Libenter audirem *Hispanum* aliquem, qui, commercio eis nobiscum intercedente, ad rerum nostrarum mercaturam *Angliam* appulit, conquerentem, se durius ob religionis causam tractatum, aut à Iudice aliquo interpellatum. Non autem *Angli* solum, sed & omnes ubique Christiani, Iudaeis, Mahometistis, reliquisq; quicunque per orbem terrarum dispersi sunt, ethnicis, commercij securitate semel datâ, sectam suam liberam patiuntur, silentiumq; ad summum imponunt, fidei aut dogmatis

Phil. jus. gent.
prolat.

rationem nunquam interrogare, multò minùs tormentis exprimere conantur.

Sed tolerabilius fuisset *Philippi* odium, si *Hispania* terminis circumscriptum fuisset, & subditorum aliquot jacturâ satiatum: *Angliam*, *Angliam* ipsam non pertigit solum, sed etiam peragravit, & cum ipsi Regine nostræ internecionem, tum etiam Regno vastitatem & solitudinem designavit. Non dubito, quin de Bullâ illâ *Pij* quinti audiveritis, quâ *ELIZABETHAM* à Christianorum cœtu extorrem fecit, subditos suos ab omni erga illam pietate & officio immunes constituit, immò quidem omnes eodem excommunicationis laqueo complexus est, qui ejus fidem & clientelam non omninò deserent.

Northumber. Westmerlan. Hic *Philippus*, quòd fœdere inter eum & *ELIZABETHAM* adhuc consistente & integro, non solum consensum suum, sed & auxilium, *Aquilonares* illos comites *Northumberlandensem* & *Westmerlandensem* ad rebellionem incitando, præstiterit existimationem suam & candorem, qui in Rege saltèm Christiano esse debet, pessimè lesit. Cujus rei testem non nostratem aliquem, sed *Italum* illum proferimus, qui librum de *Pij* quinti vitâ *Romæ* anno salutis humanæ 1587. excussum conscripsit.

Stukelzus. Profusissimum præterea nepotem illum & desperatissimum ferè omnium qui unquam fuerunt, prædonem atque perfugam *Stukelaum*, qui locupletissimo apud nos patrimonio dissipato, & ingenti ære alieno contracto, ad piraticam primò, deindè Pontificis amicitiam cum ganeonum colluvie nescio qua transivit atque devolavit, *Philippus* in intimis habuit, ab eoq; & alijs perduellibus *Hibernicis* didicit, quâ potissimum

tissimum *Hispani* illi & *Itali*, quos ad intercipientem **ELIZABETHAE** *Hyberniam* anno 1584 Pontifex misit, eam insulam invaderent, cumq; ejus terræ conjuratoribus commodissimè se conjungerent.

Istis quid ni etiam adjungamus omnia illa facinora suorum Legatorum, reliquorumq; ministrorum, quibus intestinum & suum & ipsius Regis in **ELIZABETHAM** *Angliamq;* odium apertissimè prodiderunt? *Guaras*, quando apud nos legationem obivit, cum *Mariae Scotorum* affectis ad Reginam nostram interficiendam & Rempublicam pervastandam conspiravit. *Iohannes Austriacus* cum comite *Westmerlandie* calamitatem nobis sedulò machinabatur. Vniuersi pariter *Hispanie* consiliarij regnum nostrum hostiliter invadendum statuerunt, sed an proximâ viâ, an primò per *Hyberniam*, multum hæsitabant. Legatus deniq; ille, vel impostor potius *Bernardinus Mendoza* non solum perduellione cujusdam *Throgmortoni* se contaminavit, quem classem *Ibericam* ad nos introducere voluisse certo certius est, sed multis etiam alijs perfidijs scelestisque designationibus, quas legatum contra eam struxisse, cujus amicitiam & fenserat, & non levitè Regis sui nomine desiderasse videbatur, minimè decuit.

Vt autem dolos suos tantò facilius ad effectum perduceret, insulæ nostræ conditionem, subditorum affectiones, portuum capacitates curiosissimè exploravit. Hæc autem non rumusculis aut conjecturis levioribus aucupati sumus, sed obsignatis tabulis, & ipsorum ministrorum, qui hæc perpetrarunt, literis comperta tenemus & apertissimè deprehensa.

Guaras.

Ioh. Austriac.
cum *West-*
merlanden.

Bernard.
Mendoza
cum *Throg.*

Classis invin-
cibilis.

Hæc quantam malitiam arguunt, intelligitis, sed tamē *Philippo* non satisfecerunt. Cūm dolos suos omnes interverti perspiceret, apertè rē suscipiendam putat. Atq; igitur ultimò omnium classem illam horrificam, de quā modò locuti sumus, extruxit, nobisq; adhuc pacis spe suspensis, sic emisit, ut portus ferè nostros prius occuparet, quàm nos quid vellet, suspicari possemus. Inauditos apparatus, quibus hanc expeditionem instituit, quis satis pro dignitate declarare potest, cūm nemo sit omnium qui similes viderit? Sed omnes, quicumq; fuerunt, reciderunt in nihilum: *Deus* ille *καρδιογυνος* simplicitatis nostræ & innocentiae miseratione permotus, tam insidiosus ejus conatibus sine nostro facto obstitit, immanemq; eum exercitum tantum nobis commonstravit qualis esset, commonstratum vel fluctibus marinis obruebat, vel miserè quassatum atq; fractum domum quasi collo obduxit & retorfit.

Cūm *Iuriconsultus* sic perorasset, non peregrinationis atque vitæ magis (inquit *Historiographus*) quàm studiorum commercio & societate, vos videmini conjuncti esse. Difficile est enim dicere, *Iuriconsultus* πολιτικώτερον, an *Politicus* Iuriconsultio rem se præbuerit. Nostram sitim abundè quidè explevistis. Nunc igitur, vestri etiam rationem habebimus, curamq; ab hac orationis contentione laxabimus.

Finis secundi Dialogi.

DILECTO FILIO

Sleid. fol. 111.

HENRICO, CHA-

RISSIMO IN CHRISTO FI-

16. Decemb.

LII NOSTRI HENRICI AN-

1503

glia Regis Illustrissimi Nato illustri; & Dilectæ

in Christo filia CATHARINAE cha-

rissimi etiam in Christo filij nostri FERDI-

NANDI Regis, & charissimæ in Christo

filia nostræ ELIZABETH, Reginae His-

paniarum, & Siciliae, Catholicorum natæ, illu-

stribus, Salutem & Apostolicam benedictionem.

*Descript. ex Codice dispensationum: Te-
norem conveximus & auximus
ex Virnesio.*



V L I V S Papa secundus Epif-
copus, Servus servorum Dei, Di-
lecto, &c. Dilecte fili, & dilecta in
Christo filia, Salutem & Aposto-
licam benedictionem. Romani
Pontificis præcellens autoritas, con-
cessa sibi desuper utitur potestate, prout personarum,
negotiorum, & temporis qualitate pensata, id in Do-
mino conspicit salubriter expedire. Oblatæ nuper no-
bis pro parte vestrâ, petitionis series continebat: Quod
cùm aliis tu filia Catharina, & tunc in humanis agens
quondam Arthurus charissimi in Christo filij nostri
Henrici Angliæ Regis illustris Primogenitus, pro

conservandis pacis & amicitiae nexibus & foederibus inter praefatum Angliae Regem, & charissimum in Christo filium nostrum *Ferdinandum* Regem, & charissimam in Christo filiam nostram Reginam Catholicos Hispaniarum & Siciliae, ac praefatum Angliae Regem & Reginam matrimonium per verba legitimè de praesenti contraxissetis, illudque carnali copula forsàn consummavissetis: Quia tamen diutius *Arthurus*, prole ex hujusmodi matrimonio non suscepta, decessit, & hujusmodi vinculum pacis & amicitiae inter praefatos Reges & Reginam ita diutius permaneat: Cum autem, sicut eadem petitio subjungebat, ad hoc ut firmitè verisimilitè non perduraret, nisi etiam illud alio affinitatis vinculo confoveretur & confirmaretur: Ex his & certis alijs de causis consideratis, Matrimonium inter vos per verba legitimè de praesenti contrahere: Sed quia desiderium vestrum in praemissis adimplere non potestis, dispensatione Apostolicà desuper non obtenta: Nobis propterea humiliter supplicari fecistis, ut vobis providere in praemissis de opportuna dispensationis gratia, de benignitate Apostolicà dignaremur. Nos igitur, qui inter singulos Christi fideles amicitiam, praesertim inter Catholicos Reges & Principes pacis & concordiae unitatem vigere intensis desiderijs affectamus, Vos & quemlibet vestrum à quibuscunque excommunicationis, suspensionis, & interdicti, alijsque Ecclesiasticis sententijs, Censuris, & Poenis à jure vel ab homine, quavis occasione vel causa latis, si quibus quomodolibet innodati existitis, ad effectum duntaxat praesentium consequendum, Harum serie absolventes, & absolutos fore censentes.

sentes. Huiusmodi his & alijs causis animum nostrum
 moventibus, huiusmodi supplicationibus inclinati, vo-
 biscum ut (impedimento aliquo affinitatis huiusmodi
 ex præmissis proveniente, ac Constitutionibus & or-
 dinationibus Apostolicis, cæterisq; contrarijs nequa-
 quàm obstantibus) matrimonium per verba legitime
 de præsentī inter vos contrahere, & in eo postquàm
 contractum fuerit (etiam si jam forsan) remanere liberè
 & licitè valeatis, auctoritate Apostolicā per præsentēs
 dispensamus; & quatenus forsan jam matrimonium
 inter vos hætenus de facto publicè vel clādestinè con-
 traxeritis, ac carnali copula consummaveritis, dispensa-
 mus: ac vos & quemlibet vestrum, si contraxistis (ut
 præfertur) licitè remanere valeatis, auctoritate Aposto-
 licā tenore præsentium, de speciali dono gratiæ, ab ex-
 cessu huiusmodi, & ab excommunicationis sententiā,
 quam propterea incurristis, eādē auctoritate absolvi-
 mus. Ac etiam vobiscum, ut in huiusmodi matrimonio
 sic de facto contracto remanere, seu illud de novo inter
 vos contrahere, liberè & licitè valeatis. Similitèr dis-
 pensamus, prole ex huiusmodi matrimonio, sive con-
 tracto sive contrahendo, susceptam vel suscipiendā le-
 gitimam decernentes. Volumus autem, quòd si huius-
 modi matrimonium de facto cōtraxistis, ut Confessor
 per vos & quemlibet vestrum eligendus, pœnitentiam
 salutarem propterea vobis iungat, quam adimplere
 teneamini. Nulli ergò omninò hominum liceat hanc
 paginam nostræ absolutionis, dispensationis, & volun-
 tatis infirmare, vel ei ausu temerario contraire. Si
 quis autem hoc præsumpserit, indignitatem Omni-
 potentis Dei, ac beatorum *Petri & Pauli* Aposto-
 lorum eius, se noverit incursum. Dat. *Romæ*

apud Sanctum *Petrum* sub annulo Piscatoris. 7. Kalendar. Ianuarij. Anno Incarnationis Dominicæ. 1503. Pontificatus nostri Anno primo.

Sigismundus signavit: & in tergi margine affixus erat Piscatoris annulus.

BULLA CLEMENTIS Septimi, concessa Henrico

Octavo, de secundis nuptijs contrahendis, constante nullitate primi Matrimonij.



CLEMENTIS Episcopus, Servus servorum Dei, charissimo in Christo filio nostro *Henrico Anglia* Regi illustri, fidei defensori, salutem & Apostolicam benedictionem. Exponi nobis nuper fecisti: Quod alias tu & dilecta in Christo filia *Catharinam*, relicta quondam *Arthuri* fratris tui germani, non ignorantes vos primo affinitatis gradu invicem fore conjunctos, matrimonium per verba alias legitima de presenti, nulla saltē Canonica seu valida dispensatione desuper obtenta, quamvis de facto contraxistis, illudque carnali copula confirmastis, ac prolem ex ejusmodi matrimonio suscepistis, Excommunicationis sententiam incurrendo. Et cum Majestas tua in hujusmodi matrimonio absq;

peccato

peccato remanere nequeat, & ne diutiùs in huiusmodi peccato, & excommunicationis sententia remaneat, desideret ab huiusmodi excommunicationis Sententia, à Iudice ecclesiastico competente Absolutionis beneficium obtinere, ac Matrimonium ipsum nullum & invalidum fuisse, tibi que licere cum quacunque alia muliere (alio non obstante Canone) Matrimonium contrahere declarari, Et in eventum declarationis nullitatis Matrimonij huiusmodi tecum dispensari, ut cum quacunque alia muliere, etiamsi illa talis sit, quæ aliàs cum alio matrimonio contraxerit, dummodo illud carnali copula non consummaverit, etiamsi tibi aliàs secundo vel remotiori consanguinitatis, aut primo affinitatis gradu ex quocunque licito seu illicito coitu conjuncta (dummodo Relicta dicti fratris tui non fuerit) ac etiamsi cognatione spiritali vel legali tibi conjuncta extiterit, & impedimentum publicæ honestatis Iusticiæ subsistat, Matrimonium licitè contrahere & in eo liberè remanere, & ex eo prolem legitimam suscipere possis. Quare pro parte tui asserentis ex antiquis Chronicis Regni constare, in ipso regno quam plurima gravissima bella sæpè exacta, & Christianam pacem & concordiam violatam fuisse, propter impios homines, sua detestanda & regnandi & dominandi libidine excitatos, confingentes ex justis & legitimis quorundam Progenitorum & Antecessorum tuorum Angliæ Regum nuptijs procreatos, illegitimos fore propter aliquod consanguinitatis vel affinitatis confectum impedimentum, & propterea inhabiles esse ad regni successionem, indeque miserandam Principum & procerum & populorum subditorum stragem sequutam fuisse: Nobis fuit humiliter supplicatum, ut regni tui tuorumque

que subditorum tranquillitati & paci imprimis consulere, & tantis malis obviare, ac alias in præmissis oportuna remedia adhibere, de benignitate Apostolicâ dignaremur. Nos, qui omnium Regum, præsertim Majestatis tuæ, ob ejus quàm plurima immensâ in nos & hanc Sanctam Sedem, in qua permissione divinâ sedemus, collata beneficia, dum ab iniquissimis pestilentissimorum hominum conatibus, qui eam partim viribus & sceleratâ audaciâ, partim perversâ doctrinâ labefactare moliebantur, strenuissimè cum viribus & gladio, tum calamo & eruditione vindicare indies non cessat, petitiones (præsertim salutem animarum concernentes) quantum cum Deo possumus, ad exauditionis gratiam admittimus, eorum honestis votis favorabiliter annuimus. Ex præmissis & nonnullis alijs causis nobis notis, hujusmodi supplicationibus inclinati; tecum, ut si contingat Matrimonium cum præfata *Catherina* alias contractum, nullum fuisse & esse declarari, teque ab illius Vinculo legitimè absolvi, cum quacunque muliere, ipsaque mulier tecum, dum modò à te propter hoc rapta non fuerit, etiamsi Mulier ipsa talis sit, quæ priùs cum alio Matrimonium contraxerit, dummodò illud carnali copula non fuerit consummatum, etiamsi illa tibi alias secundo aut remotiori consanguinitatis, aut primo affinitatis gradu, etiam ex quocunque licito vel illicito coitu proveniente invicem conjuncta; (dummodo Relicta fratris tui non fuerit, ut præfertur) etiam si cognationis spiritualis aut legalis, & publicè hone-

honestatis Iusticiæ impedimentum subsistat, & tibi conjuncta existat, Matrimonium licitè contrahere, & postquàm contractum fuerit, in eo sic contracto, etiamsi illud inter te & ipsam mulierem, cum de facto publicè vel clandestinè contractum & carnali copula consummatum fuerit, licitè remanere valeatis, Auctoritate Apostolicâ & ex certa nostra scientia, & de Apostolicæ pietatis plenitudine, tenore præsentium, dispensamus, prolem inde forsan susceptam & suscipiendam legitimam fore decernendo: Non obstantibus prohibitionibus Iuris divini, ac constitutionibus & Ordinationibus alijs quibuscunque in contrarium æditis, quibus (in quantum Apostolica Autoritas se extendit) illis aliàs in suo robore permanens, quoad hoc specialiter & expressè derogamus: districtius inhibentes in virtute sanctæ obedientiæ, & expressè mandantes sub interminationibus divini iudicii, ac sub pæna Anathematis, alijsque ecclesiasticis sententijs, censuris & pænis, quas ex nunc prout ex tunc, & è converso, ferimus & promulgamus in his scriptis, Ne quisquam in posterum vllum impedimentum præcontractus Matrimonialis non consummati, consanguinitatis in secundo aut vltiori gradu, affinitatis primo, vt præfertur; cognationis spiritualis aut legalis, seu Iusticiæ publicæ honestatis impediment. prædict. adversos liberos tuos, quos ex quocunque Matrimonio vigore præsentium contrahendo, Dei benignitate susceperis palàm vel occultè, in iudicio vel extra, illud allegare, proponere, aut abijcere, seu verbo vel facto diffamare
 præsu-

præsumat, aut quocunque modo attentet. Nulli ergò
hominum liceat hanc paginam nostræ dispensationis,
decreti, derogationis, inhibitionis, & Mandati infrin-
gere, vel ei ausu temerario contrà ire. Si quis autem
hoc attentare præsumpserit, Indignationem omni-
potentis Dei ac Beatorum *Petri & Pauli* Apostolo-
rum ejus se noverit incursum. Dat. in Civitate no-
stra Vrbe veteri. Anno incarnationis Dominicæ 1527
16. *Kal. Ianuar.* Pontificatus nostri *Anno Quint.*

CENSURAE DI- VERSARVM ACA- DEMiarVM DE

coniugio leviri cum sua fratria.

AC PRIMVM

CENSURA AL- MAE VNIVERSI- tatis Aurelianensis.



VMabhinc aliquod tempus nobis Collegio Doctorum Regentium almae vniversitatis Aurelianensis propositae fuerint, quae sequuntur, quaestiones, videlicet, *Si iure diuino liceat fratri relictam fratris (quam fratriam vocant) accipere uxorem.* Item & si hoc sit eo iure vetitum, utrum diuina legis prohibitio pontificali dispensatione remitti possit: Nos praedictum Collegium post multas ad praedictorum dubiorum disputationem (de more nostro) factas sessiones, & congregationes, postq; juris tum diuini, tum Canonici locos (quoad facere potuimus) examinatos, & omnibus mature, atq; exacte pensatis, & consideratis: definimus praedictas nuptias citra diuinae legis injuriam attentari non posse, etiam si summi pontificis accedat indulgentia, vel permissus. In cuius rei testimonium pra-

præfens publicum instrumentum à scriba præfata
 alme Vniuersitatis subfignari fecimus, ejusdem-
 que sigillo communiri. Actum in sacello beate
 Mariæ Boninucij Aurelianensis. Anno Domini
 millesimo quingentesimo vigesimo nono, die quin-
 to mensis *Aprilis*.

CENSURA FACULTATIS
 DECRETORVM ALMÆ
Vniuersitatis Parisiensis.



IN nomine Domini *Amen*. Cum
 proposita fuisset coram nobis Deca-
 no & Collegio cōsultissimæ faculta-
 tis decretorum Parisiensis vniuersi-
 tatis quæstio: *An papa possit dispen-*
sare, quòd frater possit in uxorem
ducere, sive accipere relictam fratris sui ma-
trimonio consummato per fratrem præmortuum: nos
 Decanus & Collegium præfate facultatis, post multas
 disputationes & argumenta hinc inde super hac mate-
 riâ facta, ac habita, cum magna & longa librorum tam
 diuini, quàm pontificij & civilis iurium revolutione,
 consulimus, & dicimus, papam non posse in facto pro-
 posito dispensare. In cujus rei testimonium, has præ-
 sentes sigillo nostræ facultatis, & signo nostri scribæ
 primi Bedelli nuntiri fecimus. Datum in congregatio-
 ne nostra apud Sanctum Iohannem Lateranensem,
 Parisijs die vicesima tertia mensis *Maij*, anno Domini
 millesimo quingentesimo trigésimo.

CEN-

CENSURA FACULTA-

TVM IURIS PONTI-

ficij & legum almæ Univer-

sitatis Andegavensis.



VM certo abhinc tempore nobis Rectori & Doctoribus Regentibus in pontificia, & legum disciplina almæ universitatis Andegavensis sequentes quæstiones propositæ fuerint, scilicet; *Utrum jure divino pariter, & naturali illicitum sit homini Christiano relictam fratris sui, etiam absque liberis, sed matrimonio jam consummato defuncti ducere uxorem: Et an summo pontifici liceat super hujusmodi nuptijs dispensare:* Nos præfati Rector & Doctores, post plures ad disputationem hujusmodi quæstionum, & veritatem comperendam factas, ex more, congregationes & sessiones, postque varios juris tam divini, quam humani locos, qui ad eam rem pertinere videbantur, discussos, multas quoque rationes in utramque partem adductas, & examinatas, omnibus fideliter consideratis, & maturâ deliberatione præhabita: definimus neque divino, neque naturali jure permitti homini Christiano, etiam cum sedis Apostolicæ autoritate, seu dispensatione super hoc adhibita, relictam fratris, qui etiam sine liberis post

post consummatum matrimonium decesserit, vxorem accipere, vel habere. In quorum omnium supradictorum fidem, præsens publicum instrumentum a scriba seu notario præfate almæ Vniuersitatis subsignari iussimus, ejusdemque Vniuersitatis magno sigillo muniti. Actum in æde sacra Diui *Petri* Andegavens. In Collegio nostro. Anno Domini millesimo quingentesimo tricesimo, die septimo mensis *Maij*.

CENSURA FACULTA-
TIS SACRÆ THEO-
logiæ Almæ Vniuersitatis
Parisiensis.



DECANVS & facultas Sacræ Theologiæ almæ vniuersitatis Parisiensis, omnibus, ad quos præsens scriptum pervenerit, salutem in eo, qui est vera Salus. Cùm nupèr suborta magnæ difficultatis controversia super invaliditate matrimonij, inter serenissimum *Henricum* octavum *Angliæ* regem, fidei defensorem, & Dominum *Hiberniæ*, ac illustrissimam dominam *Catharinam* Angliæ reginam, claræ memoriæ Ferdinandi regis catholici filiam contracti, & carnali copulâ consummati, illa etiam nobis quæstio in iustitia & veritate discutienda, & examinanda proposita fuerat, videlicet: *An ducere relictam fratris mortui sine liberis sic esset jure diuino & naturali prohibitum, ut inter-*

interveniente summi Pontificis dispensatione, non possit fieri licitum, ut quis Christianus relictam fratris ducat, & habeat in uxorem. Nos Decanus & facultas antedicta, cogitantes, quàm esset pium & sanctum, necnòn debito charitatis, & nostræ professioni consentaneum, ut his, qui in lege Domini securâ, tranquillâque conscientia vitam hanc ducere, & transigere cupiant, viam justitiæ ostenderemus: nolimus tam justis & pijs votis deesse. Hinc more solito, apud ædem S. *Mathurini* per juramentum convenientes, & solemnè missâ cum invocatione Spiritus Sancti ob hoc celebratâ, necnòn præstito juramento de deliberando super præfatâ quæstione, secundum Deum & conscientiam; Post varias & multiplices Sessiones, tam apud ædem S. *Mathurini*, quàm apud Collegium *Sorbonæ*, ab octavâ Iunij usquè ad secundam Iulij habitas, & continuatas, perscrutatis prius, excussisq; quàm diligentissimè, ac eâ, quâ decuit, reverentiâ & religione sacre Scripturæ libris, eorumque probatissimis interpretibus, necnòn Sacrosanctæ Ecclesiæ generalibus, ac synodalibus concilij decretis, & Constitutionibus longo usu receptis & approbatis: Nos prædicti Decanus & facultas de prædictâ quæstione differentes, & ad eam respondentes, sequentes unanime iudicium, & consensum majoris partis totius facultatis asseruimus, & determinavimus, prout & in his scriptis per præsentis asserimus, & determinamus, quòd prædictæ nuptiæ cum relictis fratrum decedentium sine liberis, sic naturali jure pariter & divino sunt prohibitæ, ut super talibus matrimonijs contractis, sive contrahendis summus Pontifex dispensare non possit. In cujus

nostræ assertionis & determinationis fidem, & testi-
monium sigillum nostræ facultatis cum signo nostri
Notarij, seu Bedelli præsentibus apponi curavi-
mus. Datum in generali nostrâ congregatione per
juramentum celebratâ apud Sanctum *Ma-
thurinum*. Anno Domini Millesimo
quingentesimo trigesimo,
mensis verò Iulij
die 2.

Censura



*Censura almæ Universi-
tatis Bituricensis.*



O S cum Decano Theologiæ
facultas in Vniuersitate *Bitu-
ricensi*, (ut Doctotis Genti-
um *Pauli* exemplo plerisque
locis auspicemur scriptum no-
strum à precatione) omnibus
dilectis Dei, in quibus vocati
estis, Lectores charissimi, qui-
que ad quos scribimus, gratia vobis & pax à Deo
Patre, & Domino nostro Iesu Christo. Dum com-
plerentur dies inter Octavas Pentecostes, & esse-
mus omnes pariter in eodem loco, corpore & ani-
mo congregati, sedentesque in domo dicti Decani;
facta est nobis rursus quæstio eadem, quæ sæpius an-
teà, non quidem parua, hunc in modum. *An rem fa-
ciat illicitam, necnè, frater accipiens uxorem à præ-
mortuo fratre relictam, consummato etiam matrimo-
nio.* Tandem rei ipsius veritate disquisitâ, & perspectâ
multo singulorum labore, & sacrorum iterata atq; ite-
rata revolutione codicum: unusquisque nostrum non fas-
cinatus, quò minus veritati obediret, cepit, prout spiri-
tus sanctus dedit, suum hoc unum arbitrium eloqui
absq; personarum acceptione in veritate comperi, per-
sonas memoratas in capite Levitici 8. supra decimum
prohibitas esse jure ipso naturali, authoritate humanâ
minimè relaxabili, & vetitas nè invicem matrimonium
contrahât, quo fit fraternæ turpitudinis abhominabilis
revelatio. Et hoc nobis signum nostri Bedelli nota-
rij publici, cum sigillo dictæ supra nostræ facultatis

præsentibus appenso. Die decimo Iunij. Anno verò
 à Christi nativitate, Millesimo, quingentesimo, tri-
 cesimo. Vt autem nostræ scriptionis pes & caput uni
 reddantur formæ, quemadmodum sumus auspicati
 à precatione, ità claudamus, illius, quo utimur, ex-
 emplo. Gratia Domini nostri Iesu Christi,
 charitas Dei, & Communicatio San-
 cti Spiritus sit cum omni-
 bus vobis. Amen.

* *
 *



CENSURA FACULTA-
TIS SACRAE THE-
ologiae Universitatis Bo-
nienſis.



V M Deus Opt. Max. veterem legem nedum ad morum vitaeque informationem, ac institutionem ore suo tradiderit, idemque humanitate sumptâ, mortalium redemptor Deus novum condiderit Testamentum, sed ad dubia, quæ in multis emergabant, tollenda declarandaque contulerit, quæ ad hominum perfectionem elucidata nonnihil conferunt: nostras partes semper fore duximus, hujusmodi sanctissima patris æterni documenta sectari, & in rebus arduis ac dubitabilibus, superno illustratos lumine, nostram ferre sententiam, ubi causa maturè consultâ, multisq; hinc inde rationibus, scriptisq; patrum dilucidata fuerit, nihil, quoad possumus, in aliquo temerè ferentes. Cum itaq; nos præstantes quidam & clarissimi viri obnixè rogarint, ut subsequenter casum maximâ diligentia perscrutaremur, nostrumq; subinde in eum judicium ferremus æquissimè, soli veritati innitentes: in unum omnes almae Universitatis hujus Doctores Theologi convenimus, casu prius per unumquemque nostrum sigillatim domibus proprijs examinato, summâque solertia per dies plurimos contractato. Illud unâ mox vidimus, examinavimus, contulimus, ad amussimq; singula quæq; pertractantes ponderavimus, rationes quascunque contrarias, quas fieri posse censuimus, in medium afferentes, atq; solventes, etiam ipsius

reverendissimi D. D. Card. *Caietani*, necnon Deuteronomicam dispensationem de fratris suscitando semine, & reliquas tandem omnes sententias oppositas, quæ ad id negotij facere viderentur. Quæsitum est igitur à nobis, *An ex solâ Ecclesiæ institutione, vel etiam jure divino prohibitum fuerit, ne quis relictam à fratre sine liberis in uxorem ducere valeat.* Quod si utrâque lege ne fieri possit, cautum est; *An quenquam possit Beatissimus Pontifex super ejusmodi contrahendo matrimonio dispensare.* Quâ diligentissimè (ut diximus) ac exactissimè scorsim palamque examinatâ ac pro viribus nostris, optimè discussâ quæstione, censuimus, judicamus, dicimus, constantissimè testamur, & indubiè affirmamus hujusmodi matrimonium, tales nuptias, tale conjugium horrendum fore, execrabile, detestandum, viroque Christiano, immò etiam cuilibet infideli prorsus abominabile, esseque à jure naturæ, divino & humano diris poenis prohibitum. Nec posse sanctissim. Papam (qui tamen ferè omnia potest) cui collatæ sunt à Christo claves regni cælorum: non, inquam, posse aliquâ ex causâ super hujusmodi contrahendo matrimonio, quenquam dispensare. Ad hujus conclusionis veritatem, tutandam, omnes in omnia loca & tempora parati sumus. In quorum fidem has scripsimus, almæque nostræ Universitatis ac sacri venerabilium Theologorum Collegij sigillo munivimus, solitâ nostrâ generali subscriptione signantes. *Bononiæ* in Ecclesiâ Cathedrali, decimâ Junij. Anno Domini M. D. X X X. sub Divi *Clementis 7.* Pontificatu.

Censura facultatis sacræ

Theologiæ almæ Universita-
tis Pataviensis.



EST A T V R, qui Catholicam fidem astruunt, *Deum Opt. Max.* legis veteris præcepta filijs *Israël* ad exemplar vitæ, ac morum nostrorum institutionem ore proprio tradidisse, eundemq; trabecâ humanitatis indutum, Redemptorem omnium factum, novum Testamentum condidisse, & nedum propter hoc, sed ad dubia quæcunque emergentia removenda, dilucidandaque nobis misericorditer condonasse : quæ ad nostri perfectionem enucleata fructus uberes conferunt & salutare. Nostrum semper fuit, eritque per sæcula (uti Christicolæ decet) hujusmodi celebratissima summi Pontificis instituta sectari, & in quibusq; dubitationibus, ac arduis quæstionibus supernaturali lumine freti, nostrum proferre judicium, ubi res ipsa optimè considerata, multisque hinc inde demonstrationibus, atque patrum autoritatibus maturè declarata fuerit, temerè, quoad possumus, nihil omnino judicantes. Cum igitur nos quidam Oratores clarissimi suppliciter exorarint, ut subsequenter casum diligentissimè perferutari dignaremur, atque nostram ferremus exinde sententiam, soli veritati simpliciter attendentes. Quà ex re omnes hujus almæ Universitatis Doctores Theologi in simul convenimus, re ipsa prius per nostrum quemlibet particulariter proprijs domibus examinata,

summâque cum solertiâ enucleatâ, mox in unum redacti, cuncta consideravimus, examinavimus, omniâque figillatim ponderavimus: argumenta quæcunque contraria, quæ fieri quoquo modo posse putavimus, adducentes, atque integerrimè dissolventes, necnon *Deuteronomicam* dispensationem de *fratris suscitando semine*, & reliquas omnes rationes atque sententias oppositas, quæ ad id facere videbantur. Quæstio igitur talis fuit exposita, *An ex solâ sanctæ matris Ecclesiæ institutione, vel etiam de jure divino prohibitum fuerit, ne quis relictam fratris absque liberis in uxorem ducere valeat.* Quod si utrobique fieri nequeat, cautum est, *An beatissimus Pontifex super hujusmodi contrahendo Matrimonio quenquam dispensare legitimè possit.* Quo exactissimè (ut dictum est) seorsim, publicèque discussio, ac pro viribus, dilucidatò quæsito: dicimus, judicamus, decernimus, attestamur, atque veridicè affirmamus, matrimonium hujusmodi, tale conjugium, & tales nuptias nullas esse, immò detestabiles, atque execrandas Christiano cuilibet esse, prophanas, &, ut scelus, abhominandas, crudelissimis pœnis jure naturæ, divino, & humano clarissimè esse prohibitas. Nec beatissimum Pontificem, cui claves Regni coelestis à Christo Dei filio sunt collatæ, ullâ ex causâ posse super tali matrimonio contrahendo quenquam juridicè dispensare. Cum illa, quæ sunt à jure divino prohibita, non subsint ejus potestati, nec in illa gerit vicem Dei, sed solum super ea, quæ sunt commissa jurisdictioni hominum. Ad cujus sententiæ ac conclusionis veritatem tutandam, & ejusdem certissimam defensionem,

nem, nos omnes vnanimis semper & vbique parati
 sumus. In quorum fidem has nostras fecimus, al-
 mæque vniuersitatis nostræ, ac sacri reverendorum
 Theologorum Collegij sigillo solito communivi-
 mus. Datum *Paduæ* in Ecclesia Heremitarum S.
Augustini, die primo *Iulij*. M. D. XXX.

CENSURA ALMAE VNI-

VERSITATIS THO-

losanae.

XXX. D. M. D.



IRACTABATUR in nostra Tholosana Academia perquam difficilis quaestio, *Liceatne fratri eam, quae jam olim defuncto fratri uxor fuerat (nullis tamen relictis liberis) in matrimonio sibi conjungere.* Accedebat & alius scrupulus, qui nos potissimum torquebat, *Si Romanus pont. cui est commissae gregis Christiani cura, id suam, quam vocamus dispensatione permittat; tunc saltem liceat.* Ad utramque quaestionem cogitandam Doctores omnes regentes, qui tunc Tholosae aderant, coegit rector in concilium. Neque id semel tantum, sed etiam iterum. Quippe existimans praecipitari non oportere consilia, indigereque nos tempore, ut aliquid maturius agamus. Demum cum in unum locum conuenissent omnes tum sacrarum literarum disertissimi interpretes, tum utriusque censurae consultissimi, denique qui quavis in re & iudicio & oratione viri felicibus ingenijs non mediocriter exercitati essent, ac sese sacrosanctis concilijs parere velle, sanctorumque patrum haud quaquam pijs animis violanda decreta imitari iurassent, & unusquisque suam sententiam protulisset, atque in utramque partem diffusè decertatum esset: tandem in eam sententiam sic frequentius itum est, ut vno omnium ore alma nostra universitas

sitas animis sincerissimis, nulloque fermento vitiat
 censuerit, jure divino pariter & naturali vxorem
 relictam fratris sui nemini licere accipere. At post-
 quàm id lege eadem non licet, responsum est, non
 posse pont. aliquem ea lege solvere. Nec huic senten-
 tiæ refragari potest, quòd cogeretur olim frater vx-
 orem demortui fratris accipere. Nam hoc figu-
 ra erat, atque vmbra futurorum. Quæ om-
 nia, adveniente luce, & veritate Evangelij
 evanuerunt. Hec quoniam ita se habent,
 in hanc formam redegitur, & per no-
 tarium, qui nobis est à secretis, sig-
 nari, sigillique autentici ejusdem
 nostræ almae universitatis juf-

simus appensione commu-

niri, *Tholose. Kal.*

Octob. Ann. à Chri-

stonato. M. D.

XXX.



CLEMENS

P. P. VII.



CHRISTI nomine invocato in throno Iusticiæ pro tribunali sedentes, & solum Deum præ oculis habentes, per hanc nostram diffinitivam sententiam, quam de venerabilium fratrum nostrorum sanctæ Romanæ ecclesiæ Cardinalium consistorialiter coram nobis congregatorum consilio & assensu ferimus in his scriptis, Pronunciamus, decernimus, & declaramus in causa & causis, ad nos & Sedem apostolicam per appellationem per charissimam in Christo filiam *Catharinam* Angliæ Reginam illustrem, à nostris & sedis apostolicæ legatis in regno Angliæ deputatis interpositam, legitime devolutis & euocatis, inter prædictam *Catharinam* Reginam & Charissimum in Christo filium *Henricum* octavum Angliæ Regem illustrem, super validitate
Matri-

Matrimonij inter eosdem Reges contracti & consummati, rebusque aliis in actis causæ & causarum hujusmodi latiùs diductis, Et dilecto filio *Paulo Capi succo*, causarum sacri Palatii tunc Decano, & propter ipsius *Pauli* absentiam, venerabili fratri nostro *Iacobo Simonetæ* episcopo *Pisauriensis*, unius ex dicti *Palatii* causarum Auditoribus locum tinenti, audiendis, instruendis, & in consistorio nostro secreto referendis commissis, & per eos nobis, & eisdem Cardinalibus relatis & maturè discussis, coram nobis pendentibus, Matrimonium inter prædictos *Catharinam* & *Henricum* Angliæ Reges contractum, & inde sequuta quæcunque, fuisse & esse validum & Canonicum, validaque & Canonica, suosque debitos debuisse & debere sortiri effectus; prolemque exinde susceptam & suscipiendam, fuisse & fore legitimam. Et præfatum *Henricum* Angliæ Regem teneri & obligatum fuisse & fore ad cohabitandum cum dictâ *Catharinâ* Reginâ, ejus legitimâ conjuge, illamque maritali affectione & Regio honore tractandam, & eundem *Henricum* Angliæ Regem ad præmissa omnia & singula cum effectu adimplendum, condemnandum, omnibusque juris remediis cogendum & compellendum fore, prout condemnamus, cogimus, & compellimus: Molestationesque & denegationes per eundem *Henricum* Regem eidem *Catharinæ* super invaliditate ac scedere dicti Matrimonij quomodolibet factas & præstitas, fuisse & esse illicitas & injustas: & eidem *Henrico* Regi super illis ac invaliditate Matrimonij hujusmodi, perpetuum silentium imponendum

dum fore, & imponimus: Eundemque *Henricum* Regem in expensis in hujusmodi causa pro parte dictæ *Catharinæ* Reginae, coram nobis & dictis omnibus legitimè factis, condemnandum fore & condemnamus. Quarum expensarum taxationem nobis imposterum reservamus. Ita pronunciamus.

*Lata fuit hæc sententia diffinitiva Romæ
in Palatio Apostolico, publicè in Consi-
torio 23 Die Martij 1532.*

FINIS.

Errata sic corrigenda.

Pag 6. Lin. 4. Katharinam. & p. 6. l. 5 æstro. p. 7. l. 32. connectantur. p. 11. l. 3. Carolus. & p. 11. l. 4. natalibus. p. 12. l. 32. persentisceret. p. 13. l. 21, & 22. natalium. p. 16. l. 15. terrestres. p. 19. l. 24. omnes. p. 23. l. 13. prætendit. p. 24. l. 24. descendimus. p. 26. l. 31. rationē. p. 27. l. 4. illam. p. 28. l. 16. habitavit. p. 29. l. 21. ἔχον δύναμιν. p. 30. l. 22. per-rumpunt. p. 32. l. 14. cardiacus. p. 34. l. 13. quin. p. 35. l. 19. legibus suis. p. 36. l. 6. θεωροῦντων. p. 36. l. 7. diffusum. p. 41. l. 19. utramque illarum legum. p. 46. l. 7. commise-rint. p. 48. l. 21. vtcunque. p. 50. l. 15. muneris mei. p. 56. l. 16. præcideret. p. 60. l. 21. eos. p. 82. l. 7. nusquam tole-rarunt. p. 83. l. 26. sciscitantem. p. 87. l. 29. pertracturos. p. 90. l. 15. rationes. p. 91. l. 18. κατὰ. p. 113. l. 25. conjecis-semus. p. 154. l. 6. vectigal. p. 155. l. 31. vectigalis. p. 162. l. 9. machinantes execror. p. ead. l. 23. Anglorum susten-tationem. p. 180. l. 26. obtinuerunt. p. 182. l. 15. consilia-tiorum. p. 184. l. 3. rimanere. p. 186. l. 29. ostendebant.

